

**EIGHTH SITTING ON THURSDAY, THE 24<sup>TH</sup> MARCH,  
2005**

**MEMBERS PRESENT**

PU LALCHAMLIANA, Speaker at the Chair, Deputy Speaker, Chief Minister, 12 Ministers and 21 Members were present.

**QUESTIONS**

1. **QUESTIONS** entered in separate list to be asked and oral answers given.

**DISCUSSION AND VOTING ON DEMANDS FOR GRANTS**

2. **PU TAWNLUIA**, Minister to submit to the vote of the House various Demands under his charge.
3. **PU H. VANLADAUVA**, Minister to submit to the vote of the House various Demands under his charge.
4. **PU B. LALTHLENGLIANA**, Minister to submit to the vote of the House various Demands under his charge.

**S P E A K E R**

Chhanna nemin thinur a tikiang thin a, tawng huatthlala erawh chuan thinur a chawk tho thin. Mifing lei chuan finna thudik a chhakchhuak thin a, mi a ka erawh chuan thu atthlak a chhakchhuak thin.

Thufingte 15 : 12

Starred Question No. 101-na zawt turin Pu Lalhmingthanga i sawm ang.

**PU LALHMINGTHANGA :** Pu Speaker, ka lawm e. Ka Starred Question No. 101-na Minister in-charge Health & Family Welfare changtu chhan atan - Sorkar hian Homeopathy Doctor lak tumna a nei em ?

**PU R.TLANGHMINGTHANGA :** Pu Speaker, Member zahawm tak **MINISTER** Pu Hminga zawhna chhana chu 'Nei lo' tih a ni.

**PU LALHMINGTHANGA :** Pu Speaker, zawhbelhna - Homeopathy, Medicine hi khawvel pum ngaihtuahin a larchho tulh tulh a, kan tehkhin dan chu kan ram pawh Organic State ah i puang ang u, tih ang deuhin chemical fertilizer te kha chu a thatna hian a lehlamah side effect chhia a nei an ti a. Kan Medical Science pawh Allopathy Medicine leh hengho hian side effect nasa tak a siam a, Cancer te pawh a kaichhuak niin an hria a. India ram state dangte leh khawvel kalhmang kan en chuan Allopathy lama an kalna hi a balance turin Homeopathy Science lamah an kal nasa tawh a ni. Chumi policy chu kan sorkar pawh hian a bultan chhoh a tul ve lawm ni tiin kan rawt duh a, central hian kan state hi central pool atang hian seat allotment pakhat min pe a, an ngai pawimawh em em a, chumi min pekna chu Salt Lake city Kolkata ah khuan BHMS Medical & Surgery Degree lak theihna a ni a, MBBS zir ai hian a kum a duh rei hret a, kum 7 a ni. Stipend tepawh sorkarin a pe ve vek a, tunah hian mi 8 Doctor qualified ah hian MBBS Equivalent kan nei a, Lallunghnema hi tunah a thawk mek Dr. Lalkhawngaihsanga Chinzah, Dr. Mara Thanliana, Dr. Lalchhuanawmi, Dr. Rebecca Lalnunmawii, Dr. Lalnunsangi Pachuau, Dr. Lalkhawngaihi Renthlei, Dr. Lallianpuii te an ni, an hming ka sawi sual palh anih chuan min lo correct ula. Hengho hi an pass na pawh a rei tawh a, mahse kan sorkar hian post a create bawk lova, hma a la bawk lova, a fello hle a ni. Homeopathy Medicine leh heng an kalhmang hi kan ram atan introduce kan hunlai khan kan han tum a, post pakhat pawh kan han create ve a, huatthu-ah lo ngailo ula. Mahse, chhunzawm a awm ta lova, khawngaihtakin kan sorkar hian heng Doctor te tan hian hmun siam thei se tih kan ngen duh a. Tumna awmlo ti khan min chhan sak tawh na chungin kan natna chi hrang

hrang veite han ngaihtuah a Allopathy Medicine leh Doctor tena an tihdam theih loh hi Homeo hian hmun tam takah an tidam a ni. Chuvangin, Govt. decision mumal tak a awmin ka ring lova, engemaw administration ah Health & Family Welfare ah hian Allopathy lam a. tam avang hian post creation ah te leh R.R. han siamah te anni hi ngaihsak an hlawh lo tepawh a ni maithi. Chuvangin, sorkar hian a bikin House Leader thlengin policy thar siamin heng Doctor qualified hote hi mipui ten kan chhawr theihna turin hmun an siam thei dawn lawm ni ? A positive zawngin assurance min pe thei em ?

**PU H. LIANSILOVA**

Pu Speaker, tuna kan ngaihtlak ang khan Homeopathy dawmdawi leh a science a hi India ramah a changkang hle tawh a, Western Europe ah te hmun hrang hrangah hman a ni mek a, kan state ah pawh bultanna a awm a, a lawmawm hle a. Zirchhuakte pawh kan lo nei tan a, central hi a inhawng hle a hriat a ni a. Kan mithiam hmasate anmahni kan chhawr tangkaina ni pahfawmin central inhawngna te remchangah la in hma kan sorkarin a la thei lawm ni ? A bika Hospital emaw Dispensary emaw dinna rilru tepawh pu ila thil tha tak anih a rinawm a. Chuvangin, kan Health Minister hian helam hawi zawng hian ngaihtuahna lo hmang thar sela tih kan dinpui a ni.

**PU S. HIATO**

Pu Speaker, Zoramah hian damdawi tha tak tak thing atanga siam kan nei thin a. Pumpuna-te, Cancer natna thleng pawhin damdawi siamchawp tam tak kan ei thin a, Central pawhin a vei avangin survey pawh Tlabung lamah an lo ti tawh a, medicinal plant hi a tam em em in an hmu a, chu pawh chu explore tumna a awm em ?

Tin, hna pakhatmah siamsak lova kan Homeopathy Doctor te kan dah mai mai chuan an moral a down lutuk dawn a, damdawi mantlawm bawk si, tha bawk si, mirethei tan pawha chhawr awm em em damdawi a ni a. Kuminah nuai 10 chauh Homeo ah khan provision kan dah a, hei hi chu Pu Hminga sawi ang khan a post hi central ah pawh nawr har lo tur a ngaih a ni a, hma min laksak thei mai lawm ni ?

**S P E A K E R**

Chhang turin Health Minister i sawm ang.

**PU R. TLANGHMINGTHANGA : Pu Speaker, kan member te thahnemngaihna kha a lawmawm ka**

ti a, lak tum han tih hian la thei dinhmunah ding ila chuan lak kan tum tawhin ka ring a. Tunah hian Doctor vacant post hi 10 kan nei a, chumi atan chuan kan sorkarah lak theihna tur a proposal kal mek a ni a, chulo-ah chuan Rural Health Care Mission tih Central sorkar tharina a ruahmanah hian Committee hmasa ber consultation with state Minister tihah khan November 2 ah ka kal ve a, chutah chuan kan mamawh zia kan sawiin central pawhin hemi atana PHC tinah Doctor pakhat dahbelh nise tiin rawtna chu agenda-ah chuan a awm a. Ayurvedic Doctor dah ni thei se an ti a, chu chu Ayush an ti a, keini pawhin tha kan ti a. Tunah hian lak tumna a awm em tih laia kha tumna awm thei pawh anih loh avangin tumna a awmlo kan tihna chhan official a kan dinhmun a ni a. Mahse, he sorkar leh central sorkar pawhin a duh dan erawh chu Ayush Doctor, Homeopathic Doctor a tam thei ang ber lak kan duh a, Primary Health Center tina lak turah pawh kan hriat danin official a record kan neilo chungin office lamin engzatnge Homeopathic Doctor pass chhuak tawh tihte an hriat ang an collect a, tahchuan zawhna neitu sawi ang khan 6 vel pass chhuak tawh awmin kan hria a. Tin, kan huphurh zawka chu lak kan duh rualin centralin Ayush Doctor in la ngei ngei tur a ni min tih chuan kan ramah kan mi Doctor kan la neih si loh avangin Ayush Doctor kan neih chin bak hi man power kan lak theih turin Doctor dang Allopathy emaw, Dental Surgeon emaw hi accept nise tiin kan sawi chauh zawk a ni. Tuna kan member te thahnemngaihna kha he sorkar leh he Deptt. hian a thahnemngaihna tho niin remchang a awm phawt chuan Homeopathic Doctor hi lak a duh a ni tih ka sawi duh a, chu chu a tlangpuia in thahnemngaihna leh in rawtna kha sorkarin a ngaihtuahna leh a duhdan mek a ni. Mahse, lak tum tih kha tum thei kan nih loh avangin Doctor dang pawh kan duh thona in kan la tum thei lova, mahse kan Chief Minister pawhin a pawimawh zia hria in proposal rawn siam rawh u tiin Doctor lakbelhna kha proposal a kal mek a ni tih kha kan chhanna a ni.

**PU LALHMINGTHANGA :** Pu Speaker, kan Minister zahawm tak in regular post ruak a sawi 16 kha Allopathic tan ringawt ti lovin hei hi hnawhkhah anih chuan a in tah tawl chhoah pawh khan tuna kan neihsa 8 ka tih kha ka sawi dikah ka ngai a, an hming ka sawi dik chiahlo anih pawhin 8 hi qualified an awm a ni. Anmahni zirnaah hi chuan MBBS equivalent state dangah tepawh engkim Sub-Divisional Medical Officer hmunte leh Civil Surgeon kan tihte luah ve vek an ni a. Tin, India ram hi Homeo-ah chuan an sang reng reng a, khawvel sorkar dang pawhin an zirna hmunpui Ayurvedic Medicine a ni a. Chuvang chuan, kan ram hi heti zawnga kan pen a ngai si a, regular post 16 hnawhkhahna turah emaw, Primary Health Centre, India ramin a rawn ngaih pawimawh hnawh khahna turah hian eng ratio emaw hi chu an tan bik a set a side theih a ni lawm ni. Chutiang chu a tih theih hram lawm ni tih kha ka zawtnawn leh a, ka ngen leh anih chu.

**PU R. TLANGHMINGTHANGA :** Pu Speaker, member zahawm tak ngaihtuahna leh thahnemngaihna kha a lawmawm a. Mahse, thil awmzia hi tunah hian Hospital Doctor awm lohna 20 chuang kan nei a, a tlangpui a mipuiin kan beiseiah chuan doctor kan beisei hi Allopathy Doctor a ni tlangpui a. Mahse, chutih lai chuan Primary Health Centre a dah tur lam kha chumi atan hrim hrim ni chuang lova kan post neih ah khan engzat chiahin nge ratio kan siam ang a, a remchang dan tur kan Hospital lian ah te Homeopathy Doctor ten chanvo an neih theihna tur chuan ruahmanna siam tumna kan rilruah a a wm a. Tin, Central Sorkarin Rural Health Care Mission an tihah hian Central Sorkarin Indian system of medicine an tih hi practise hram an duh a, chuvang chuan an ngaih danah chuan Primary Health Centre ah Doctor 2-na atan Homeopathic Doctor nise an tih chhan laia kha Primary Health Centre kan neih zawng zawngah hian Allopathy Doctor kan nei vek tawh a an ngaih vang a ni a. Mahse, single Doctor tur chuan min insist lem lova mahse Doctor kan neih kim theih loh laia kha an hriat loh avanga nei kim ngei ngei turah Hospital ni ve si-ah chuan Doctor awm ngei ngei tura an ngaih lai kha pakhat theuh kan dahbelh dawn ani an ti a, Ayush Doctor nise an tihna lai kha a ni a, kan dinhmun nen a inmil zel a siamchhoh tum a ni.

**S P E A K E R** : Starred Question No. 102-na zawt turin Pu S. Hiato i sawm ang.

**PU S. HIATO** : Pu Speaker, zawhna No. 102-na Transport Minister zahawm tak chhan atan - (a) Session hnuhnung bera kan Speaker rawtna Motor Insurance chungchang kha hma lak a ni em ? (b) Nise, engnge a dinhmun ? (c) Ni lose, engnge a chhan ? tih ka zawt e.

**S P E A K E R** : Nimin wind up-naah khan hei hi a sawi tawhin ka hria a, mahse zawhna a lo chhuah leh chuan chhang turin Transport Minister Pu Lalrin-chhana i sawm ang.

**PU LALRINCHHANA MINISTER** : Pu Speaker, direction min pek ang kha he Motor Insurance chungchang hi bawhzui a ni a. Aizawl-ah Insurance Company hi United Insurance Company te, Oriental Insurance Limited te, New Delhi Insurance Company Limited te, National Insurance Company Limited te heng 4 te hian Branch an rawn nei a, khang Branch te kha Director ten kovin kan harsatna sutkianna tur thu an sawipui a. Mahse, an nin tuna kan tihdan pangngai bak hi chu tih theih kan nei lova, hemi bak hma la tura in duh anih chuan kan company hotute lamah kal nise tiin an chhang a. Tichuan, chu thu chu Transport Commissioner in a bawhzui a, Kolkata te, Delhi te heng company hotute dawrin lehkha maia a tihfel theih loh avangin Aizawla in hmukhawm a sawiho turin koh an ni a, mahse kohna hmasaah pakhat chauh an lo kal thei a midang an lo kal thei lova. Tunah hian tunthla ni 29 a rawn kal a sawiho turin ruahmanna siam ani leh a, an lo kal theih tawh kan beisei a. Chutah chuan he harsatna hi sawihova tih fel dan kan hmuh theih kan beisei a ni e, chu chu ka chhana a ni e.

**PU S. HIATO**

: Pu Speaker, mizo hi motor lei lam-ah chuan kan rilru a kal tlang viau a, a thar lei theilo tlawm zawk a lei tum kan tam a. Tunah hian khangho tan khan insurance pek theih a ni si lova, anih loh chuan Transport Deptt. ah a register theih bawk si loh a, chu chu kan harsatna lian tak pakhat a ni a. Pahnihna-ah renew turin Aizawl ah kher motor nen luh a ngai a, Saiha leh Lawngtlai District phei chu kan buai a ni. Enforcement leh Police in an check in thildang dik vek mahse insurance a dik loh avangin motor neitute hian harsatna an tawh a tam tak chu pawisa chawi tir anni thin a ni. Chuvang chuan, Headquarters tinah hian harsatna chu sawi a ni a, insurance hian agent dah vek sela, kan District tharah hian an agent te khan insurance ti mai se a theih lawm ni tih ka zawt a.

Tin, Motor rawn ken kher a Aizawl lokalte District hrang hrang tan chuan a har lutuk a, Taxi te, Truck te, insurance tifel tur ringawta lokal thin te a har lutuk a, chungte pawh chu an agent through khan a show theihin ka ring a. Tin, chuti anih loh chuan Pu Speaker, insurance hi kan ti a, motor accident hian a value titu tur hi Silchar atanga lokal a ni a, kan senso leh an rawn estimate ah hian hlawkna hi a awmlo reng reng. Chuvang chuan, insurance hi a thaibo theih mai lawm ni ? Min thaibo sak mai se, kan vaiin kan free ang a tih kha ka rilruah a awm lian hle a ni. Chu chu ka zawhbelh a nie.

**S P E A K E R**

: Pu Liansuama.

**PU LIANSUAMA**

: Pu Speaker, Aizawl khawpuiah hian sorkar dan-a motor insure theih loh hi a tam em em mai a. Chuvanga Session hmasa pawha rawn sawichhuak kha kan ni a. Enforcement leh Police lamin motor document an han check a, Saiha bialtu sawi ang khan kawngdang zawng zawngah bi kim mahseng insurance paper a upto date loh chuan kan chawi awk zel mai a ni. A dawtah insurance kha min pek theih si loh chuan tihngaihna a awm lo reng reng a, keipawh hianin ka be zing a, second hand motor chu kan insure theilo an ti si a, second hand a lei loh theih si lova, tunah pawh kan sorkar hianin motor privatization a tih hlawhtlin hunah chuan a za tam tak motor hi

kan lei dawn a ni a private kutah chu chu insure loh in an kal dawn a ni a, kan mangang a ni. Chuvang chuan enforcement leh police hian chutiang taka insurance lamina an theih bawk si loh karah hian ngaihnathiamna an nei thei hram lawm ni ? Anih loh vek pawhin heng Govt. of India, Insurance Company ni lo, Tata AIG (Private Company) ang chite hi kan kolut thei mai lawm ni ? Chuvang chu kan Insurance Company hi an lian lutuk a, keini mizo, motor second hand neiho hian kan dawr pha lo anih tak ber hi a.

**S P E A K E R**

: Pu Lalduhoma

**PU LALDUHOMA**

: Pu Speaker, hei hi a taka mipui tam takina kan tawh mek, nang ngei pawhin i ngaih pawimawh thu i sawi kha a ni a. Minister

zahawm takin engemaw chen a lo bawhzui tawhna kha a lawmawm hle in ka hria a. Hman deuh khan ka motor tool box min suam sak a, document an la tel a, document dang chu a duplicate siamin ka ti tha leh thei mai a, insurance erawh chu ka buaipui nasa khawp mai. National Insurance Company ah ka va kal a, an ti duh miahlo a ni. A tawpah ka vak kual ka vak kual a, Oriental Insurance Company hian min lo tihsak thei ta hlauh a, ka thaw huai a ni. Khatiang kha tam tak kan awm a, sorkar motor auction te pawh khatiang kha a ni a. Chuvangin, Insurance Company theuh theuh ti thei leh thei lo te, ti duh leh duh lo te an awm niin a lang a, heng min tihsak duh lotute hi chu kan ramah hian awmlo mai sela, a phal loh theih mai lawm ni ? A ti duh tur chauhte hi kan ramah hian kan dah mai thei em ?

Tin, tuna Phuldungsei bialtu sawi ang khan hei hi a taka kan dinhmun tawh lai anih avangin thildang zawng zawnga kan tih dik vek si chuan Insurance tih loh ang ringawt hi chu a enforce-tute hian hrethiam turin engemaw local arrangement siam theih mai a ni lo maw, in biak thiamna atangin. Hemi tih loh avang te ringawta buai hi kan pumpelh theih nan ruahmanna min siamsak thei em ? Insurance hi kan duh vang ni lovin tih loh theih loha min tih avanga ti kan ni a. Duhthlan theih nise insure duh lo tur tam tak kan awm a ni. He intihluhna atanga fihlim theih dan hi a awm hram mai lawm maw ni le, tih ka zawt duh a ni.

**S P E A K E R**

: Chhang turin Minister ilo sawm leh ang.



**PU LALRINCHHANA  
MINISTER**

Pu Speaker, Insurance thil hi Central Ministry of Finance hnuai a mi a ni a, State hian control theihna kan nei lo khawp mai a. Anmahri policy atanga thil kal a ni mai a, chutah pawh chuanin National Insurance Corporation hei hi Insurance policy siam tura an ruahman bik deuh an ni a, chu chu an kalphung a ni a. Chutah chuanin a branch pawh hi Mizoramah chuanin Aizawlah an rawn dah thei hlauh a, a bak hi an la dah thei lo a ni.

Tin, he National Insurance Corporation in a policy a siam phungah Central Ministry of Finance ten motor registration tur reng reng chu insure tur ani tih ar kalpuina atanga insure tur a ni ti a kal anih avangin helaiah tih leh tih loh tur thuah duh angin thil kan kalpui thei tak tak lova, khami kalphung pangngai kha kan han zawm ve phawt mai chu a ni a. Hei, inbiakna kan han nei chho zel a, chumi kan inbiakna rah a zir chuanin helaia kan harsatna sutkian dan tur hi chu helaia local arrangement ah 'insurance hi inphut lui lo mai ila' tih ang chi a remruat theihna kan neih chuan remruatna pawh lo buatsaih ila, a that ka ring a. Tin, motor neitu reng reng pawh hianin a pawimawh em em chu, insurance kan tih tawh vek vek chuan kan insurance hi thi hman. lovin a tul angin renew zel ila, a lo thih tawh hnu-ah chuan renew hi a har tawh em em a. Tin, a lo thi hman tawh anih pawhin Transport Deptt. ah a fitness certificate kha lak a, chutiang ang a hmalak zui chu ni sela, anni recommend-na hmang hi chuan tlemin Insurance Corporation pawh hian ngaihnathiamna an lo nei ve deuh thin a ni, chu chu a kalphung tlangpui a ni a. Engpawh nise, Pu Speaker, kan Commissioner hova an inbiakna hi han kal tlang phawt mai sela, chutah chuanin kan duh ang thil a thlenglo anih chuanin a tul ang a Mizorama he thil han kalpui dan tur hi chu kan la ngaihtuah ho ang chu mawle, chu chu ka han sawi theih dan ni mai rawh se.

**S P E A K E R**

Kha member ten rawtna tha tak tak tepawh an rawn sawi a. District-a Agent neih te kha kan awlsam phah ang e, tih te. Khangte pawh kha inbiak hunah chuan ngaihtuah tel ni sela, a duhawm viauin a rinawm a ni.

Starred Question No. 103-na zawt turin Pu Lalhlengliana i lo sawm ang.

**PU LALTHLENGLIANA** : Pu Speaker, ka lawm e. Ka Starred Question No. 103-na Law & Judicial Minister zahawm tak chhan atan - Seperation of Judiciary hi eng anginng e sorkarin hma a lak zel ? tih kha a ni a. Nimin lamahte an sawichhuak nual tawh a, mahse chiang zawkin mipuite tan pawh a pawimawh a, min han chhang leh mai sela.

**S P E A K E R** : A chhang turin Law & Judicial Minister Pu H. Rammawi i lo sawm ang.

**PU H. RAMMAWI MINISTER** : Pu Speaker, a chhanna chu - Seperation of Judiciary hi kumin Feb. ni 21-a Cabinet Meeting khanin Autonomous District Council Area tel lovin Mizorama implement ve turin a approve tawh a. Amaherawhchu, engtikahng e he seperation process zawh fel anih ang tih erawhchu a ni leh hun chiah erawh chu sawi theih a ni lova. Amaherawhchu, sorkarin hei hi a buaipui mek a ni tih kha ka chhanna a ni e.

**S P E A K E R** : Nimin lamah khan wind up na-ah a sawi tawh bawka, kan chiang tawh ang a. Tunah Starred Question No. 104-na zawt turin Pu Sailothanga Sailo ilo sawm ang.

**PU SAILOTHANGA SAILO:** Pu Speaker, Starred Question No. 104-na (a) Sports Promotion nan sorkarin Stadium puitling siam a tum em (b) Tum nise, khawi hmunah te nge ? (c) Eng chen nge a kalpui tawh ? tih ka zawt e.

**S P E A K E R** : Chhang turin Sports Minister ilo sawm ang.

**PU Z.H. ROPUIA MINISTER** : Pu Speaker, Pu Sailothanga Sailo zawhna chhanna - (a) Tum e. (b) Aizawlah leh District tinah siam tum a ni. (c) Heng District Aizawl, Mamit, Kolasib, Lunglei, Champhai, Lawngtlai leh Saiha ah te hian Statium te, siam tan mek a ni.

**S P E A K E R** : Starred Question No. 105-na zawt turin Pu R. Lalzirliana ilo sawm ang.

**PU R. LALZIRLIANA** : Pu Speaker, ka lawm e. Excise Deptt. Minister chhan atan - (a) Ni 2.10.2004 zan, dar 9:00 vel khan Maruti Van No. MZ-01 A 2780 atangin Whisky tam tawk man a ni em ? (b) Nise, he zu man case hian tun dinhmunah engnge a thlen tawh ? (c) He zu man chungchanga hrem an awm tawh em ? tih ka zawt e.

**S P E A K E R** : Chhang turin Excise Minister Dr. Lazama ilo sawm ang.

**Dr. LALZAMA MINISTER** : Pu Speaker, zawhna (a)-na chhanna chu - Heng zu te hi man an ni - (i) Bagpiper Whisky 750 ml - 84 Bottles. (ii) Mac Dowel No. 1 Whisky 750 ml - 7 bottles. Avaiin um 91 a ni. Tin, (b)-na chhanna chu - Zu man case hian Law Court ah thawn a ni a, under trial mek a ni. (c) Zu man chungchangah hrem an awm rih lo, tih a ni e.

**PU R. LALZIRLIANA** : Pu Speaker, (c)-na ah hian zu man chungchangah hrem an la awm rihlo tih a ni a. Mirethei te te te zu fun 1/2 an neih pawhin Jail ah kan d' h a, tnn tir an ni nghal a. Hetiang ang um 91 lai mai Total Prohibition kan neih lai a man awm rihlo hi engnge a chhan ?

**PU LIANSUAMA** : Pu Speaker, a zawttute chuan an hria ang a, kei chuan ka lo hre lova. MZ 01 : 2780 hi Private Motor nge Sorkar Motor ? He Motor hi an man lai hian tunge a khalhtu ? He zu an mar rual hian tutenge tel ve ? Private anih chuan tunge a Motor neitu hi ? Sorkar nise eng Deptt. ta nge ?

**S P E A K E R** : Chhang turin Excise Minister ilo sawm ang.

**Dr. LALZAMA MINISTER** : Pu Speaker, kha motor kha Maruti Van No. MZ 01- A : 2780 a ni a, Bottle 91 man a ni a, he Motor hi Excise IG of Police ta a ni a, zu neitu a puhte chu (1) Laltanpuii kum 37.....

**PU LIANSUAMA** : Pu Speaker, khawngaih takin a neitu kha - crime ah hian IG kan nei em ni ?

**Dr. LALZAMA MINISTER** : Pu Speaker, a motor neitu hming a kha IG of Police ta a ni tih a ni a. Tin, a zu neitu a puh te chu - (1) Laltanpuii kum 37 d/o Lalthan-Khuma, Khatla South, Aizawl. (2) Vanlalhruii kum 28 d/o Lalsanga, Kanaan, Aizawl. (3) Lalnuntluanga kum 20 (Driver) s/o Vanlalmana, Khatla South, Aizawl.

Heng mi 3 te hi ni 4.10.2004 ah Law Court ah thawn an ni a, hemi ni vek hian bail a chhuah vek an ni a. Tin, Trialing Magistrate chu Pi R. Vanlalchami, Magistrate 1<sup>st</sup> Class a ni. He case ah hian civilian witness 2 an awm a, Pu R. Lalthansanga s/o Lalawmfela(L), Chanmari, Aizawl leh Pu V.L. Malsawma, Teacher High School, Zemabawk te an ni a, ni 12.1.2005 khan witness te hi Court ah evidence pe tur a summon an ni. An absent ve ve a, tichuan ni 16.2.200-5 ah summon leh an ni a, an absent leh a. Tin, 14.3.2005 a evidence pe tur a koh an ni leh a engpawh ni sela hei hi chutianga ngaihtuah mek lai chu a ni e.

**S P E A K E R**

: Court a ngaihtuah mek lai a ni a, i duhtawk ang. Pu H. Liansailova Starred Question No. 106-na zawt turin i sawm ang.

**PU H. LIANSILOVA**

: Pu Speaker, ka zawhna Starred Question No. 106-na Health & Family Welfare Deptt. Minister chhhan atan - (a) Kan ramah Drug Control nan Assam Drug Control Act kan la hmang cheu a, hei hi tha tawkin sorkarin a hria em ni ? (b) Kan ram tan tha zawk tur Drug control Act sorkarin siam a tum em ? engtingge hmalak anih ? tih ka zawt e.

**PU R. TLANGHMINGTHANGA : MINISTER**

: Pu Speaker, zawhna No. 106-na chhanna chu - (a) Kan ram a Drug Control-ua atan Health & Family Welfare Deptt. chuan 'The Drug & Cosmetic Act, 1940 and Rules 1945 kan hmang mek a, Assam Drug Control Act hi hman a nilo. (b) Tuna hman mek Drug & Cosmetic Act, 1940 leh 1945 hi India ram puma damdawi lam khuahkhirhna dan hman mek a ni a. Hei hi tha tawk a kan hriat avangin Drug Control Act hi siam tumna a awm lemlo.

**PU H. LIANSILOVA** : Pu Speaker, hei sawina tam takah leh kan lo hriat dan chuan Assam Drug Control Act hi kan ramah hian kan la hmang a, Assam hi chuan an lo repeal daih tawh tih te Chanchinbu-ah tepawh tarlan a ni a, kan Health Minister khan kan State in Dan a hman mek lai a han sawilang a, a tha a. Amaherawhchu, kan rama Drug avanga harsatna kan tawh hi kan hre theuh mai a, kan dan hmanlai hian kan mamawh a phuhru zo meuhlo ani tih hi chu kan Deptt. changtu Minister leh kan zavai hian kan hriat tlan a ni a, chuti anih e huan kan ram bik mamawh atan hian heng drug control na tur hian dan khauh zawk leh tha zawk, kan ram mamawh tur siam tumin Deptt. hian hmalak tha a ti lawm ni ? tih kan zawt nawn leh duh a ni e.

**PU LALHMINGTHANGA** : Pu Speaker, ka lawm e. Heituna kan ramin Indopui kan puan mek zantin vengtinah khawtinah YMA te an duty mekna chhan bulpui ber hi hemi Drugs & Cosmetic Act of India 1940 a Rule 1945 a an siam, a legal drugs a an ngaih proxyvon hmansualna te, nitrosun, phungzawl damdawi kan tih mai hmansualna te, cough syrup a codaine cocain content nei ho phensydyl te, corex te leh heng ang ho hmansualna hi a ni ber mai a. Ramdanga problem an neihpui looh hi kan ram hian prolem kan neih pui a ni a. Tunah hian No. 4 leh hengho psychotropic thil khapna nasa tak awmsa khawchhak lam atanga lokal te hi chu hi chu a tihdan tak pawh a awm a, amaherawhchu, khang legal drugs-a an puan si Proxyvon leh Nitrosun te leh Phensydyl te Corex tih te ho reng reng cocaine content nei si hi heng ho hi kan ram context bikah hian control a ngai a. Chumi chu kan sorkar hian a siam loh chuan eng ang pawhin han bei chhovin Indopuite pawh puang mah ila kan hlawhtling thei dawnin a lang lova, kan sorkar hian siam ngei se tih hi zoram mipui ngaihdan a ni tih hi a lang chaing a. Chuvang chuan kan sorkar hian a siam thuai thei lawm ni ? heng ho control tur hian ka han sawi kha chu example a ni mai a, medicine experts ho chuan kha aia chipchiar pawh khan an sawichhuak thei ang a, chu chu ka han zawt a ni e. A siam ngei thei lawm ni ? tih kha.

**PU H. ROHLUNA** : Pu Speaker, zawhbelhna. Aizawl S.D.O. (Sadar) in February 9, 2005 a khapna thupek a siam Phensydyl te, Ephedrex te, Corex te leh tunlaja kan thalai tam takin a ruih nan a an hman damdawi pangngai ho khapna thupek a siam kha eng dan tlawhchhanin nge he khapna hi a siam ? Dan tlawhchhan tarlan a ni si lova, he thupek awih lova tilui an awm chuan Dan angin an chungah action lak a ni ang tih kha a ni a, chu chu eng dan tlawhchhanin nge he thupek hi siam anih ? tih kha ka zawt e.

**PU LALDUHOMA** : Pu Speaker, Drugs & Cosmetics Act in a huap loh Mizoramah kan buaipui tih hi tlang hriat a ni a, khang kha man theihna Dan a awm lova, a convict theih loh a ni. Chu chu kan social problem lian tak a tling ta a ni. Kan Minister zahawm tak hian chutiang kan harsatna sukiang zolo dan dinglai an hman mek hi tha tawh a ti takzet em, a thinsungin ? tih hi ka zawt duh a. Hemi thlakthlengna tur, kan ram harsatna sukiang thei tur Dan siam hi tul tihna a neilo tak tak em tih ka hre duh a. Chuti nise, engatinge Magistrate ten C.R.P.C. section 144 hmanga khang kan ngaih pawimawh khapna dan kha an siam si ? a tullo anih chuan tih ka zawt a ni.

**S P E A K E R** : Ka hrethiam chiah lova, helaia kan sawi hi. Excise lam chan nge ni Health chan tihlai chu ka hrethiam chiah lova. Mahse, kan Minister, Health Deptt. changtu kha a theih ang anga chhang turin ilo sawm ang.

**PU R. TLANGHMINGTHANGA : MINISTER** Pu Speaker, kan member te chang ni lovin helaia awm velo mipui vantlangina kan ti ti leh kan sawi Dan tlangpuiah hei Magistrate te meuh pawhin Cr. P.C. 144 hmangin tiang khan order te an han siam a ni a. Tin, kan member ten an rawn ngai pawimawh kha a lawmawm hle a, Mizoramah hian damdawi ni si, ruihhlo atana hman tak hlauh hi kan ching hle a, hemi a vang hian mitinin a khuahkhirhna dan tha tak leh a hremna mamawhin kan in hre hlawm a. Chung Dan lek kawh tur

chuan Police leh Excise te tih tur ni a ngaihdan lian tak a awm hian kan rilru a hruai nasa em em a, a dik tak chuan tunlaia kan thalai ten ruihhlo atana an hmang Proxylon, caught syrup, Nitrozepum te hi damdawi tura Danin him tawh a tih ang leh natna tih damna tura chak tawh chauha India ram chhung ngeia siam an ni a, kan hman dikloh avanga khuahkhrih lehna tura Dan leh Hrai thar siam chhuah hi thil tul hranpa a ni lova. Heng damdawite khuahkhrih nan hian India ram pumpuia kan hman mek 'The Drugs & Cosmetic Rules' hi a tha tawkin a chak tawh a, a lekkawhtute leh Police te lam ni lovin Drugs Inspector te hi a lekkawhtu turte an ni a, an chungchang rorel theitu leh action la thei tur force te an ni a. Tin, Drugs & Cosmetics Act, 1940 leh 1945 rules Section 18(c) ah hian phalna neilo leh dan baka che te man theihna a awm a, chutianga man te chu an dan bawhchhiat dan a zirin hremna chi hrang hrang a awm a, an dan bawhchhiat dan a zirin Lungin tan tir theihte, tin kum 3 thleng Lungin tan tir theihte leh pawisa fai chawi tir theih te an ni a.

Tin, engpawhnise, dan hi eng anga tha pawh hi nei ila a lekkawh lampang hi a pawimawh a. Tin, khami damdawi khuahkhrihna dan leh a regulation kha Health Deptt. chuan kan purview leh kan tir tur chin a ni a. Chumi dan ang chuan he India Sarkarin Dan a hmanlai mek kan neih hi hemi chhungah hian kha exercise kha a tih theih a, a hranpin dan siam mah ila enforce lampangah hian a lekkawhna lampang khan a zir si loh chuan hmanraw tha tak hman lem si loh te kha a ni thei mai a. Tin, Dan khauh tak neih a vanga hemi control-na tha zawk te a awm theih han beiseina pawh a awm viau a. Amaherawhchu, Health Deptt. lam atanga Drug control kan tih theihan china kan han tih chhoh mekah pawh hemi drugs and rules te enforcement lamah hian kan beisei dan chuan hmalak chhoh theihte nise chuan force tepawh hi nei tam thei ila, kuminah pawh hian a enforcement staff ah pawh hian Drug Inspector tur post 20 tepawh kan han dil chho mek a, tuna kan neih laiah hi chuan hetia drugs, keimahnii license ngei a zuartute hian dan diklo in an ti thin a, chu an tih ngei pawh chu kan manchhuakin indaihlo chungin kan enforcement staff ten an bei chho a. Chuvang chuan kum kalta 2004 chhung khan Drug License holder 39 kan cancelled tawh a, tin license suspend mek 4 an awm bawh a. Tin, tun kumthar 2005 ah hian license cancel mi 5 an awm leh tawh a. Tin, chubakah chuan khami lek kawh chungchangah khan kan mite an indaih loh em avang hian hemi Aizawl khawchhunga main dealers ringawt pawh hi nitina lo lut leh an semchhuah engkim regulate tur hian drug controller pakhat hian 24 hours vil tase a in duh tawh awm vel mang e ka ti hial a.



Chubakah chuan Drug Controller Inspector hi Aizawl khawpuih hian pahnih chauh kan nei a, chu chu District hrang hrang a mite beihpui kan thlak dawn a, i la khawm teh ang kan ti a, chumi chu District hrang Serchhip leh Mamit atang ter. kan la khawm a, chuvangin a drug hrim hrim kha kan control-na ah hian kan Dan hman hian kan exercise lakna turah thuneihna min pe tawkin kan hria a.

Excise leh Police lamin an hman tur emaw, khalam chu keini chuan kan hriatpui tehchiam lova, khalam chu Magistrate pawhin 144 section hmang pawhin order an siam a, an nin an siam 144 CRPC a Magistrate in order a siam khan eng base in nge, eng section nge, engtiangin nge hei hi a lo hrem leh dan tur lam chu kan hriatpui lova. Magistrate lampang te, kan Law lam ten an hria ang a, drugs control hrim hrim atana tangkai leh tha tawka kan neih hi tha tawkin kan hria a, India ram dan a ni a, khami bakah khan a hranpa a dan lo siam vak theihna kan nei bawk lova, an dan neih sa hi anih ang takin enforce ta iia chuan helai kan harsatna hi chu hemi tackle tur chuan tha tawkin kan hria a ni.

**S P E A K E R** : Starred Question No. 107-na zawt turin Pu Lalhmingthanga sawm ang.

**PU LALHMINGTHANGA** : Pu Speaker, ka lawm e. Ka Starred Question No. 107-na Minister zah-awm tak AH & Vety Deptt. chhan atan - Tun hnaiah Vety Doctor appointment pek thar engzatnge awm ? tih ka zawt a ni.

**PU LALRINCHHANA MINISTER** : Pu Speaker, tunhnaiah tih hian enge a huam ang tih kha a ngaihtuah theih viau a, kumin 2005 calendar year a kawh chuan tun calendar year chhung hian Vety Doctor, contract basis in pakhat lak a ni.

**PU LALHMINGTHANGA :**

Pu Speaker, nimin lamah pawh khan hemi AH & Vety kan ram tana a tangkai zia ka sawi tawh a. kan Mizo society kan en chuan Tiau rala kan awmlai siap suap kan fen lai atang tawh khan Vety oriented society tih a ni a. Ar kan vulh a, Vawk kan vulh a, Sial kan vulh a, vailen hnu ah Bawng an rawn tichhuak a, Sebawng kan ti a, hei hi kan economy ah pawh kan social life ah, kan sutom ah engkimah pawimawhna nei an ni. Vety Doctor lak belh hi, lakbelh lohna a rei ta hle a, 1998 vela internship zova, 1997 vela mite a hnulamah lak loh hi an awm nual niin a lang a.

Tuna calendar year a kan Minister zahawm takin a sawi pakhat an la ani tih kha khatiang senior pui pui kal kan khan nikum lam emaw a internship pawh zo hlim chauh ni pawhin a lang a, hei Vanglaini March 8 ah ngaihdan tihah khan thingtlang thawm tih zokhawthar atanga lo awmah khan ran lokal leh anmahni ngeiin ran an vulh thleng a enkawltu tur chu contract basis in Vety Doctor pakhat lak anih thu an sawi a. Chu chu nghakhlel taka an thlir, anni pawhin an rante enkawl that an beisei lain border trade hmunpui leh center pawimawh tak ami kha hetah Headquarter-ah Vety Hospital ah attach leh daih ani bawk si a. Mel 250 atangin min rawn enkawl dawn nge, keini Zokhawthat hian ran neite hian kan pem thlak ngai zawk dawn tih ten zawhna an siam a ni. Hetiang kalhmang hi kan Sorkar in thil a awm a ni tih a hre reng em ? heta mipakhat lak hi tunge ni ? Headquarter-ah attach anih tak daih tih ka zawt duh a. Kan Sorkar hian income ngial nghet neih theihna turin thingtlang mipui leh Mizo chhungkua in kan neih theih chu Vety lamah hian prospect a nasa, potential a nasa em em a ni a. Vety Doctor thar hi tun kum Financial Year-ah hian budget provision pawh nimin a kan pass tak kha a tha tawh a, a theih chin tuna appointment la nei lo ho hi chu contract basis tal chuan an ruai thei em ? tih ka zawt duh a ni.

**PU LALDUHOMA :**

Pu Speaker, ka lawm e. Ka zawh tur hi kan Minister hian a hrechiang viau in ka ring. Tunhma khan Ratu ah hian Vety Doctor kan nei thin a, kan neih chu Aizawl State Vety Hospital ah hian min hman sak daih mai a, a rei ta hle a, tun thleng hian kan nei ta lova, hei hi a rang lama min pek leh theih dan min ngaihtuah sak thei em tih ka zawt e.

**PU SAIKAPTHIANGA** : Pu Speaker, ka lawm e. Sorkarin a sponsored Vety Doctor pass tawh lak loh engzatnge awm ? tih ka hre duh a, he Vety Doctor pakhat tun hnaia lak hi interview te awm a lak nge ? chhungkhat laina nih avanga lak ngawt tih ka hre duh bawk.

Kawrthah-ah Vety Doctor kan nei thin a, min laksak daih a, min pe leh thei dawn em ? tih ka hre duh a, he Doctor duhsak taka lak hi tunge a hming ? Tunge a pa hming ? tih ka hre duh bawk a ni.

**PU H. LALSANGZUALA** : Pu Speaker, ka lawm e. ka zawh ve duh chu Vety Deptt. in Ramrikawna Animal Feeds, Ran-chaw siamna khawl ropui tak mai an siam khu a lawmawm a, ram phuisuina atan pawh. A hlawkna kan Vety Deptt. hian engnge tuna a position ? Engnge hlawkna a hmuh tawh ? tun dinhmunah kan ram hian a tangkaipui em ? tih ka zawt a. Tangkaipui nise adang ranchaw siamna khawl khu hawn belh leh a tum em ?

Pahnihna - Thingtlang hmun hla zawkah tunah hian Vety Deptt. hian Dispensary hawnbelh tumna a nei em ? tih ka zawt e.

**PU LALRINCHHANA MINISTER** : Pu Speaker, tuna contract basis-a Doctor lak hi Dr. Malsawmtluangi Ralte, Zoramthanga fanu a ni a. Ani hi Zokhawthar base a lak a ni a, khilai border hmunah post tura tih hian a post luah nghalna han ti tur hian thlahnih khat vel training a ngaiin kan hria e, an ti a. Chu chu anih avangin Directorate lamin midang lo dah rih in thla hnih khat chu helai Vety Hospital ah poultrical training nei turin an chhawr lawk a ni. Chumi hnuah chuan a tul angin a post hmunah chuan dah chhoh tum a ni tih Directorate lam atanga ka thu hriat dan a ni.

Hemi Doctor lak hi February ni 22  
khan appointment pek a ni a, Doctor lak chungchangah hian kan indaih  
lova Vety Deptt. hi chuvangin Doctor lakna tur hi a nghet a lakua  
turte, contract basis a lakna tur te, engemaw zat lak tur ten nawr th:n  
a ni a, chu chu sorkarin sum leh pai harsatna vangte leh harsatna dang  
dang avangin kan pe hlei thei lova. Chutah chuan thurawn te pawh  
Finance atangin a lo kal thin a, a hlawmpuia hetiangah thil rawn tih te  
chuanin a harsa deuh a, hmun bik pawimawh deuh bik atan hi chuan  
a mala rawn tihdan te hi awm sela tih ang a thu rawn te pawh a  
awm avangin Directorate atangin Zokhawthar atan hian proposal an  
rawn siam a, chu chu Secretariat leh kei ngei pawhin hei hi a kaltlang  
theih chuan ka lawmpui e, tiin ka lo forward mai a. Tin, hei chang  
pawh ni lovin a dang pawh pahnih/pathum a kal tho va, he a hmasa  
hi a kaltlang thei ta a, DP & AR leh Finance pawhin....

**PU SAIKAPTHIANGA**

Pu Speaker, chhuak hmasa hi eng-  
zatnge awm a, engemaw zat a aia  
pass chhuak hmasa an awm tawh a,  
hemi tana han tih nalh hi chu  
mipuiin an ngaithiam chuang lovang, kan Minister hian engtin pawh  
sawi mawi sela.

**PU LALRINCHHANA  
MINISTER**

Pu Speaker, ka sawi tho ang a.  
Khatia an han tih takah khanin  
Finance lam leh DP & AR pawhin  
an lo phalsak tak avangin a lo let  
leh hnuah khan kumkhat atan na na na chuan tiin contract in  
appointment lo pek a ni ta a ni.

Tin, tuna kan member ten in  
zawhna ang khan tunah kan beisei angah pahnih/pathum lak theih ni  
tase contract basis pawh ni tase, interview te pawh neih a khatianga  
selection han siam pawh a awm tho. Amaherawhchu, chumi ti lova  
hmun mal bik atana Directorate atanga an rawn tih chhoh anih avangin  
he thil hi chu tiang hian a kal ta phawt mai a ni. Engzat chiah nge  
tunah hianin training lo awm tawh tih a zat chiah chu ka hre lova.  
Amaherawhchu, engemaw zat kan nei tawh tih erawh chu ka hria a, a  
zat bi chiah erawh chu ka sawi thei bik lova.

Tichuan, Ratu bial Doctor chungchang kha chu a dik khawp mai a, helaiah Vety Hospital ah indaih lohna avangin attached in kan han dah rih phawt a ni a, a theih hun hmasa berah Ratu a d ah let leh a ni ang tih kha ka han tarlang duh bawk a. Chutiang bawkin Kawrthah lamah te pawh Doctor kan indaih deuh hlek theih chuanin tunah pawh kan nawr mek hi kan hlawhtlin phawt chuan heng dahna tur pawimawh hmunah hian kan rawn dah leh dawn a ni tih kha kan tarlang duh a ni.

Tin, ranchaw siamna tur chungchang chu nimirah pawh kan sawi tawh bawk a, Doctor lak chungchang thil a ni bawk a, chu chin chu ni mai selangin.

Awle, Vety Doctor train chhuak tawh sa hi 12 vel kan nei niawm in ka hria a, chu chu ka chhan theih chin a ni e.

**S P E A K E R** : Kan zawhna leh chhanna hun chu kan lo hmangzo leh ta a, vawinah hian kan member zahawm takte pali Pu Sainghaka, Pu K.Lianzuala, Pu.P.P.Thawla leh Pu Zodintluanga te kan rorelna ah an lo tel theilo a ni.

List of Business ah kan kal ang a, kan business-a a lan ang khan Minister pathum-te Demand kan chai ho dawn a ni a, kan tih thin dar ang leh a remchan zawkna avangin a rulin a in dawtin an Demand te han submit leh mai sela a tha kan ti em ? Tin, kan hun inpek hi a tlem deuh na a hei bak hi chu inpek hi a harsa deuh thin a chuvangin nakina kan sawiho hunah pawh minute 10 diat diat inpe leh ila a tha kan ti mai lawm ni ?

E, kha kha maw !! tunlai mi chuanin fiah si, tawi si a sawithiam hi thusawi thiam an ti a ni a. Tunah chuan Mimster zahawm tak Pu Tawnluia, a demand te House-ah rawn submit turin ilo sawm ang.

**PU TAWNLUIA MINISTER** : Pu Speaker, Mizoram Governor recommend-na leh i phalna in heng Demand No. 13, 16, 25 a vaiin cheng vaibelchhe 1812205000 hi heng Deptt. pathum Demand No. 13 - Personnel & Administrative Reforms cheng vaibelchhe 38453000 Demand No. 16 - Home (Excluding Jail) cheng vaibelchhe 1205187000 Demand No. 25 - Water Supply & Sanitation cheng vaibelchhe 568565000 a vaiin cheng vaibelchhe 1812205000 hi kum 2005-2006 a hman turin House-ah ka rawn moved e.

**S P E A K E R** : Tunah kan Minister zahawm tak Pu H. Vanlalauva a Demand te House-ah submit turin ilo sawm ang.

**PU H. VANLALAUVA MINISTER** : Pu Speaker, Mizoram Governor recommend ang leh i remtihna in ka Demand No. 16, 19 leh 27 atan cheng vaibelchhe 1266566000 hi kum 2005-2006 chhunga ka enkawl Deptt. te tan he House zahawm takah hian ka rawn submit a, min pawmpui ka dil bawka. Ka Demand kimchang chu Demand No. 16 - Jails (Under Home) cheng vaibelchhe 81080000 Demand No. 19 - Local Administration Deptt. cheng vaibelchhe 542716000 Demand No. 27 - District Council Affairs cheng vaibelchhe 642770000 a ni e. Ka lawm e.

**S P E A K E R** : Tunah chuan Pu B. Lalthlengliana kan Minister zahawm tak a Demand te House-ah rawn submit turin ilo sawm ve thung ang.

**PU B. LALTHLENGLIANA MINISTER** : Mr Speaker, on the recommendation of the Governor of Mizoram and with your permission, Sir, I move the Demand No. 6, 8, 18, 35 for rupees 208431000 for meeting expenses during 2005-2006 in respect of the following Deptts. Demand No. 6 - Land Revenue & Reforms 87909000 Demand No. 8 - Taxation 29270000 Demand No. 18 - Printing & Stationery 52182000 Demand No. 35 - Fisheries 39070000. Total 208431000 Thank you.

**S P E A K E R**

Tikhan Minister pathum ten an Demand an rawn submit kim ta a, kan sawiho ang a. Tunge han sawi hmasa ang ? Pu R. Lalzirliana

**PU R. LALZIRLIANA**

Pu Speaker, ka lawm e. Vawinahnian Minister pathum Demand kan han sawi leh dawn a, sawi tur a tam viau na in tawite han sawi kan tum ang a. Demand No. 6-na Pu Thlenga Demand, Land Revenue ah hian tlemte han sawi ka duh a. Hei, building tax lak dan chungchang hi tunlaih sawi a hlawh hle a, a lak dan hrim hrim a hi sawisel ka tum hran lova. Amaherawhchu, ka sawi duh a chu building tax lakdan rau rauah hian a rualkhai lo hle in a hriat a. V/C te duhdan kha a ni ringawt mai a, V/C hran tam tak kan nei a, khang ho khan a then an lakdan in anglo lutuk a kha tihual theih deuh a ni lawm ni. Tin, a Deptt. lam pawh hian an hrilhfiah dan hi a in anglo tlangpui lehngal a. Chuvangin, he tax an lak dawn hian han zir chiang leh deuh hlek se a tha in ka hria a ni. Tin, hei pucca building leh assam type kan tih te inang reng maia a thenkhat laia kan tih hi a fello in ka hria, hemi classification hi tihthat a tha in ka ring a. A chhan chu ban bulah vawngthla te kan zu hmang thin ang a, cement ban hmang te kha pucca building ang ah classified a ni a, heng hi a diklo a ni. Chuvang chuan building tax lakdan hi ngun leh zual a en a tha hle in ka hria a.

Tin, Tax chawi tur zat assessment hi sorkarin diktaka a siam a tha in ka ring a. Vengah an kal ang a, tahchuan Thanga, Liana, Kunga hei hi pucca building a ni a, hei hi assam type a ni a, tiin chutiang chu assessment fel tak khami tena an pek tur siam hnuah khan kan duh a. Mihring kan indaihlo anih chuan kan V/C te kha va authorise ila khami khawnkhawm tur khan va ti ila a tawk chuahin ka hria. Chuti anih loh chuan hei order ah te hian chiang takin a lang a Gazette ah te pawh a lang a, mi in-a commercial purpose a an hman loh chuan a tax a hi Rs. 20 khawn tur a ni tih te, Rs. 10 khawn tur tih te a lang a. Amaherawhchu, mi in inluah an neih a midang an luah tir pawh kha veng thenkhatah chuan commercial purpose a ni e, tiin helaia an inluah man zawng zawng chhut a za a pahnih kha kan pek tir tho mai a, sur-charge an ti a khatiang kha kan pek tir tho mai a hei hi a fello hle in ka hria a. Kan Minister zahawm tak hian ennawri ngei se a tha in ka ring a.

Tin, ram in pek chungchang thu hi sawi hlek ka duh a. Vairengte-ah hmanni khan ka zu kal a, chutah chuan Vairengte khua ina khaw zauhna atana an it em em mai bigha 80 lai dawn niin ka hria chutiang ang chu Kolasib a mi pakhatin a dil a, hei hi lo en fel rawh u, an ti a, khulai mite zu rawn in khawtlang hotute leh V/C zawng zawngin an phallo a, tahchuan ka hriatdar chuan Minister in hei hi lo pe rawh u a tih tlat avangin an pe lui ta a. Minister thil tih theihna hmanga pek ni ngeiin an sawi a ni. Hei hi a fello hle in ka hria a, National Highway kawng bul a ni a, khawpui khulamah la din zel tur kan ni a, khawtlang hotutena an lo phalloh ang khan phalloh hlen mai chu nise a tha tur a ni a, kan Minister hian tahchuan ngaihtuahna a lo kal zel a Revenue kha Tuirial compensation te an tihlai vel khan a chang hman lova, hlawkna a tel ve hman lova helamah hianin a lo bei ta vak mai emaw nile tih ngaihtuahna min neih tir a, a thalo hle in ka hria a ni.

Tin, Sorkar hian Sorkar ram hi Aizawl-ah hian kan humhalh hle a, a tha a humhalh tur a ni a, vantlangina vantlang pawimawha an dil pawhin pek a har a ni. Chutiang anih lai chuan khulaila D.C ram tunhna a Transport Quarter an tih thinah khan Quarter 2 a la awm a, sorkar ram niin D.C te ta niin ala awm a ni. Chu chu mi pakhat Thangnghinglova, Dintar Veng chu tunah hian pek ani leh ringawt mai a, hengte hi a veng neitute rilru a na hle mai a. Tin, Deptt. lam pawhin quarter turte Sorkar hnathawk ten quarter tur an nei lova a awm tawhlo a ni. Chung ang han pek zel a chu a tihchi loh hle in ka hria a heng hi a pakhat la awm pawh hi pek leh mai tura process ni deuh awm tak a ni a, hengte tal hi chu pe tawh lovin tuna an pek te pawh hi hmundangah a pek ve theih lawmni hetiang ang anih chuan keipawh ka duh khawp mai pakhat kha min pe ve law law ula Zemabawka ka ram neihsa Congress hunlaia Pu Vaia min pek kha hmannah midang minlo pek sak daih mai a, kan Minister zahawm tak pawh hi ka hrilh tawh a, kha aite tal kha min pe ve ula court-ah te hian kal ila a tha mai lawm ni aw, tih te pawh chu ka ngaihtuah ve a, amaherawhchu sorkar ram hi chu humhalh hram hram ila ka duhthusam chu a ni zawk a ni. Chulai chu Pu Thlenga Demand ah chuan tawh mai sela, hun hi a reilo lutuk a.

Hei, Home leh Water Supply Pu Tawnluia. Demand-ah han lut ve lawk ila. PHE ah hianin meter kan vuah dawn khan helaiah sawiselna nasa tak pawh a awm a, thli in a chhem kal thei love a mithiamten an ti tihte kha kan tihdan kha a ni a. Amaherawhchu, pa rinawm tak tukin zingah pawh chiang taka min rawn hrilhtu chu an awm a, a hming chu sawilo mai ila in duh chuan



chu chu Deptt. lam ten min zawt sela (Minister-in min zawt se ka pe thei mai ang a). Tui hi a lokal hma in nasa takin kan meter hi a vir thin a hei hi ka the chiah a, chu chu ka chiang em em a ni, a kal hnuah pawh an off leh hnuah pawh hian a vir tlat mai a, englai pawhin a vir chu a ni lova, a lokal dawnte an off leh hnuah te hian nasa takin kan pipe line-a alo vir loh pawhin midanga an hawn khan a vir nasa a, a kal thin a ni a ti a. Hei hi chu kan Minister hian a chian deuh tawh a tha in ka ring a. Engemaw a tuihang zawng zawng tuten emaw an hawp zawh hnu hi chuan vuah leh loh mai te pawh hi a tha lawm maw nile tihte pawh hi kei ka ngaihdan a ni a.

Tin, he meter vuah hi nakinah vuah zawh hnu vekah bill kan siam ang tih niin ka hria a. Vuah zawh vek hnuah bill siam ta se tuna an vuah ho a kha chu a meter kha a lo vir teuh tawh a kha a rualin kan pe dawn nge, vuah zawh vek hunah khan an berh kir leh vek ang a, pakhat atang khan an kal tir leh dawn tih kha sawifiah a tha in ka hria. Hei hi Deptt. lam an hrilhfiyah loh chuan anni chuan anihna ang tur tak khan an ti leh ang a kan chawi leh teuh mai dawn niin ka hria a ni. Chulai chu ka han sawi duh a.

Tin, Home lamah hian han lut ve zeuh ila a tha in ka hria. Hei, Home guard chungchangte hi kan sawi hnem tawh a, anni-ah pawh hian eirukna te pawh hi a lo hluar hle a ni tih hi vawiinah hian a chiangin ka hria a. Homeguard-te leh zel hi chuan an eiru ve lovang chu ka lo ti deuh a ni a. Amaherawhchu, heta tang hian a chiangin ka hria a, Guardman A. Manik, Lalsanglura, Tlanghmingthanga, K. Lalhlimpaia, Dengliana, Lalrintluanga, Lalthanmawia, C.Lalthanmawia, Thangpuii hengho zawng zawngte hi mihring tak awmlo mahse, an pay draw reng si, an pay draw a latu awm si anni a. Heng a latute pawh hi kei tehlu pawh hian ka hria a, corruption in duh lova in tingam tak tak anih chuan keipawhina ka hriat theih chu zu chhui ula in hmuchhuak thei nghal in ka ring a ni.

Heng bakah hian pension tawh tur kum 4/5 extend sak te pawh an awm a. Hengte pawh hi kan enchain a pawimawhin ka hria a ni. Tin, 2004-2005 chhung khan Police ah hian employment exchange kaltlang miah lovin dan lovin hna lak tam tak a awm a, employment kaltlang vek tur a ni a. Chutiang chu dan bawhchhia an awm chuanin 'compulsory notification of vacancies act rules, 1959' ang hian kha Head of Deptt. te kha Rs.2500/- chawitir theih anni. Niminah khan kan Labour Minister khan a sawi tha duh lova chutiang chuanin Police Deptt. ah hian hetiang hi tam tak kumin chhungah ringawt pawh hianin Police Deptt. ah hian 231 lai lak an

awm te pawh niin a lang a. Hengte hi kan hriat loh vang ni lovin Deptt. hotute, Commandant dan pawisalo te chuan an la a, a Commandant chung a mi leh anmahni ang rualpui dan pawisa duh te chuan hrehawm an ti ngawih ngawih a ni. Vawiinah hian inthlahna a nasa lutuk hi pawikan ti a ni. A lo berah DGP em pawh thleng lova hetiang anga an duh an la mai hi vawiinah chuan tihtawp a tha hle in ka hria a.

Tin, Pu Speaker, ka sawitur ka sawi hman dawn lova, tahchuan thil pakhat Suangpuilawn chungchang kha han sawi leh zawk ka duh a. Khalaiah khan sorkarin kan chhui e, an ti a

**S P E A K E R** : I sawi tantirh atang khan minute 8 ani tlat tawh.

**PU R. LALZIRLIANA** : Pu Speaker, 'kan chhui e' an ti a hei hi an chhui bawhzuina, puihna atan te pawh hei hi a tha in ka ring a. Ka lehkha hmuh hi ka han sawichhuak lawk teh ang. Pu Vaninmawia, Hunthar Veng, Aizawl, kum 2000 MLA inthlan khan inthlan tibuai a, nang leh i thiante kidnap turin thih pawh huamin Rs. 1,60,000/- lawmman min siam turin ni 15.11.2003 zan dar 11:00 P.M. velah khawlek daiyah kan inbe fel kha a ni a. Pawisa Rs. 60,000/- chu min pe tawh a, Rs. 1,00,000/- min pe duh tawh lo hi a na kan ti a. Pu Tawnluia, MNF Vice President Pu H. Vanlalauva, General Secretary leh Pu C. Lalrammawia, Secretary pawhin tha min tihpui i rawn ti a. Kan ngaihtuah ang, a ti e, i ti a. Mahse, engahmah min ngai ta lova, kan awmna chin pawh i hre vek a, tunah chuan mualpho mah la, pawikan ti tawh biklo a ni. He lehkha hi MNF, MPC, Congress, ZNP-te pawh kan pe vek dawn a ni. L.R. Jacob, President, D.Varte Group Commander, Sapliana, Group Secretary tih a ni a.

Heta tang hian a chhuite pawh a nuam deuhin ka ring a. Pu Speaker, he hi i duh ve chuan ka pe thei mai che a ni e. Ka lawm e.

**PU SAILOTHANGA SAILO :** Pu Speaker, ka lawm e. Hei Forensic Science Laboratory hian sawi a hlawh lo viau a. Demand 16-na ah hian kal nghal ka duh a.

Forensic Science Laboratory hi hun chep tak karah sawi ka han tum ang a. Mihring dikna leh chanvo humhalh nan Forensic Science changlung, Mizoram hian kan mamawh tawh hle a, tuna kan sorkar, kan state dinhmunah hian chuan Deputy Director fel tak pakhatin thanemngai takin a enkawl mek a. Heng finger print thiamte tlem neiin tunah hian a kal ve tawk tawk a ni. He Forensic Science Laboratory changlung kan neih loh avang hian nasa takin thilsual chhui kawngah Mizoram Sorkar hian harsatna a tawk a ni tih kan hria a, engemaw tulzual leh pawimawhah state dangachte kan thawn thin a. Hei hian nasa takin kan hnuchhuinaah tepawh harsatna min siamsak thin a ni. Chuvangin, hei hi kan khawvel kalchho zel han en hian a tawk tawhlo em em a, chuvangin Directorate puitling a upgrade ngei turin kan sorkar hi ka ngen duh a. Directorate puitlinga kan hlankai theih chuan Biology Division te, brain finger printing te, Forensic Engineer te, marco analysis leh light detector-te hi loh theih loha neih tur a lo ni ta a. Heng zawng zawng hi Police Modernization Scheme atang hian a leng vekin a hriat bawk a. Tichuan, Ministry of Home Affairs leh National Human Right Commission pawhin he thil hi a ngai pawimawh em em a, State Forensic Science Laboratory neih anih theih ngeina tur hian central sorkar, Ministry of Home Affairs pawhin kan State Home Secretary-te lehkhaw thawnin IGP te leh DIG Meeting te pawh a lo neihpui tawh thin a. Heta tan hian Sorkarin Police Officer-te training uluk zawkin tirchhuak zelin he hna hi upgrate a lo nih chuan kan Mizo nula leh tlangval tepawh Forensic Science Laboratory lama zirna tha University atanga zirchhuak tawhte pawh vawiin hian kan nei nual niin a lang a. Khawvel thangchho zel mila Scientific Evidence min pe theitu tur siam hi vawiinah chuan he sorkar tih makmawh niin a lang a. Chutichuan, Police-te chet hleihluaknate leh tharum hmanga mi an vau thinna te, mi dawihzep ten an tih loh loh anga an inpuan mai na angte hi kan umbo thei zawkin a rinawm a. Section hrang hrang CRPC leh IPC chi hrang hrang han en hian Forensic Science Laboratory neih hi tih makmawh niin a lang a. Tin, chutih laiin kan Police Officer fel tak takte pawh tharum leh engemaw an theihna hmangin mi an lo dawp thinte leh an lo sawisak thinte dan han en chuan kum 7 atanga kum 10 thlengte pawh tan theihna dan an lo nei rengin heng Forensic Science Laboratory neih ngei theihna tur hian nasa lehzuala tan kan lak a ngai hle a. Tichuan, mihring dikna humhalhate, mimal zalenna kan hum theih nan he Forensic Science Laboratory hi nei ngei turin sorkarin tan la se ka duh a.

Tin, Demand No. 16-na Jail-ah hian kal leh ila. Pu Speaker, kan Jail Manual leh kan kalphung hi tlem sawi ve deuh ka duh a, Jail an tang a, chhan leh v ang hrang hrangin, an thau mum tul mai a, chutih laiin damlo duat ngai ngawih ngawih Damdawiin a mite nikhatah Rs. 15/- an chawei man kan bill sak laiin Jail tangte hi an chaw vawikhat eiah Rs.25/- a ni a. Ramte kan la nei zau baw k a, sorkar hian a zau thei ang ber hi ram pe selangin, Jail tangte an tan dan chi hrang hrang engpawh a ni ang a, an mahniin an intodelh theih nan a tam thei ang ber an thawhchhuah theih nan sorkarin tan la sela tih ka duh thu ka han sawilang duh baw k a.

Tin, Home ah khan han let leh lawk ila, Police Quarter leh internal road chhe lutuk te, hmanah pawh ka sawi tawh a. Hengte hi sorkarin ngaihven zui sela ka duh a. Tin, Quarter renovation chungchangte leh Police TA/DA vawiin thlenga cheng maktaduai tel kan ba tepawh hi sorkarin enfiah thuai in rang zawka pek dan ngaihtuah sela tih ka han dilpui baw k a. Police Constable te a tam ber an ni a, harsa takin an zin a, hotute tirhna apiangah kalin. Mahse, vawiin thlengin an TA/DA te pek theih loh, bat tam tak kan neite hi pe thuai turin sorkar ka ngenpui baw k a.

Tin, Demand No.6-na Land Revenue & Settlement chungchangah hian khumi Thingdawl bul sorkar farm bulah khuan Kolasib lam atangin mi thil ti thei takin Thingdawl khua-in inhmun theh nan leh Thingdawl khaw reserve-a kan lo neih, kan roh em em leh kan ui em em, Kolasib lam atangin mi thil ti thei takin an rawn nei a, an rawn pe a, kan ui hle a, mipui kan phun ngam si lova. Hei hi a theih hram chuan House-ah hian min lo auchhuah pui the, an ti a. Tunah khuan Kolasib lam atanga mi thil ti thei takin khutianga kan inhmun thehna tur leh zauh belhna tur min neih sak tak siah chuan Thingdawl khua khuan khaw zauhna leh engemaw indang turte tan pawh inhmun pahnih khat pek tur pawh an nei tawh lova, helai Thingdawl ramri chhunga Kolasib atanga mi thil ti thei takin ram a rawn neih hi sorkarin a rang thei ang a min withdraw sak turin ka dil baw k e.

Tin, Demand No. 25-na Supply & Sanitation chungchang hi sawi leh lawk ilangin. Aizawl khawpui chauh han sawi ila, thingtlang pawh sawi tel thovin. Kan tui hmuhdan te, kan tui haw dante inchenlo lutuk hi han tih danglam dan deuh a awm thei em ? Thenkhat nitina a haw laiin thenkhat karhnih danah vawikhat a haw laiin, thenkhat thlakhat danah a haw laiin a inanglo zung ringawt mai hi chu he PHE changtu Minister zahawm tak hianin khairual deuh dan zawnpui turin ka ngen duh a.

Hei thingtlangah pawh nasa takin tui kan harsa a ni tih kha min hriatpui sela. Tin, ka bial Kawnpuia kan tui lak mek tur Kawnpui khua te, Bualpui, Thingdawl khulai tlangdung khu nasa takin kan harsa a ni tih min hriatpui reng sela, a rang thei ang bera min tih hlawhtlin sak turin khalai kha kan sawi leh duh bawk a.

Tin, atawp ber atan chuan Local Administration Demand No. 19-na hi han sawi leh lawk ilangin. Sorkarin a Notification in chhuah hi a fuhawmlo awm mange aw, ka ti a. Khawpuiah chauh LAD hian kum inthlak thei tawh a, tunhma thingtlanga step remchang ang kan lo hmuh, kan lo rem thin ve ang zawng zawngte kha thaibo vekin Urban Area a puan chin chauh maiah step in rem thei te hi keini thingtlang ho chuan nasa takin kan tuar dawn a ni a. Hengte pawh hi thingtlang chanve theih tur leh thingtlang lo pawhin a step kan rem ve leh theihna tur te ang hian han kuaiher leh deuh dante hi Pu Speaker awm thei sela chuan ka duh khawp mai a.

Tin, Taxation chungchang hi tawngkam hnih khat leka sawi leh ka duh chu. Pu Speaker, i thu ka awih thin kha maw tlemin sentence kan zo lawk ang e. Hei kumin a kan revenue beisei hi tax leh non-tax ah hianin nuai singthum leh sanghnih leh zaruk leh sawmruk pakhat leh point zero five lai a ni a, a lawmawm hle a. Amaherawhchu, hemi kan tax khawn dan te leh kan khawn mek dan tur te erawh hi chu ngun zawkin sorkar hian ngaihtuah leh theih dan a awm em ka ti a. Mipuite phurrit lo zawng a tih hram hram niselangin. Tin, kan revenue hmuh, nidanga kan hmuh phak ngai loh vawiina tam tak kan hmuh tak te avang hian central lam pawh a thilphal zel ni te pawhin a lang a. Engpawhnise, tax hi chu kan khawn tur a ni a, mipuite pawh kan zirtir chho zel ang a, a tam thei ang ber kan hmu tur chu a ni a. Mahse, mipui leh thingtlang harsa zawkte tuar theih zawng erawh hi chuan ti lo hram hram turin kan chah duh a.

Pu Speaker, hun tha tak min pe a, ka lawm khawp mai, a bak chu ka pel tawhlo mai ang e.

S P E A K E R : Awle, Pu R. Khawpuithanga.

**PU R. KHAWPUITHANGA:**

Pu Speaker, Demand No.16-na hi a pawimawh hle in ka hria a. Hei hi han sawi hmasak ber ka duh a, Home hi sum pawh hi hei tluklehdingawn khat chuang dah a ni a, a tam pawh a tam a. Tin, tam awm tak pawh a ni a, Zoram venghimtute awmna hmun a ni a, Myanmar atangin tute emaw hel lokal sela, kan ram rawn tibuai dawn sela, kan nunna chhianhim tura thih ngama thawkchhuak hmasa ber te chu kan Police te anni a, ramri dang atang pawhin chutianga bawk chu a ni a. Manipur atang pawhin an lo thawk thin a, Bangladesh atang pawhin. Chutah chuan min venghimtute chu anmahni hi anni a, kan Pathian tih lohah chuan mihring kan hmuh theihah chuan tanpui vartu hnai reng, kan thlamuanpuite awmna hmun a ni a. Kan in lo kang se, anih leh buaina leh harsatna lo thleng sela tuten emaw harsatna min rawn siam dawn sela kan thlen hmasakna ber tur, kan zualkona hmun chu Police Deptt., Home Deptt., te hi anni a. Chuvangin, an pawimawh hlein ka hria a, kan nunna min venhim saktute an nih avangin an aia Deptt. pawimawh hi awmin ka hre lova, nunna hi a pawimawh ber avangin. Hetah hianin hma pawh an sawn hle in ka hria a, an hmasawna kan han hmuh theihah chuan 2<sup>nd</sup> Battalion, I.R. Battalion te hi temporary headquarter niin changlunglo takin an awm a, tunah erawhchuan Khawzawl-ah Battalion hmunthar tha deuh mai, hmun nuam deuh mai an nei a, an insawn dawn a April thal vel atang hian niawm tak a ni. Chutianga Battalion hmunthar tha an han nei tur hi a lawmawm hle in ka hria a.

Tin, Central lam a kan pute an tha a, kan Home Minister local pawhin a rawn puang a. Kan hotuten an lo dil tawh Battalion thar I.R. Battalion thar hi min pe leh dawn a ni tih te kan hria a, a lehkha a lo la thleng rih lova tih mai lohvah chuan thu engkim hi peih niawmin ka hria. Chuvang chuan Battalion thar han neih hi thil namenlo tak a ni a, tlangval engemaw zat, kan nula te engemaw zat ten hna an hmuh phah dawn a, min venghimtu tur te an pung leh dawn a ni a, a lawmawm hle in ka hria Battalion thar kan lo nei tur hi. A bik takin a changtu Minister Pu Tawnluia diplomacy thiam vang leh min kaihhruaina fel vang ni te pawhin kan hre bawk a. Chuvang chuan a chungah lawmthu kan sawi pawh a tulin ka hria.

Tin, kan Police-te hi tunlai hmanraw tha ber berin tunah hian thuam anni tawh a, tunhma lawk te kha chuanin an hmanraw kente kha a hlui thei viau mai a. Mahse, tun kum engemawzat kalta atang khan sophisticated weapon deuh hlir hi an keng tawh a. Chuvang chuan kan dep ramte nen hel te nen pawh lo inbei dawn sela an ngaihtuahawm hauhlo a ni tih hi a chiang hle in ka hria a.

Tin, infrastructure lamah tepawh tan an la nasa hle a, hei sum hi a tam bawk a tunah hian Quarter leh Office atana an sak 398 niin ziakin kan hmu a, a tam tha tawk hle in ka hria a. Tin, Office lam enkawltu tur anmahni in siksawina lamah pawh buaina leh harsatna awm lovin an kal a, tunah tak pheichuan DGP thar an han nei a, an moral lam pawh a sang zawt niin ka hria a. Chuvangin, min venghimtute ber lungmuang tak leh ralmuang tak leh lungawi taka an awm hi a tha pawhin ka hria a. Chuvangin, kan Police-te hi an fakawm a, buaina leh harsatna lo awm sela an um chak em em a, chungah chuan kan thlamuanpui a ni.

Tin, State ralmuang ber a min hlangkaitute hi a bik takin kan Police-te hi anni a, buaina leh harsatna state dang atang leh hmundang atangte pawn han siam tur awm sela an huphurh ber tur a chu Police-te hi annih avangin chulaiah chuan hma an lakna hi a lawmawm hle in ka hria a, an chhuanawm pawhin ka hria a ni.

Tin, Demand No. 25-na Water Supply & Sanitation hi kan nunna atana pawimawh bawk a ni a. Tui tello hian kan awmtheilo theuh mai a, nikhat pawh kan awm theilo a ni a. Buhfai ang bawk a ram pumpui chhungkaw tinte min chawmtu chu PHE Deptt. hi a ni a. Thingtlang khuate pawh han kal ila khawpui chauh pawh a lo ni lova. PHE tuiakte hi hmuh tur a tam em em a ni. Tin, District Capital ah te leh hmun hrang hrangah tepawh a ni a, khung Mamit-ah tepawh tuiakna ropui tak nikum lawkah an hawng a, Ratu-ah te chutiang chuan kan District Capital leh kan Town lian pui puih tepawh hian vaibelchhe tel man hi PHE Deptt. hian tui pump-na khawl ropui tak takte hi a siam a, a hawng mek zel bawk a. Tin, Aizawl khawpui min chawmtu tui a tawk lohzia kan hria a, hetah pawh hian tan an la nasa hle a, sawiselna tawk bawk mahsela helaiah hi chuan a sorkar pawh ni lovin Contractor te mawhte pawh hi a ni ve bawk a. Contractor kan sawiselte pawh hi a tha, tan an lo lak phah a, chuvangin an target ah chuan nakum March thla yelah hian Phase-II te pawh hi zawh theih an in beisei niin kan hria a. Chungahte chuan an zawh chuan tui lama kan harsatna nasa takte pawh hi a lo kiang dawn a. Tin, chulo lehah chuan anni hianin khawpui chhunga leimin hlauhawm siamtu kan kawrte pawh hi fur pui a lo thlenga tuihawkte a lo tam hi chuan in hi a chim duh em em a kan hre theuh a. Helaiah hian drain system min siamsaktute hi PHE Deptt. hi an ni a. Amaherawhchu, vanduaithlak deuh hlekin ka hria a nikum lamah khanin sanction a lokal chak tawklo a ni maithei a, a system tam tak mai hi siam tur kan neih laiin helaiah erawh hi chuan

Deptt. ina tan an lakna lai tur awmin ka hria a. Keini Aizawl Sourth -II lamah pawh sawn kan ngah em em mai a, kumin chhunga min pek loh chuan leimin nasa zawk kan tuar leh mai ang tih hlauhthawnawm tak a ni. Chuvang chuan, a changtupa in khawngaih takin min lo chhinchhiah sak thei sela, nichina ka hma a miten an sawi ang kban misual thil ti thei tak tak leh fing tak takte thil tih hi chhuichhuah a har em em a, chung kawngahte pawh chuan anni Deptt. leh Police Deptt. te hi kan chhawr em em a ni tih kha ka sawinawn leh duh a.

Tin, Demand No. 19-na LAD-ah khan han lut ila kan sorkar hi an fakawm hle a ka hriatna chu term hmasa atang khan Deptt. enkawl na tur Dan hi an siam teuh tawh mai a. Engzat chiah nge awm tawh ka hre lova, LAD pawh hian tunah hian Dan a duang mek a, kan dan hman lai V/C te enkawl na Village Council Act, 1953 te pawh hi a hlui lutuk tawh a, chumi chu a thara thlak turin tunah hian an peih vek tawh a ni tih kan hria a. Tin, chubakah chuan mipuite pawhin kan vei pakhat Municipality Draft Bill te pawh hi hman mai theih turin an siam tawh niin kan hria a.

Tin, Aizawl Development Authority kan insak dan rel feltu tur din turin draft bill pawh tunah hian an siam tawh a, tun tum session-ah hian pass atan an rawn thehlut dawn niin kan hria a, an hmalakna hi a ropui hle a. Bill pakhat siam pawh hi thil namenlo tak a ni a, chuvangin bill pahnih/pathum tunah hian siam zawh mai theih tura an han puitlin thei hi he Deptt. hi Deptt. ropui tak a ni. Tin, Aizawl khawpuih chhim leh hmar pavement kan hmu a, checker tile an han bel a, a mawi em em mai a ni. Mission Veng pa pakhat pawhin "tunhma in kan hotute henah ka sawi ka sawi thin a, an awi lova heti zawng hian ti rawh u, ka ti thin a. Tunah chuan in Ministry in a hetiang pavment te in han siam hi ka lawm hle a ni" a ti hial a. Election lai pawh khan kan party mi chu a ni hauh lo, mahse kan chhawr hle a ni tih ka sawilang, duh a. Chutiang chuan LAD hian step-te min siamsak a, pavement te min siamsak a, thingtlang leh khawpui chhungah te hian a tam em em a ni sawi dawn ila sawi sen a nilo. High mast te leh Towers te leh pedestrian pavement te leh car parking an han siam zawng zawngte hi kan sawi senglo ang a, Housing Loan nuai 13719 te pawh hi kan sawi hmanlo ang a.

Tichuan, High mast te pawh hi rawn tihbelh thei sela chu a lawmawm khawp ang, Tlangnuam tlangchhip te pawh khi dah nan a rem viau a nia. Ka hma a mite sawi ang zat hun ka han dil ve deuh hlek a, kei ka dil belh ngai vak lova (Speaker : a chiang viau tawh e) kal zel dawn ta ila, Jail-ah hian



pakhat chauh, min lo ngaidam la, tawngkam laklawh lai hi han zo ve lawk ila mite tihdan ang deuh khan. Jail ah hian an hmalakna hi a lawmawm hle in ka hria a, thildang zawng aia ka sawi duh chu Reformatory Programme an nei hi a ni a, Jail tangte hnenah crusade te, camp te an han nei a, evangelist ten thu an han sawi a, anmahu: siamthatna tur hna reformatory programme ropui tak an nei hi chhonzawm zel sela LPS Connection te pawh an pe a, hengte hi a ropui ka ti a. Chuvang chuan hmantlak taka an awmzel kha a ropui a ni tih lai kha kan sawi atang leh kan sawi loh thleng pawh khan a lang vek ang tih a hriatsa a, chuvangin hei hi pass pui vek turin i veilam a mite pawh ka han sawm a ni e. Ka lawm e.

**PU LALDUHOMA**

: Pu Speaker, ka lawm e. Revenue Demand No.6-na atang hian ka tan duh a. Tunhnaiah hian BAFFA-COS hnuaiia hmalakna emaw ni, thingtlang khua engemaw zatah V/C te hnenah Revenue Deptt. hian ram tin-nga hmun zelin chhungkaw chuti zat chan tur chu lo pe rawh u, tiin an ti mek a, ka bialah pawh khaw engemaw zat an ti a. Hei, NLUP ah te, MIP ah te hetiang mimal ram inpek hi a lo tam tawh avangin thingtlang khawsak a tibuai lutuk tawh a ni tih an hria a, keini bialah chuan an duhlo deuh vek a ni. Chumi chungchang chu zawhna ka pe a. Unstarred Question kha miminah Minister zahawm takin min chhang a, hemi ram insem tur hi V/C ten lo duhlo ta sela tihluh in tum em ? ti a ka zawhna kha 'tum e' tiin min chhang a. In tum chuan chutiang thuneihna chu Deptt. in a nei reng em tih ka zawh lehna chu 'tumna a awm love' tiin min chhang leh si a, chu chu nakinah kan Minister zahawm takin a wind up na ah min hrilhfiah se ka duh a. An tum nge tumlo ka chiang thei reng renglo, Tabithi hming awmzia chu Dorki a ni tih ang vel lek a ni a, a chiang lova, a duhlo khua hi chu tilui lo hram se ka duh a ni. Hetiang anga in tihluh ngawt hi chu thildik a nilo a, a duh khua an lo awm leh.....

Tin, Building Tax lak chungchang hi he House-ah chipchiar takin ka sawi tawh a, sawinawn leh ka tum vak lova. Amaherawhchu, hemi lakna tur hi Notified Town Area 70 lai kan sorkarin a siam a, tin, 1995 atang khan kumtin mai High Court a he thubuai a kallai mek pawh hian an khawn reng mai a, khaw 70 velah hian. Tuna an dan tlawhchhan hi dan thi tawh, nung tawhlo anih avangin kan sorkar hi tuten emaw court ah an khing ang a, V/C te khawn ngah sa zawng zawng hi return veka ngai ang a,

kan V/C te hi thu lawilo mai maiah kan ti luhai lutuk ang tih hi ka hlau a. Chuvangin, hei hi chu an duh anih chuan dan thar kan siam tawh a, Rule siam sa chuan khawn maise, a khawn kan hnial a, kan sawisel a ni chuang lova. Dan thi tawh hmanga thil tih talh hi tihtawp vat hi thain ka hria tih ka sawinawn leh duh a.

Tin, Serchhipah khian SAAB kan thiat sauh sauh a, inhmun pek tumin hma an la chiam mai niin kan hria a, inhmun an pe dawn anih chuan SAAB hi ding leh thuai sela chumite kaltlang ngei chuan, a phu ngeite hnenah inhmun pek nise tih ka sawi duh bawk a.

Tin, Demand No. 16-na Home ah hian - Hei, Mizoram a crime detection rate hi 94.9% lai a lo tling hi lawmawm ka ti hle a. India ramah crime detection sang ber pawl kan ni ta a, kan Police te hi chhuanawm hle in ka hria a. Tin, kan Police Officer 70 lai mai Bosnia leh Kosova ah te U.N hnuai tih an ni ve dawn te hi chhuanawm hle in ka hria a. Ramdang an hmu ve hrim hrim pawh kha thil hlu a ni a, hmasawna ropui niin ka hria a.

Modernization Scheme hi sum a kal tha ta bawk a, tha tak a kan hman chuan kan Police te hi tha takin kan siam thei ang tih ka beisei a. Heng equipment kan mamawh leh Forensic Science Laboratory ah te hian hma kan sawn chho zel ang a, crime detection rate pawh a san chhoh zel ka beisei a ni. Chutih rual chuan a mihring a te hi kan enkawl that a ngain, an lungawi a tul hle a, Police Force hi chu human management tak tak a ni bik zual a, an harsatna enpui an tul hle a ni. Constable kum 20 service tawh kaisang theilo ten Head Constable pay an ngiat na te kha a rei tawh mai a. Tin, Head Constable ten kum 8 an nih hnu a selection grade kai an dilna te a rei ta a. Hengte hi chu tihsak ve tawh hi an phu in ka hria a. Miin kum 20 chhunga kaisanna a neih miah loh chuan efficiency a awm miah tawh lo, Pu Speaker, recruit thar te pawh an tluk tawh lo mai thin a ni. Chutiang chu service a mihring rilru putdan anih avangin incentive awm miahlo a kum hei leh chen kan inchhawr hi kan ram Police Force in a tuar ngei ang tih ka ring a. Hei hi ngaihsak vat nise tih ka ngen sak duh a.

Tin, MRP Constable leh Head constable te hi PTC ah khuan refresher course nei turin tirh anni thin a, chunga an tirh chuan kit chi hrang hrang 29 ken tur a awm thin a, chungte chu bucket, P.T.Shoe, Jersey, Service Blanket, Line Bedding, Mosquito Net tih vel leh thil 29 lai a ni a, heng zinga a tam ber hi an mahni suma an lei a ngai a, an tan a hautak em em a ni. An

promotion leh an pay emaw, he refresher course hian a khawih miah lova, incentive a ni tlatlo lehngal a. Arm Branch te chu hetiang training an neih chuan an service-ah kawngro a su thung si a. Chuvangin MRP Constable leh Head Constable te pawhin refresher course an zawh chuan an service ah kawngro su ve ngei se tih hi ka ngen sak baw k a.

Tin, Ration Money hi Rs.350 an la dawng reng a, chutihlain an training lain Rs.850 mess fee ah chawi a ngai baw k a, "TA/DA kan dawng theilo" tih hi a ri reng baw k a. Hei hi chu Officer fel tak tak kan ngah a, an naute harsatna hi sutkiansak thuai sela, sum a awmlo anih pawhin budget ah dah mai nise. Heng neuh neuh avang hian kan efficiency a khawih thei a, a pawimawh hle in ka hria.

Tin, 2000-2004 chhung hian Advertise loh leh Employment Exchange kaltlang lovin Constable leh a chunglam hi mi 231 lak a ni a. Tulzualah te chuan hetiang tih hi a ngaih chang chu a awm thei e. Mahse, 200 chuang Employment Exchange kaltlang lova lak hi chu a diklo a ni. Engnge a chhan hriat a chakawm hle mai, chin tawh loh atan a tha. An duhsak zawngte an nih pawin dan leh hrai zawm chunga duhsak a har chuangin ka ring lova. Ruling nih manah mahni duhsak zawng han lak te hi chu a ngaihthiam awm a, mahse dan hi dan a ni a, i palzut lovang u, tih ka sawi duh a ni.

Tin, Printing & Stationery chungchangah hian hma kan sawn zia te, khawl kan neih that tawh zia te kan sawi cham chi a, mahse kan Diary leh Calendar te hi ka hresual anih loh chuan kan khawl atanga chhut ala ni lo niin ka hria a. Khawl neih that man a va awm love le ! Engnge a chhan ka hre duh baw k a. Tin, kan Printing & Stationery hi machine changkang leh thar zawk lei belh zel a tih changtlun lutuk hi kei chu ka duh vak lo a ni. Pu Speaker, Privatization a eizawngtute eizawwna dip khawp hian sorkar hi kan kal lutuk palh ang tih a hlauhawm ve tho a ni. Hei hi ven tel ngaiin ka hria.

Tin, LAD chungchangah hian - LIC Loan hi an indaihlo em em a, sorkar hnathawkte hi chu thlatin hlawh nei an ni a, pension tep te an nih loh chuan Loan rul tha thei tura ngaih an ni. Chuvangin, kan official hotan hian LIC Loan hi phalrai viau turah ka ngai a, inehuh ngai lova an vaia indaih hi engatinge kan laksak mai loh ? Engnge harsa le ? A duh zawng zawng daih hi lak mai tur niin ka hria, hei hi kan Ministry pawhin ngaihtuah zui se tha hle in ka hria a ni.

Tin, Housing Loan hi kum kal liamtaah khan mi 400 hnenah pek a lo ni reng a, tun kum lokal leh turah hian engzat hnenah nge pek leh tur tihte ka hre duh bawk a, chung chu Board te a awm em ? Eng ang kalphungin nge an pek ? keini MLA te pawhin kan hriat hauh loh mai le tih hi ka hrechiang duh bawk a.

Tin, NBCC atanga sum kan dawn tam tak hi lawmawm ka ti a, hengah hian shopping center leh market te kan sa chho mek zel a, constituency hrang hrangah market kan nei chau hle a. A kairual thei zawng hian tih hram hram nise, keini kan constituency ah pheichuan Darlawn, Ratu, Sakawrdai tihte chu khaw pawimawh a ni ve a, khungah khuan shopping complex nuai 5 man diat diat te pawh min pe se kan lawm hle ang, kan chhawr tangkai a nia, kut hnathawk kan ni bawk a, semrual deuh turin Minister pawh ka ngen a ni.

Tin, V/C dissolve anih hian party tin atangin Advisory Board hi aiawh awmin siam ani thin a, khata eng party emaw aiawh a dah a khan ruling a zawm leh hlauh si chuan kha party khan aiawh a nei ta thin lova. Chutiang chuan Khuangleng khua khi a awm mek a, chutiangah chuan siamthat leh a, a aiawhna party khan a dang thun leh mai theih te hi nise tha in ka hria.

Tin, Town and Country Planning chungchang ka zawhna Sakawrdai chungchangah khan chutiang a awmlo tiin min chhang mai a, kan Minister hian lo check ngun sela, a awm ka ring a, an siam tawh a ni. Chu chu tihchhuah vat a tha a, tunah khaw thang mek kan ni a, khaw Plan a awmloh avangin a buai hle a, hman nghal vat kan mamawh tih hi min lo hriatsak se.

Tin, DP & AR Demand No.13-na - Nikum khan Pu Andrew Lalherliana Resolution 'Right to Information' chungchang kha min hnawlsak ta kha a ni a, kan treasury bench lam te hian. 'kan duhlo a nilo, central-in he dan hi a nei tawh a, nei ve turin rules kan siam mek' an ti kha a ni a. Kum khat a liam ta, tunah hian kan Governor Speech-ah emaw, kan Chief Minister speech-ah emaw a lang miah lova. He langtlang thei sorkar siamna turah hian Administrative Reforms changtu Minister hian hei ai hian rawn ngaihven deuh sela, Rules te pawh chu siam tak tak sela Right to Information Bill hi a Rules siam a, Central ta kan lo hmang ve mai dawn anih pawhin hman theih tur a siam peih thuai a tul hle a ni. Tunah hian Central a Utilization Certificate thehthlak tam tak hi a paper-ah lo en in India Today-ah te nihna sang min lo pe ngawt mahse, a hmunah kal ila dawt a tam lutuk a ni. Chuvang chuan

langtlang thei nih hi kan duh a, Rest House a taka awm miah si lo, paper a chuangsia angte a tam a, hengte hi pholan anih theihna turin hemi kawngah hian Rules hi rawn siam vat nise tih hi ka ngen a ni e. Ka lawm e.

**S P E A K E R** : Hun a hmang dik a, a hmang d'ber a ni, vawuin a thusawiah chuan. Pu K. Lalrinliana ilo sawm ang.

**PU K. LALRINLIANA** : Pu Speaker, ka lawm e. Vawinah kan Minister zahawm tak takte pathum Demand kan sawi a ni a. Sawi ang khan kan budget atanga

han en hian duhthawhna avangin duh thusam chu a ni vek bik lovang tih hi a dik theiin ka hria a. Hei Deptt. pawimawh tak tak a ni a, Demand No. 16-na kha a hmasa berah han sawi ka duh a. Home Deptt. hi an hmalakna a ropuiin ka hria a. India ram pumah hian Mizoram Police-te hnathawh thatzia chu kan hria in a rinawm a, vawi tam tak sawi a ni tawh a, chanchinbuah te kan hmu a, an hnathawhah an ti tak tak a ni tih hi a langchiang a. Tin, an mahni pawh hi thumthat an nihna ah hian sorkarah lawmin leh mipuite/NGO te nena thawh hona-ah pawh hian nasa takin tan an lain chu chuan an hnathawh rah pawh a ti tha lehzuai niin ka hria a. Hemi an mahni thawnthat an nihna kawngah pawh hian lawmthu an sawina te pawh hi keipawh ka dawngve nual a. Motor chungchangah te, quarters chungchangah te, chutiang chuan anmahni training-na tur chungchanga hmalakna-ah te, ralthuam leisak chungchangah te pawh hian lawmawm an tiin kawng hrang hrangin a Deptt. a hnathawkte tawngkam kan hriatah pawh hian tunhma ang chu a nilo deuh e, ngaihsak kan hlawh hle mai tih hi an sawidan ka hriatve a ni a. Keipawh ka lawm ve thin hle a, hei ramri venhim chungchangah pawh hma hi nasa takin an la in ka hria a. Session hmasa pawh khan ka sawi a Kolasib, khulai Bairabi bula Zophai outpost kawng an neih that loh chungchangte, khulai khu tih changtlung deuh a ngai a ni, Hailagandhi District nena kan inrina khu tih te pawh hi sorkarin a ngai pawimawhin vawinah chuan pawisa engemaw zat dahin tunah hian khulai outpost khu tih changtlun chhoh mek a ni a. An kalkawngte pawh khu tunhma, tunah pawh khuan a la ni a, tih mek a ni a, an la zo lova, ke-a ration va lak ngai a ni a, chutiang chung chuan helhoten an paltlangna lai a lo ni bawk nen hlauhawm chung chung pawha taima taka an awmna hmun a ni a. Tunah khuan tih changtlun chhoha hmalak mek a ni khu lawmawm ka ti a.

Tin, khulai Kolasib District ah a bik takin Pu Speaker, nangma bial chhung ngeiah pawh khuan Thinglianah khuan Buhchang leh Phaisen inkara Thinglianah pawl khuan outpost khu la awm leh thei se a duh thusam awm hlein ka hria a. Tunhma pawh khan kan hre thinin ka ring a, khulai ramri kan inchuhna karah pawh khuan buaina kan lo nei tawh thin a. Electric ban kan phunte pawh Sai-in an lo chil thlukna hmunte an nih avangin khulai khu outpost dahna tur tangkai tak leh thil tul tak niin ka ngaihtuahnaah a awm a. Khulalah chuan District-ah kan ngaih pawimawhna lai hmun a ni a, chulai chu kan Home Minister zahawm tak pawh a hriat tawh tho kha. Mahse, vawiinah House ten kan hriat atan pawimawhin ka hria a, chu chu kan sawilang leh duh a.

Tin, Home Deptt. ah hian I.R. Battalion thar kan neih tur ah hian a lawmawm ka ti a. Hei hi kan sorkarin chak taka hma a laknaah chuan Battalion thar din turin kan inpuahchah a ni a, nichina ka hma a sawituten an sawi ang khan hna hmulo kan tlangvaltena eizawna ngeinghet an lo neih chhohna tur atan leh kan ram venhimna atana thil tangkai, battalion tangkai tak an nih chhoh theihna tur hi a ropuiin a lawmawm ka ti a.

Tin, helte leh smuggler te atanga arms engemaw zat man sak a ni theite hi vawiinah kan police-te an fakawmin ka hria a. Engemawzat local arms te leh AK-47 an mante chanchinbuah kan hmu thin a, chutiang a tawlh ruk thin silai engemawzat 100 chuang zet manchhuah anni tihte kha han hriat hian a lawmawmin ka hria a. Hengte hi an thawh thatna sawitlak tam tak awm zingah ka rawn sawilan duh thenkhatte an ni a.

PHE Demand No. 25-na Water Supply & Sanitation ah hian sawi tur a tam hle in ka hria a. Rural Area ah hian a bik takin thingtlangah ka hmuhve chin tawhah chuan thingtlang khua a ka kalna tawhah chuan tui pek thar hi a tam hle in ka hria a. Sorkar term kalta leh tuna kallai mek hian nasa takin hma lakna hi ak hmu a, thingtlang khaw mipuite pawn hetiang anga tui pekna kan han dawng ta hi a lawmawm a ni, tlang ramah tui kangchat lovah tui min khuah sak a, hetiang hian tui min pe thei a tih a ng chite pawh hi tam tak lawmthu sawina ka dawng a, keima bial chhungah ngei pawh hian. Chutiang chi a hmathar lakna chu tam tak a awm a ni.

Tin, Urban Area ah pawh hian hmalakna nasa tak kan nei a, kan hria a. Heng Champhai, Mamit te, vawiinah pawh hmalak chhoh mekah hlawhtling chho mai tura beisei kan neih chhohte, tin, khulai Kawnpuih te kan la neih ngai reng reng loh neih chhoh mai tura inruahman mek te khu ropui ka ti a. Kawnpuih hrang hrangah rampum huapa hetiang anga kan hrisel zawkna leh tui intur tha kan neihna tur atana he Deptt. in hma a la hi lawmawm ka ti a. Chubakah BPL Families te tana ekin sakna tur atana hmalak hi ropui ka ti a, kan ekte kan ei leh inte tih thianghlim a pawimawhzia kan sawi thin a, chutiang atan chuan kan tawphnawkte paih chhuahna tur atana ekin han siam sak te, khatiang kha hmalakna nasa tak a awm a ni tih kan hria a. Abik takin Saiha te, Mamitah te khang project kha kalpui chhoh bik a nihate kan hria a, lawmawmin ka hria a. Henghi hriselna atan pawh kan chhawr tangkai theih ngei a rinawm a, tui thianghlim intur, tui semin a thlen phakve loh atana tuikhur siamna te Aizawl khawpuihchungah ngeite pawh hmun hrang hrangah siam a ni hi a ropui ka ti a. Tin, Kolasib ang District Headquarters a tuilakna tur atana ruahmanna commission anih tawhna hmunah hian pemte an tamin veng piangtharte kan lo nei zel a chungte tana tui pipeline zawmna tur leh connection thar pekna turte leh public point siamna tur atana sum leh pai dah hi a pawimawhin ka hria a. Hei hi vawiinah keini bialah pawh kan buaina ber pakhat a ni a, hei hi vawiinah kan tarlang tel duh a ni.

Tin, Demand No. 16-na Jail hi a bik takin District Jailte tih changtlunna hmun hrang hrangah kan nei a, theihtawpin hma lak a ni a. Tin, achantu Minister zahawm takin a sawi, Jail hi misualte khungna tur a ni ringawt lova, dan bawhchhiate khungna tur a ni ringawt lova, mihring in siamthatna hmun anih avangin vawiinah hian chutiang rilru pu tur chuan Jail tangte leh a thawktu ten hma an lak theihna tur atan nasa takin an infiamna turte leh kawng engkima hamthatna an neihna tur atana thawm mek an ni hi a ropui ka ti a. Dan bawhchhiate leh misualtena thatna an lo hmuh theihna tur hmun alo ni chho hi a lawmawm ka ti a ni. Kolasib Jail phei chu kan tawt viau a, MLTP Act kan neih hnuah phei chuan kan tawt hle mai. Hengte pawh hi tihlen tum mek a ni chho a, a lawmawm ka ti a.

Tin, Demand No. 19-na LAD-ah hian han kai leh lawk ila. Hei, sorkar hnathawkte HBA Loan an zavaia pek tum a ni chho a, tun kum chhung mai pawha mi 2040 lai mai sorkar hnathawkte hnenah HBA Loan pek anni chhote hi a ropui a, an la pekbelh leh zel dawn a, ka hma a Ratu bialtu zahawm takin a sawi ang khan pek zawh vek tum a ni mek a ni. An la pe zo turah ka ngai a. Hengte pawh hi sorkar hnathawkte lawmthu sawina tam tak ka hria a.

Tin, faina chungchanga Clean Mizoram hmalakna te hi a lawmawm ka ti a, kan hrisel chuan sum kan khawl a ni kan tih angin vawiinah hian khawpui leh thingtlang thleng pawh hian fai kan tum tan chho a. Tin, High mast light chungchangah hian Kolasib ah pakhat kan neive a, a chhe palh a, a la chhe reng a, kan Minister zahawm tak hnenah a repair hi vawiinah hian sawi duh a ni. Chanchinbuah an chhuah deuh reng mai thin a, bialtu nihna angin siamthat kan mamawhzia sawilan hi a tulin ka hria a, kan sawilang duh a ni. Tin, khawpui tinahte master plan siam a ni a, hengah te pawh hian kan master plan siam anga hmalak tumna kalchho leh khaw thang chhote la siam lohte pawh siam chhoh mek a ni hi ropui hle in ka hria a. Pu Speaker, khawngaihin, ka sawilai kan sawizo lawk ang e. Kan khaw thangchho mekah master plan kan tih Aizawl te pawh development authority te pawh din tum a ni a, kan House Leader zahawm takin hmanni khan a sawilang zauh a, hengah pawh hian keini khawpui thang chho mek Kolasib, Champhai te, tin, lo la thang chho zel tur, entirnan nichinah kan member zahawm takin a sawi Sakawrdai ang chite pawh a khua angah khan vawiina plan mumal taka kan kal chhoh chuan kan kawng siam sa tih chhiata engemaw dang lo phum leh ang chi awmlo tura tun atanga ruahman hi a lawmawmin ka hria a ni. Helai hi sawi loh theih loh, la tih chhoha kan zawm chhoh tur, Deptt. hrang hrangte nena Committee mumal taka function a khatianga kalchho thei tur hi a lawmawm ka ti a, keiniyah pawh kan kalpui mek a ni. Tin, hemi atanah pawh hian Urban Area/Slum Area-a kan mi harsate chhawmdawlina tur kalpui mek te, urban sum hmanga an corporation NBCC hmanga hmalakna tam tak sawi tur, lawmthu sawina tur awmin ka hria a. Cadastral Survey chungchangah te, Fisheries, Taxation chungchangahte pawh hianin sawi tur tam tak awmin ka hria a, ka sawi hman silova, engpawh nise kan Minister zahawm tak takte pathum chanpual vawiina Demand kan han sawiho-ah hian an Demand- te hi pass thei ngei ila tih hi vawiinah ka duhthusam a ni a, chu chu an rawn ngen ang hian ka thlawp tlat a ni. Ka lawm e.

**S P E A K E R** : Nichinah khan a phar tawh a, Pu Rintea kha kan kova, a dawtah kan sawm dawn che nia.



**PU ANDREW LALHERLIANA:** Pu Speaker, ka lawm e. Sawitan hma in hmanni a kan Minister PHE changtu zawhawm takina thu lawmawm a sawi bawhzui khan hei hi report kan pe duh lawk a. Serchhipa Water Connection metre an vuah khan milian tak takte, inchhawng concrete building neite chhungkaw 4/5 ina connection an intawmah te thlatin Rs.100 vawiin ni thlenga an la khawn lai khan hmeithai rethei tak tak te metre an vuah saka khata an charge kha hei pakhtatah pheichuan, hei receipt ah hian thla khatah Rs.679 te an charge a, a thenah chuan Rs.706 te an charge a ni. Hengho hi hmeithaite an nia, churang chuan hengho tana metre an vuaha an charge tam tak an pek tira a, chutihlaia mi thenkhat a hausa zawkte Rs.100 lek lek an la chawitir chungchang thu siamfela heng metre vuaha an chawitira te hi pelet leh turin kan ngen duh nghal a, chu chu a receipt nakinah pawh a hmuh theih a ni tih kha kan sawi duh a ni.

**S P E A K E R:** I la sawi chiah loh pawhin i hun kha chu i hmang tawh tho e.

**PU ANDREW LALHERLIANA:** Pu Speaker, vawiinah Minister patham Demand kan sawi dawn a, helaiah hian sawi tur a tam hle a, tih zung zung kan tum ang a, tah chuanin Water Supply & Sanitation Demand No. 25-na atang hian kan tan ang a, kan sawi duh subject chu Greater Aizawl Water Supply Phase-II tuna siam mek hi a ni. Kan hre tawh a, chanchin thui tak, amaherawhchu, thil t har inhawng leh thei leh Mizoram sorkarin sum tam tak a save theihna tur kawng a in hawn avang hian hei hi rawn sawi chhuah a, Minister in-charge hi hma la tura rawn ngen ka duh a ni. Kan hriat tawh angin Greater Aizawl Water Supply Scheme kha a original estimate kha vaibelchhe 71.80 a ni a, kha kha hmun 2 ah an split a, a tezawc chu 32.07 crore a ni a, a lian zawk kha 39.73 crore a ni. A lian zawka hi Departmental Works-a la in a te zawk Rs. 32 crore kha tender anih kha kan hriat angin. Chu tender chu a chhangtu hnenah an han pek khan 99.32 crore a pek anih kha. Kha kha a percentage a han chhut chuan a original estimate atangin 210% a ni tih kan hria a ni. Tin khatah khan advance pek danah khan CPWD Manual in a sawidan chuan hetiang a lianah hian pekdan a awm a. 1 crore emaw 10% emaw 'which ever is less' tih a ni. Tahchuan, 1 crore kha pek mai tur niawm tak kha which ever is less tih ignore

khan 9 crore 10% zawk pek a ni tih kha kan hre ta a ni. Chutah chuan sorkar hian sum a hlauh hnem em em avangin he an thawhchhoh lai hian Deptt. atang hian rawtna alo chhuak chho ta a, chu rawtna chu engchenge a kal ka hre lova. Amaherawhchu, bawhzui tlak anih ka hria a ni. CPWD Manual hian a hmasaberah Contract an pek tawh hi split a phal a ni. Tin, reduce a phal bawk a ni, tihtet leh phal a ni. Chutianga tihtet leh emaw, phel emaw chu CPWD Manualin a phal ang taka tih dawn chuan Deptt. in an ngaihdanah chuan "50 crore in tihtet sak se, chu chuan ala hlawk tawk a ni" tih a ni. A Contract work kha split a, 50 crore a tihtet kha ala hlawk an ti a ni, tahchuan, a contract neitu Phillip-a ten an duhdanah chuan kha kha lo split pawh nise 70 crore vela hmuh an duh a ni. Khalai hian Deptt. lamah nge kan Minister hi atan dawna a Contractor lamah le ? Khawngaih takin a Contractor lama tang lovin 20 crore save in a Deptt. te proposal lamah hian tang se, tichuan tuna hnathawh meka hi pawisa tam tak 99 crore kha 50 crore a tih thlaka hlawk tawkin hna hi a thawh theih dawn a ni tih hi Deptt. atanga recommend kalchho mek niin ka hria a ni. Helai hian in sawifiahna tur pawh a awm; advance pekah pawh khan 1 crore pek tur aiah 9 crore pek anih ah khan rindanah Minister in-charge leh Chief Minister hian 5 crore chuang ei a puh a ni. Kha kha a dilo, anih pawh lo ring dawn ta ila, a tak taka chantir a ngai a ni. Amaherawhchu, heta 70 crore a in la pek tlat chuan ka ei lo ti ti mahula, mipuiin an ngaihdanah chuan in eiru ah an ngai thovang. Chuvang chuanin khalai kha chiang takin in tih a ngaiin ka hria a. Sorkarin Department duhdan ang hian hmalakna tur kha ngaihtuah a ngai ta a ni.

Tin, thildang pakhat kan sawi leh duh a chu, Revenue Land Revenue and Reform chungchang thu ah hian ka sawi duh a chu, kan veng hnaiah thil thleng a awm a, khu Zonum ah khuan kum 1995 ah miretheite te te V/C Pass pe in ram engemawzah an pe a ni. Chu chu a lo kal chhozela a thenin in an sa thei a. 1995 chho vela MNF opposition a rawn nihlai pawh khan kan Sorkar chuan invai hian regular pass ah kan siamsak ang che u an ti a ni. Amaherawhchu, a lo kal chho zel a, In pass an pek tam tak in sa theite an pek lai khan a la rethei zual in la rawn save thei lo te an awm a, an enkawl a, fai taka an che chung khan in an la sa thei lova. Mahse, an enkawl ani tih chu alang reng a ni. Khang ho kha tuna kan Minister incharge zahawmtak thuneihna in kum 20 lai mai an lo chei tawh a, kha tunah hian an chhuhsak leh a ni. An chhuhsak dawn pawh khan a dik tak chuan Zonum khawpui khan Public Meeting an kova, an V/C te ho in hei hi chu kan dang tur a ni. MNF Ministry in a an lo tiama pek vek tur a tih regularize vek tura tih a ni a. An regularize deuh vek a. Heng mi 11, a rethei zuala te

an chhuhsak leh a, midang an pe hi chu a dik lo a ni, tiin vantlang mipui pawhin nawrna an siam a, Minister hi vawi 3 hmuh an tum a kan Minister hian kan V/C te a hmu duhlo a ni awm tak leh nghal a, a pawh hle a. Mirethei zualte hi khawngaih takin chhuhsak lo selang in a tha ang e. An thikna em em chu heng an chhuhsaka te bi chuan Officer pakhat plot 10 nei anmahni ang thova in la sa lo, a plot pakhat ringawt pawh kha mirethei plot 4 tiat lai mai kha a ni a. Chu chu a plot 4 chuan regularize sak a ni a. Mirethei leh milian inkar zau lutuk mai hi a pawh em em a. "Khawngaih takin hei hi ti lo turin min lo ngen sak rawh" tih kha kan dawn a ni a, kan sawi chhuak leh a ni.

Tin, Taxation ah hian sawi duh lawk ka nei a, hei tunah hian kan hriat angin Tax hi kan pe nasa em em a, Taxation ah hian Mizoram atanga kan resource mobilize ve hi budget ah mipuitena kan pek ve hi vaibelchhe 35 leh nuai 51 a ni heti zat kan pek tawh chung hian tuna 12<sup>th</sup> Finance Commission ina pawisa sum tam tak min rawn pek, vaibelchhe 4660 min pek atanga keimahni thawhchhuah ve tur, vaibelchhe 760.85 hi Mizoram atanga resource mobilize ve tur anihna ah hian khawngaihtakin chhiah lampang chuan kan hotute hi kal tawhlo selangin resource mobilize na tur dang kan zawng tawh tur a ni. Mipuite rip taka chhiah tih aiin osterity measure atangte, Tin, privatization of Govt. vehicle kan tih atang te hian tam tak sum save ila, revenue surplus atangin henghi tum zawk tur a ni a, khawngaih takin chhiah hi kan pek chin chu kan pek nise, tihbelh leh zel tur awmthei, he 12<sup>th</sup> Finance Commission in a rawn ken hi khawngaih takin mipuite chhiah zawngin lak ni lose tih kha kan sawi duh a.

A tawp berah chuan Pu Speaker, kan sawi duh a chu. Revenue Deptt. chungchang thu ah nikum 2004 November a kan Session ah khan Zero Hour ka hmang a ni. Chu Zero Hour ka hmanna chu hei hi a ni a, Mizoram sorkarina sipai ramluah rental a semdan chungchang thua thil fello a awm a ni. Sipai ramluah rental charge September 1986-1997 chhunga pawisa semdan fello chungchang thua corruption te adawnglo turin an dawn te, adawng turin an dawn loh chungchang thu kha ka sawichhuak a, chu chu kan Minister zahawm tak hian chhanna rawn siamin ka Zero Hour hman kha thudiklo a ni e, ti khan a rawn ziak a ni. Chu thudik lo a ni e, tih kan Ministerin a sawi ngei a chu, kang ram neitu association-te khan ka thusawi kha a dikzia sawiin Chief Minister hnenah lehkha thawnin document zawng zawng en an rawn phawrh vek a ni. Hei hi kan Minister in-charge pawhin a hmuh tawh ka ring a, chungah chuan thudiklo sawi anga min sawi tam tak a awmte pawh kha han clarify tur hi hun a awm tawh loh avangin point 2 chiahin kan clarify ang e.

**S P E A K E R** : A thui lutuk dawn e, a tha lovang pakhatina pelh thui viau bik chu kan kalphungah a tha lo ang e, a pel thui em mai tawh a.

**PU ANDREW LALHERLIANA** : Pu Speaker, anih leh hei hi nakin-ah wind up hunah clarify na hun ka neih ka beisei. Zero Hour ka sawi kha dawt anih loh avangin, thudik anih avang leh hei hi Press hnenah pawh ka pek dawn avangin chu chu ka sawi duh a ni. Pu Speaker, ka lawm e.

**S P E A K E R** : Lalrinliana Sailo sawm leh ila, hun pangngai Minute 10 hmang law law se tlai lam kan inhnawhtawt loh nan a tha ang e. Tha kan ti em ?

Awle, Pu Lalrinliana Sailo

**PU LALRINLIANA SAILO** : Pu Speaker, ka lawm e. Ka sawi hma in kan hnunga Speaker Conference-ah khanin ni 80 aia tlemlo Session tur a ni tih kha awmin ka

hria a, ka hresual em aw ? Session te hi kan nei khat si a, hun kan nei tlem si a, a hrehawm thin khawp mai. Demand No. 13-naah hian kan kal nghal ang e. Hei, ATI hi ka rilrua awm chu tunlai hian kan Officer te, kan sorkar hnathawkte hi training that an va ngai em ka ti a ni. Officer tha tak tak leh bright tak tak, fel tak tak an awm rualin training mumal loh vang em ni aw, ka ti a, Service Conduct Rule te pawh belh pawp pawp mai a che te an awm a. Hei hi training nei tha se chu engemaw chen hi chu a avavoid mai awm mange aw, ka ti deuh a ni. Tunah hian kan Director-te nge ni a, Official lam felna pawh a ni ang a, Minister zahawm tak te pawn a chievement a chu a ccredit a te pawh la ta ang se, central atang pawhin emaw, 3 crore lai chu hemi chho atan hianin hetiang atan hianin an rawn tichhuak dawn niin ka hria a, lawmawm ka ti khawp mai. Hetih rualin training hi hei aia tam zawk hianin neih nise Mizoram Officer-te, tin, hemi India ram chauh nilo foreign thlenga training theihna te hi, tin, hemi restriction-a te hi hei sum leh pai te pawh a lo tam ve chho ta bawka, relax tawh nise, phelh tawh ni sengin tha ka ti khawp mai tih thu kha kan sawi duh a ni.

Tin, Demand No. 25-na Water Supply & Sanitation - Hei, Pu Speaker, ka hriatsual loh chuan ka hriatna hi a diklo anih loh chuan ni 28.10.2003 khan Neihdawn kai Water Supply Scheme an ti a, tahchuan cheng nuai 57 lai A A a ni a, a number ka chhiar chhuak daplo mai ang a, technical sanction neng lam tihfel a ni. Hei hi hmanni 24<sup>th</sup> February khan a hmunah kan han kal a Champhai atangin tlai ni tlak dawnah kan kal a, kan zuk kal chhuk thla a, kawng a bumboh khawp mai a, a khu si a, kawng a chhe em em a, tichuan hna kan zu hmu lo reng reng a. Tuipei kamah kan zu lut thla a harsa deuh maiin, chu hna chu kan zawng a ni. Mahse hna hmuh a ni reng reng lo maim a. Enge ni a awmzia aw ka ti a, nuai 57 lai a ni a. A chhakah khianin 'Greater Champhai Water Supply Scheme' chu hmalak mek a ni a. Hei pawh hi ni 7.7.2000 a hnathawh tan niin a inziak a, sign-board ah hian heti zat a in ziak a ni. Tichuan, heng hi thla te kan han la vek a, hemi nena ngaihfin theih niin ka hre lova. Khitah pawh khianin approved cost chu cheng vaibelchhe 13 leh nuai 71 a ni a, revised ah chuan vaibelchhe 22 leh nuai 70 a ni a, a thlang lawk kan zu kal a ni a, 1 Km a tling em aw ka hre lo, kan the chiah lova, tlai thim tawh a ni a. Tahchuan Neihdawn kai chu nuai 57 awm nia kan hriat hnathawhna hmun nia kan hriat chu kan zu kal a ni a. Hnathawh awm miah lo a ni, hei hi enge a awmzia kan Minister zahawm tak hian wind-up naah min rawn hrilhfiat thei se ka ti hle a ni.

Tin, hei kan Kolasib bialtu zahawm tak khanin hmalakna te lawmthu a rawn sawi a, a lawmawm khawp mai. Bial thenkhat ah hmalakna tha tak tak hmachhawp a awm rualin bial thenkhatah chuanin a awm lem lo a ni te pawh hianin a hriat a, Pu Speaker, a inanglo hle niin ka hria a ni. Hmanni ni 24 a Tualte a an tlangau chu ka rilru a khawih khawp mai, tumah tuikhur a in suk loh tur an ti a ni. Tui a vang lutuk a, a harsa lutuk a khawiahnge an in suk tak ang ? ka ti a, Lui ah an ti a, a hla em em mai si a ni. Chuvangin thingtlang mipuite chu an harsa in an buai hle a ni tih hi ka sawi duh a. Tin, Sialhawk ah a then chuan in awih loh pawh ka ring hial a ni. Tui chhe em em mai, tui nu leh tui bawlhhlawh kha a dang awm hek lo an thlawr a, an thlawr na chu hei thla pawh ka la va va a ni Pu Speaker, hmuh a hrehawm khawp mai, a dang a awm si lo. Tui kha an thlawr fim a an chhuang hlum leh a, tichuan an in a khawsak te an rel a ni. Tin, khamzo an ti a chumi lah chu veng mawngah hla tak maiah a awm a, a hmunah kan zuk kal a, chumi chei na tur chuan Rs. 15,000 an pe a, cement bag chanve an keng thla a, an phul ze ze a ti khan an zo leh mai a. Chutiang te chuanin suasam kan ni a, kan bial te khi. Chuvang chuan hemi emergency water supply scheme by truck kan em ni, khangte kha a tih theih lawm ni. Kan harsat dan chu nasa tak ani ringawt mai a ni. Sialhawk khi harsa leh zual anni a, Khawhai bialah khian an harsa ber a ni tih thu te kan sawi leh duh a ni.

Tin, Pu Speaker, Demand No. 19 na LAD ah hian. Hei LAD kan han en hian hmaniah kan Chief Minister zahawm tak speech ah khanin khatiang zat kha Housing Loan a sem angin a rawn sawi a, kha kha enge a awmzia ? Tu hnenah nge sem a nih a, tute nge beneficiaries leh eng zat nge tih hi kan zawt nawn leh duh a ni. Tin, LIC te hi tunah Session dawn anih avang hianin sem tur angin an ti mai nge ni, a tak tak tunah hian a awm em ? Zawhna chhannaah khan K. Deposit ah a awm a ni tih kha a ni a. Khawiah nge tunah hian a awm tak, an sem tak tak dawn em, engtik ni ah chiah nge an sem dawn, engtik thlaah nge ni ang ? Normal Housing Loan a kha 400 kan pe tawh an ti a ni, chuvangin hetiang mai mai a House hrilh te a dik dawn em ni.

Tin, V/C ah hian kan sawi leh duh chu nichina Ratu bialtu zahawm tak khan a sawi a. Lungtan V/C an thiat a, an thiah na chu thing pakhat kihah te a ni. Tunah khian V/C an thiahna Advisory Committee te chuan an duh lai lai kha an thet leh huau huau mai lawi si a. Hetiang te hi a va tha lo tehlu em. Tin, MNF vek kha anni a, tunah hian MNF ata kha a rawn chhuak leh tawh a, a Advisory ah khan min dah sak leh thei em ? Party pakhat chauh ni lo the se tih te kha a ni. Tin, kan hriat danah chuan hmun hrang hrangah Champhai ahte, Khawzawl ahte, Khawhai bialte kan zin a Session hma hian. MNF V/C chungah chuan Hall Committee leh Hall Management Committee leh Playground Management Committee a awm lova. MNF lo V/C ah hian an siam deuh zel niin a lang a. Hetiang te hi kan va sawisel ve discrimination a van tam ve, kan va in thlau nasa ve. Enge ni dikna a awm tawh lo a va ang ve tih hi ka sawiduh a. Chumi anih loh chuan a dik lovang.

Tin, Pu Speaker, Home ah kan lut leh lawk ang e. Hei kan hnungah khanin a ri zauh tawh a, goat proof wire-mesh tih bawk kha sawi leh a ngai tlat mai. Police S.P tinah i ti teh ang goat wiremesh sem leh a ni a, cheng nuai 250 chuang man kha, chu chu Champhaiah pawh kan han kal ngei a, Kolasib ahte, Mamit ahte, Serchhip ahte, khami wiremesh kha an hmu ngei a ni, an dawng ngei a ni. Mahse anni hian demand an neilo reng reng. Pawisa hi hetah hian awm tam mahse a hmanna awmze mumal si lova kan hman leh si loh hian a lawm ram in a tawrh le. Mipuiin kan tawrh leh thin le. Chutiang chu a ni a, helaiah nuai 57 pawisa kan tih lain goat proof wiremesh tul hlei lova, Police S.P tepawhin demand hlei lova an pek tawp tawp lai a, tui in tur awm bawk si lova Police pawh Uniform Constable te leh Constable lo te pawh Uniformah tunah hian ka hriatsual loh chuanin Nurse hianin an Uniform man hi Rs. 3000/- man a ni a, a lawmawm khawp mai, ka lawmpui e. Chutih rualin Police hi Rs. 1500/- a ni. Engati bik em em nge hetiang pawh kan ti thei lo a ni a, thanah chuan kan ti leh pawp pawp si a, a va rual lo em em ve. Hetiangte chu a dik thei ngai dawn em ni. Tin, Pu Speaker, ka hriatsual loh chuan tunah hian

R R kalhin Fire Service ah hnamdang 2 hi promotion an pe dawn niin process mek niin thu ka dawng a. Hengte hi a va dik lo em em ve tih kha ka sawi duh a. Kan Sorkar rorel danah hian justice a awmlo reng reng a, kan khawsa zia reng rengah hian a dik lo in ka hria.

Tin, pakhat chauh Land Revenue ah luh leh lawk ka duh a, Pu Speaker, hei kan zawhnaah khanin zawhna chhannaah chuan unstarred question-ah aw.....hei chauh hi kan zo ang e. P & E pawh a ni tho a, ka sawi zel dawn Pu Speaker, engatinge hmannah Serlui 'B' ah Zero hour kan hmang a, jungle clearance ah cheng singnih khat semna tur buh tuh ta ila tin 4 tin 5 bak kan tuh lovang chumi hmunah chuan jungle clearance atan cheng nuai 382 leh sing 7 chuang an dah a ni. Chung chu kan sawi mawlh mawlh a, khalam kha kan Chief Minister zahawm takin kan lo en ang e, a ti a. A lawmawm khawp mai tih rualin a lehlamah khan a lo khawlo leh ta, tunah hian compensate ah bawk hei mi 584 leh Revenue a tel tlat alawm. Pu Speaker, Power-ah ka sawi bawl ang, hetiang chu a diklo reng reng cheng vaibelchhe 5 leh sing kua leh khami chuang kha a pe leh ringawt mai a ni, a diklo lutuk. Tu chhungte nge..... kan hria a nia, in khatin pass 25 te a nei a ni a, hetiang ringawt chu a diklo reng reng. Chuvangin, i fimkhur ang u, pawisa hmandan hi i fimkhur ang u, tih kan sawi duh a ni e, Ka lawm e.

**S P E A K E R**

Awle, a lawmawm e. Tichuan, kan chawhma hun kan lo hmangzo ta a, kan chawh rih ang a.

**2 : 00 P.M.**

**S P E A K E R**

Kan rorel kan chhonzawm leh ang a, thusawi tur kan sawm hma in thil pakhat han sawi lawk ka duh a. Chawlh chhung khan kan han inrawn tlang thuak thuak a, hei zanin te hi hun bik leh kan tan hun pawimawh anih avangin han hma theih deuh kha tha kan ti tlang a. Chuvang chuan nidanga kan tihdan lo ang deuh helin thusawitu chin pawh in tuk ni sela kan ti a. Congress Legislature atangin pahnih in an sawi leh ang a, tin, Group Leader, MPC lamin an la sawi lova, Ruling lam atangin pakhatin sawi bawk sela, tichuan wind up tawh mai sela tih tha kan ti tlang a. Chutiang chuan kal ila tha kan ti vek em ? Anih chuan tunge congress legislature atangin han sawi ang. Awle, Pu Liansuama ilo sawm ang.

PU LIANSUAMA

: Pu Speaker, Session hmasa a kan sawi ka ngaih pawimawh em em vawiin thlenga tih tak loh Home Deptt. Demand No. 16-na ah kan sipaite TA/DA pek theih loh hi a rei ta lutuk deuh a. Hei, MLA kan han nih v e leh kha nikum hmasa a lo ni ta reng mai a, PSO te min pe a, hengte hi khawi kipah kan hruai a, chungte pawh chuan an TA/DA hi vawiin thlengin an la la theilo hi chu sorkar tan leh a Minister tan pawh hian a tlawm thlak tawh deuh a ni lawm ni ? Keini ho hi chuan hetia kan session DA te pawh hi kan la leh mai ang a, mahse, keini aia harsa zawk daih i ti mai ang, heng Police ten vawiin thlenga TA/DA kan la pe theilo hi chu tuntumah hi chuan pek ngei ngei tawh tur niin ka hria a, chu chu a hmasa in kan tarlang duh a ni.

Tin, Finance Minister, Chief Minister Speech ah te leh Governor speech ah te lo lang I.R. Battalion thar din tur chungchang thu hi a lawmawm zawngin kan sawi na a, kei lawmawm ka ti hran lutuk lova. Deptt. dang entirman Taxation Deptt. te, Revenue Deptt. te nimina kan ngaihtlak tawh ang in Labour & Employment Deptt. te pawh in hna an dil ngar ngar a, post an neihsa pawh fill up an dil ngar ngar a, kan tihsak thei hlawm lova. Amaherawhchu, I.R. Battalion hian a dintirhna atan hian Rs.70,000,000 emaw chu kan hmu maithei a, a piahlahmah erawh chuan kan state hian kan tum ngar ngar dawn a, sum dek chhuak ve miahlo tur lehngal. Tin, chubakah kan ram Pathian zarah vawiinah chuan remna nei tuantling tha ber, peace bonus te pawh nei hian chuan I.R. Battalion ai chuan thildang hi kan mamawh nasa zawk a ni lawm ni ? Chuvang chuan vawikhat central sorkar in min rawnthuamna hlek thlahlel hian post sang chuang kan create leh ang a, Deptt. dang chu kan hrek leh dawn anih chuan a finthlak loh in ka hre tlat mai a. Non-Plan expenditure san tawhzia te kan ngaihtuah chuan. Chuvang chuan ngaihtuah chian a tha lo maw ? Deptt. dangte tan chuan post creation harsa kan ti ngawih ngawih a, mahse I.R. Battalion piang tur kan lawmdan hi kan ngaihtuah chianglo te a ni thei ang em. Hei, tunah pawh hian VAT kan hmang dawn a niawm a, Taxation Deptt. in post engemawzat an mamawh belh ang a, harsa kan ti leh hle ang a. Chuvang chuan kan hotute hian ngaihtuah chian a dik lawm ni tih tawite in kan tarlang a ni.

Tin, Home Deptt. kan sawilai la la hian custodial death hi a awm ta fo mai a. Hmanni lawkah Khawzawl a thih chungchang te, tin, Serchhipa P.S. ah rinhlelha an man pawh nilo mahni in report an nghaisa a, ram tui leilo deuhthawa kan police ten an han nghaisa te kha zawng kan ram ah hian a tih mi thlawt lova.



Supreme Court-ina a huat ber a ni a, kan Home Minister-in khangte chu a hrechiangin chanchinbu ah te pawh a lo lang tawh a, keini MLA engemawzat pawhin dawmdawi inah te kan va tlawh a, an lainatawm ngawt a ni. Hetiang hi thleng tawhlo sela, kan police te hi kan fak viau a, an tha a. Amaherawhchu, hengah hian kan lo hriatdan in zurui chungin heng tang mek te hi kut an thlak a, henghi awm tawh lose, a pawimawh ngawtin ka hria.

DP & AR ah hian tawite sawi duh ka neih chu analyst wing hi tih chak a, Deptt. tamtakah hian chuan kan phutawk aia tam sorkar hnathawk mek an awm a, lehlam ah kan tam ngawih ngawih si a. Session hmasa pawh khan ka sawi tawh a, Shillong Mizoram House ah khuan room thum kan nei a, a enkawl tur khuan regular L.O te tiam khuan sorkar hnathawk 28 an awm a, tin, M.R. an tam hle bawk a, mahse, helajah Revenue te leh LAD te, Taxation Deptt. te chu an indaihlo ngawih ngawih si a, semrual hi a hun a ni. Chuvang chuan, DP & AR-a analyst wing hian tan han la leh deuh sela. Tin, kan A.O., MCS-a la inhlangkailo engemawzat an awm niin kan hria a. Hengte hlei hlei hi thawh tur nei mumal lovin an awm a, chuti a nihsi chuan factory inspector ah te khan an tha ang a, nimin tlaia kan ngaihthlak kha. Labour Officer ah te pawh khan an tha thovang. Chuvangin, helam a post awmtho si kha han insem rual ilang chuan pawisa senbelh miah lo hian sorkar hnathawk an mahni tana phurthlak bawk si hian kan kal thei ang tihte ka ring deuh a ni.

Session hmasa pawha ka sawi tawh, sawirik leh ka duh Rural Water Supply Scheme a detail estimate anga PHE Deptt. ten an thawklo hi a ngaimawh awm a, a bikin tui lakna hnara intake tui khur siam ah leh a reservoir siam chungchang thuah leh tuihna lakna atanga khua a thlen thlenga pipe hi  $1\frac{1}{2}$  fts vel a thuk leia phum tur a estimate ni vek si, pakhatmah phum awm silo, a pawisa luangral ve tho si hi a ngaimawh awmna a rei tawh a, kan House hriatah kan tarlang leh a ni. He kumthara scheme execute tur reng rengah hi chuan leia phum tur anih chuan phum mai tur, phumloh tur anih chuan a estimate ah hian pawisa hi chu tel tawh loh ni maise a tha ang tih ka ring.

Tin, sawi hlawh tak tui meter hi han sawi leh hlek ka duh a. Tuna kan rate neihlai mekah chuan tui 1 litre zelah tui 13,000 litres thlengin pawisa pakhat chawi tur kan ni, Chawnpui Vengah kan awm a, tui hmu thalo pawl tak kan ni a, a hmuchhe pawl tak pawh kan ni chuang lovang, a vantlang pawl kan ni e. Tui 13,000 litres dawn thlengin Rs.100/- thlatin ka chawi dawn a ni. Chuti anih chuan thlakhatah hian 13,000 litres hi kan chungin pipe pakhat atangin kan hmu miah lova, chuvang chuan meter pawh hi vuah

mahse Rs.100/- aia tam kan chawi dawn chuanglo a ni. Aizawl khawpuiah hian thlakhata 13,000 litres dawng pha chhungkua an tlem ngawt in ka ring. Chu chuan Rs.100/- an chawi tho tur anih chuan engvang in nge meter hi pek kan ngaih ? Chu ai chuan meter lai nana Rs.31,900,000/- vel senso ai hian Aizawla tui pump diesel leina pawh neilo te hi helamah hian hmang zawk ila a tangkai dawn tehlu nen. Chuvang chuan a economical lo em em in ka hria a. Tin, keini helaia memberte hi connection pahnih min phalsak a, helaia reimbursement pek leh turin. Chungah chuan Rs.100/- ve ve Rs.200/- lo chawi ta ang ila 26,000 litres MLA pakhat hian kan dawng dawn tihna a lo ni ta a, kan dawng tak tak pha chuang, si lova. Chuvangin, meter-a kan tui dawn han tehvel vei hi engnge a tulna ? Nakinah khaihawm pahin a hludan turzia kan Minister hian minrawn hrilh se a pawimawh khawp in ka hria.

Tin, LAD chungchang thu ah tlemte sawi ka duh chu - Thingtlanga khawlian deuh ah hian ka pu step te min siamsak tawh dawnlo em ni ? chutiang thawm chu Mamit bialtu nen hian kan hria a, Rural Development in pawisa an nei baw si lova, thingtlang hi min hrek hle mai dawnin kan hria a, kan lungngai khawp mai. Chuvangin, thingtlanga kan khawpui lian ve deuh neihah te hian step emaw, thlanmual kawngte kan neih thin kha min hnuchhawn dawn nin kan hria a, a tak tak nilo se kan duh hle mai.

Tin, Fisheries Deptt. hi nimin a kan ngaihthlak tak Sericulture ang deuh baw a chhungkua eizawna tur atana tih tak tak tlak a ni a, kan Minister hi a tui baw a, tunai hian tan han la nasa leh sela. Amaherawhchu, hetih rual hian phailam atanga Sangha, Andhra Pradesh emaw, West Bengal emaw atanga Sangha zuartute hi tualchhunga tharchhuah zuartute aia an lal zawk reng mai leh market hmun an changtha reng mai hi kan kut hnathawktu Sangha thartute aia an lal reng mai hi siamthat a pawimawh hle in ka hria.

Tin, Pu Speaker, Taxation Deptt. leh Revenue hi tawite kan sawibelh ang a, Revenue Deptt. hian Joint Director Post pawh kan nei ang an ti a, mahse vawiin thleng hian an la dahkhat ta lo niawm tak a ni. Surveyor te hi an mamawh em em a, sum huilut tur Deptt. an ni a, chuvang chuanin Taxation Deptt. te, Revenue Deptt. te hi chu Deptt. dang tana post hi kan ui deuh anih pawhin he Deptt. pahnihah hi chuan in kan pawk deuh thei lawm ni, kan ram sum hnar thawk chhuaktu turte anni dawn si a, tih hi tawite in kan sawi ve duh a ni.

**S P E A K E R**

Anih leh tunah Pu Lalhmingthanga ilo sawm ang aw.

**PU LALHMINGTHANGA** :

Pu Speaker, ka lawm e. Hei Deptt. sawm chuang sawi tur a awm a, mahse ban hma kan duh si a, tawite te in han sawi ilangin. A hmasa

bera kan sawi dth chu Home hi a ni a. Home-ah hian thiante hian an sawi tam tawh a, thiante sawi hnu kha chu sawi vek talo mai ilangin. Pakhatna ah chuan Armed Branch Havilder belthum belte hi an hlawh hi enthat sak an pawimawh em em mai a, hetah hian an nature of duty te kan en chuan an hlawh hi an mahni level pui te kan ti dawn nge ni, tiang ang atanga zuk thirin a hniam bik a, hei hi kan Home Deptt. hian lo en sela siamthat theih nise kha kha kan sawilang duh a.

Tin, Home Guard bawh hi Session tinah hian sawi a hlawh em em a, hei an wages kha revised propose rate te an rawn siam a, kan sorkarte nen pawh sawiho tawh a ni awm a, hemi an revised ang hian nikhatah Rs.150/- tin, washing allowance ah hian Rs.50/- per head per month tin, ration money ah hian Rs.500/- per head per month chutiang angin 13 monthis pay ah khan Rs.4500/- per head per year ang kha hei hi tihpuitlin sak thuai avan pawimawh em. Kan sorkarte hian tuna pay commission thara mi hi lo nghak rawh u an ti a. Amaherawhchu, anni hi pay zawnga kal an nih lemloh avang khan an duty leh an dinhmun ngaihtuah hian tihpun sak an phu hle mai a, kha kha kan ngen sak bawh a ni.

Tin, Home Deptt. lam tih tur hi ani tho in ka ring a, Revenue lam pawh ani thovin ka ring a. Hei, tunhnaiah hian Nagaland Peace Talk te alo awm chhova, India hmarchhakah hian inter-state boundary chungchang hi alo lar chho ta hle mai a, chutah cental sorkar pawhin a ngaihsak em em a, tin, Supreme Court pawhin a ngaihsak a, Supreme Court hianin Sub-Committee hemi inter-state boundary en tur hi a siam tihte pawh kan hmu a, chumiah chuan kan sorkar hian ngaihsak ve ta selangin in-directly a min effect theihna lai te pawh hi alo awm maithei a, inner line boundary te leh khang thil an siam ang kha a thir te pawh kan hriat loh hian an lo thir reng palh ang a, engemaw min nghawng theihna laite hi a awm ang a, chuti lai chu kan sorkar hnenah kan tarlang duh bawh a ni, kha kha Home-ah chuan kan sawi duh chu a ni.

Tin, Demand No. 25-na Water Supply & Sanitation ah hian tunah Aizawl khawpui in kan rinlai Aizawl Water Supply hi a khawlte alo upa ta a, tin, a lo function rei ta a, mi 80,000 tan emaw a siam kha nuai hnih chuangin kan rinrawn a, Phase-II hi a rang thei ang bera tih ava tul em, kan sorkar hian theitawp chhuah teh se tih hi kan ngen duh bawk a ni.

Demand No. 8-na Taxation ah hian kan kal daih ang a, hei tun term kalta leh tuna kan session neihlai mek ah te pawh hian ka sawi tawh ang khan tax lak leh non-tax lak hi kan sorkarin a bei ngawrh ta hle mai a. Tin, India Sorkar pawhin special category a min daih emaw concession min pek hi an ti tawp tan ta deuh ni pawhin a lang si a, hetah hian rationalization policy siana tuna kan kalhmang hi bihchian a tha awm mange ka ti a. A chhan chu kan sawifo ang hian tuna kan sorkarina sum an semrual danah hian ruling party tan lo chuan engmah va beisei phak tur tak tak a awm lova, a MLA te ngei pawh hian engmah chutiang anga mahni bial han tihve thoihna tur pawh kan neilo a ni. Hetianga ruallo taka sorkar pawisa leh income tih anih mek lai a mi zawng zawng huapa tax thar te han lak a, thil chi hrang hrang han tih hi a tumtute tan a na em em mai a, hetiang ang hi a kal zela mipuin rit an tih lutuk chuan a chawh leh tur hi chu rambuai ani dawn tlak a ni. Tin, chutih rualin hei employment lamah kan sorkar downsizing in a kal a, kan thangthar hna hmulo te leh mithiam tak tak beidawng hi an tam a, mithiam beidawng thil hre si ho hi an hlauhawm a, tunah hi chuan an lo insum hram hram a ni hlawm a. Chuvang chuan, hetilai hi serious taka kan sorkarin an ngaihtuaha, heng tax lak chungchang thuah te pawh hian a mipui phurzang zawng deuh hleka an tih a pawimawh em em in ka hria a, chu chu Taxation chungchang thuah kan sawilang duh a ni. Tax pekloh tur tih hi chu kan sawi ngai lova, kan sawi tawh ang khan kan thurin Bible ngei pawh kan pe tur a ni 'Kaisara thil chu Kaisara hnenah pe rawh u' tih a ni a, kan ti tur a ni. Amaherawhchu, kha kha sorkarin pe theia min siam siloh chuan kutzungtang tam taka kan thawhchhuah sa thingrem a sen ringawt hi chuan thil fello inbuk tawklo a awm thin a, ram hi dinhmun hlauhawmah a d ing thei ani tih kha kan sorkarin hria selangin Taxation atang hian rationalization rawn siam se a tha in ka ring.

Tin, hemi rual hian Land Revenue & Land Reforms ah hian han sawi zawk duh ka neih chu tuna kan MNF unauten India sorkar nena inremna an han siam khan sipai hovin an ram luah rental chungchang thu pawh hi inremna clause pakhat zingah khan a lang a. Tichuan, 1<sup>st</sup> April, 1966 atanga 31<sup>st</sup> August, 1986 kum 20 chhung atan khan a first phase kha sanction tawh a ni a,

Rs.14,95,74,931/- hei hi an sem a ni. Amaherawhchu, khatia hah sem hnu khan a lo kimlo em em mai a, fresh claim a rawn awm leh ta a, chu chu D.C. hrang hrangten an han verify a, chutia verify a engkim peihfel anih hnu khan claimants te 1694 an awm a. Tin, Sipaiin an luah mek hi 5273.88 bigha la pek loh an awm ta a ni, khami period atan khan fresh claim hi Rs. 37,88,08,152/- a ni a, hei hi India sorkarah thehthlak tawh a ni a, tun sorkar hian uluk takin umzui tase a tha in ka ring a. Tin, hemi piahlahmah pawh hian tun thlenga security hovin an la luah tak Defence Ministry lam emaw, Home Ministry lamin emaw an pek zawm tur piahlahmah pawh hian ala awm ta a, chu chu terms of peace accord in a ken tel kha a ni ta a, entirnan hemi fresh claim ah hian sawng ka bial Lunglawn a mite phei chu Rambuai vanglai tak khan Lunglawn khaw thalai tak kha Assam Rifles sawn an luahlan ta a ni a, chutah c huan tunthlenga hmulo tam tak an awm a ni. Tin, tunah pawh la luah sak tak zel an awm a, chuvangin, hei hi ngaihthah theih chi a ni lova, kan sorkarin a chak thei ang berin min um sak sela tih kha kan ngen leh duh a.

Tin, Printing & Stationery chungchang thuah hian Mizoramina printing a neih theih zawng zawng hetah hian bel vek kan tum hi chu tunhma lam atangin kan rama Industries upa ber zing a mi chu Pringting hi a ni. Chuvangin, hei hi sorkar documents secrecy leh engemaw thiltel tih a ng lo hi chu hauh tlat bik lo sela, a tam thei angin private te pekchhuah theih nise tih kha kan sawi leh duh a.

Tin, Demand No. 16-na Jail khu tunah pawh khuan tui hman turte an nei lova, thingtuah turte an nei tha lova khulai khu en that a ngai viau mai a. Tin, a jail hnathawktute ah pawh khuan promotion due tawh tak tak, anmahni nihna hmazawn theuhah chutiang ang hmulo chuan a hnathawktute pawh khuan harsatna an tawk a, hei hi kan sorkar ten uluk takin lo en se tih kan ngen duh a.

Tin, Demand No. 19-na LAD ah hian LIC HBA pek chungchang thu ah hian semruah deuh hlek ni sela, kan sawi tawh thin ang khan Housing ah te pawh hian MLA te hian chanvo te nei ve thei ilangin. Tin, LIC HBA ah te pawh inti ta rau rau engemaw Departmental merit a kal lo, anih vangin ruling ringawtina hei hi quota anga insem ral ai chuan opposition lam a mi pawh hi quota min pe ve ula tih hi kan ngen nawn leh duh che u a ni.

Tin, V/C inenkawl dan chungchang thuah hian Ruling Pary V/C member an nih loh a harsatna an tawh hi a tam em em mai a, ngaihsak loh hi. Hei hi chu kan LAD Minister lam pawh hian a Deptt. te mawhphurh a ni lova, politics thil a ni a, deptt. chuan fair taka tih an duh pawhin a dik tak chuan political intervention a tam avangin stage hrang hrangah a harsa thin a. Helai hi kan Minister hian kairual deuh hlein Kristian ram kan nihna ang hian mi, thlantlin an nih tawh chuanin hlamchhiah mai mai ang kha awmlo selangin tiin kan ngen duh a ni. Tin, Ngur khuaah khian V/C member 5 an awm a, 3 in an resign a, an resign na chhan chu an President leh Vice President khan Tuithawlh Leidawh a Rs.40,000/- an pumbilh vang te, tin, leidawhna dang pakhat Phaichar leidawhna Rs.30,000/- an pumbilh avang ten a dang kha an lungawilo a ni a, an resign tawh hnuah khan MNF V/C an nih avang khan tun thleng hian dissolve pawh a awm chuang lova. Chutiang khawp chuan ruling party V/C te chuan duhsakna an dawng si a, henglai rorelna tuangtlamlo hi Kristian ram nihna nen a in mawi lova, chuvangin fel zawka siam a, enchian nise tih te kan sawi duh a ni. Pu Speaker, ka lawm e.

**S P E A K E R**

Ruling lam atangin tunge han sawi ang ? Pu Lalthlengliana

**PU LALTHLENGLIANA**

Pu Speaker, ka lawm e. Vawiin hi hun atlem ang reng a, kan Speaker zahawm tak hian remti sela, Minister pathum Deptt. chante hi han wind up te pawh a chakawm rum rum in ka hria a, keini tih chi em a ni lova. Demand No. 19-na ah kal nghal ila kan ram Deptt. hrang hrang han thlir hian tunhma zawng kha chuan LAD hi bawlhhlawhpaih Deptt. ang chauh a ngaih a ni a, ram hmawr, veng kilkhawr deuhah step 5 inch vel rah hleih theih loh te hi a kal ve ngiai ngiai a, chutiang chu LAD in hna alo thawh d an thin a ni a. A Deptt. ten ka tawng an huatthu suh ah, chu chu kan hmuhdan tlangpui a ni. Vawinah chuan namenlovin thil alo danglam ta a, heng han hmuhte hian ram thanna leh than lohna te, tih tak taka ti leh tilo te infrastructure ah hian miten an thlir a, a ruhrel ruangam that leh that loh te an thlir a ni ber a. Hei, tunah hian anni enkawl na hnuaiah Khatla New Capital Complex ah te quarter 91 lai sak a ni te, All India Service Officer quarter unit 18 ngawt mai sak a ni te, Aizawl City Centre tuna ropui taka in din ut mai, la sak zawh si loh han hmuhte khuan mite rilru a hneh em em a

ni. Champhaiah Bungalow bulah shopping center dawr 206 awm theihna, siam a ni a, Kolasib ah shopping center siam tum leh a ni a chutiang vel bawk chu 5.75 crore lai dah a ni. Heti khawp mai a LAD lam atanga hmalakna han kalchho ta mai hi a ropui em em mai a ni. Tichuan, Lunglei leh Champhaiah te, Kolasib te, Lawngtlai te, Mamit te, pavement kawngsirah a hungna nen a chungah checker tile phahin mawi tak taka khawpui timawitu siam a ni a. Aizawl kawthler tinah kan hmu a, Durtlang pang zawng zawng ti khian Bawngkawn nen a inkar a inhung chhuak a, hengte hian khawpui hi a chei em em a ni. Namenlova hetiang Deptt. mipuite hriat hlawh vak lo, hmunphiat hotu emaw kan tih thin kha wawinah chuan thil ropui tak tak tihna a ni. Hei, khawpui hmun pawimawh tak takah High mast te, eng tunhma a Zoram in ala hmuh ngai reng reng loh te pakua lai an dah a, District Headquarter Kolasib ah te pawh dah alo ni ta hial a ni. Amaherawhchu, kan Minister zahawm tak hian duhsak bik District te a nei emaw ni ka bial Mamitah te khuan min dahsak ve thei dawn em tih te pawh hi kan zawt tel duh a, min han tihsak ve hram sela chu kan engte hi rual deuh sela, a thawhdan hi a ropui ta sa sa kan ti deuh a ni.

Tin, Car Parking khawpui motor tawt lutuk kan lo zangkhai theihna turin hmun engemawzatah tunah hian hmun 14 bawr vel thlangchhuah a ni a, chutah chuan 100 lakh bawr 60 - 100 inkar vel hi pekchhuah tum a ni. Tunah phei chuan mi 21 lai thlan chhuah an lo ni ta hial a ni. Chutiangte a lo a wm chhoh leh phei chuan a ropui hle mai dawn a ni. An hnathawh hi mipuite tan a ziaawm ngei ang tih pawh ka ring a ni. Tichuan, hei MDCC kaltlangin khawpui chhunga mirethei awmna bik tih changtlun nan khan vaibelchhe 44 hmuh a ni a, hei hi Kumari Seiza, MOS in tunhnai maiah hian 12<sup>th</sup> April ah Armed Vengah a lungphum a rawn phum dawn a ni. Chutiang te chu Pu Speaker, tuna i veilam leh dinglama thute hian englaimaha kan la hriat ngai loh, development ropui Zoramah hian a thlang zung zung mai a ni a. Hengte han hmuh hian he sorkar fak mai loh hi chu tihtur dang a vang ta a ni. Chuvangin, i veilam a mite pawh hian thahnemngaih thilah khawimawlaia tul an han tih deuh deuh te han sawi mahsela, an sawi pah hian fakna thu hi chu han chhakchhuak thiam ve sela mi ngaihsan an hlawh zual ten ka'n ring a. Engpawh nise, hetiang khawpa hmalakna ropui hi a lawmawm tak meuh meuh in ka hria a ni.

Tin, Home Deptt. ah pawh an dinhmun kan hria a, Police Battalion 3 leh I.R. Battalion 2 Battalion khatah pawh a sang nufa tlangval fel leh fello inkar enkawlte a harsatzia chu Ratu bialtu zahawm tak kha chuan a hre khawpin ka ring a, an lo thawh tawhna a ni a, chung atang chuan kan Police te pawh

kha a rawn fak ve kha a lawmawmin ka hria a, an fakawm a ni. An hnathawhte kan han hmuh hian hengho enkawl harsatzia turte kan ngaihtuah thin a, thenkhat chuan nupui pakhat chauh neiin an uire leh re loh pawh an hre thei lo a ni. Chutihlaila heti zozai tlangval rual nula/tlangval rual tha tak maia an han enkawl a, kum heti karah session te kan han nei a, pahrib/khat fel lohna te kan han sawichhuak chauh te hi chu a ropui lutuk a, mi panga lek tawngtaina pawhin khawpui a chhanhim thei anih chuan heti khawpa mifel rual hian zoram hi an ti thlamuangte pawh a ni reng a, rampawn lamah te tualthah tlanbote an um a, hmun hla tak takah an zuk man a, an hnathawh hi a ropui em em a ni. Vawinah hian ka ngaihdan tak takah phei chuan vanram kai permit hi pe thei ilang chuan pek vek tlat anni in ka hria. Chutiang khawp chuan an hnathawh hi a ropui a ni. Tin, he sorkar hian hlawh nasa takin a tipung a, Home Guard phei kha chu tunhma in hrehawm takin an khawsa a, an retheih dante pawh kha vantlang hriat a ni. Tun sorkar hian an hlawh kha a let tawpin a tipung a ni, chu chu mi zawng zawng hriat a ni, hetiang taka police enkawl na tha kan han nei hi chu a ropui khawp a ni.

Tin, arm chungchangah te ramri huala awm kan ni a, ram ralmuang kan ni kan tih lai hian kan inven a ngai a, police modernisation kan tihah te hian hma thar kan lak zel a, tan kan lak zel a pawimawh a. Chutiang avang chuan modernisation ah te pawh an bungraw neih thar zawng zawng han thlir hian central sorkarah thiam takin an dil a, motor te leh ralthuam tha zawkte an barrack te, an office building te thil pawimawh tunah pawh district hqrs. Tinah police barrack te sak an tum leh mek a ni, a lawmawm em em a ni. Chutianga enkawl na changtlung tak kan Minister in an nei leh chumi rualin a Deptt. a hotuten tan nasa taka an han la a, police hlawhtling leh fak tlak an han ni thei hi a ropui hle a ni. Chuvangin, keini ram hruaitute hi chuan fak tlak hi fak ila, chawimawi tlak hi chawimawi ila chu chuan ram a siam ang a, chu chuan midangte tan pawh hnathawh that chakna thinlungte pawh a awm theiin ka ring a ni.

Tin, PHE ah te han thlir leh ila Demand No. 25-na han kai ila. PHE te khawtin maiah tuilakna tha pek deuh vek a ni a, tlangsang zawk atana tuilak theih loh anihna hmunah te tuizem a inhunga han zin ula khawthlang tlangdungah te han kal ta ula Pu Speaker, ruling party atang hian keimah chauh ka ni tawh dawn a, min lo hrethiam rawh. Tichuan, tuizem kan hmuh theih zawng zawng hi MNF Sorkarin a khawr sak hi a ni vek mai a ni. Chutiang chuan tunah hian Greater Mamit Water Supply Scheme te khatiang khan Lungleiah te, hawn a ni tawh a, ropui takin hmalak a ni zel te, Aizawl khawpui Phase-II tuilakna nasa tak mai a kalpui te an ni ta te hian thla a ti muangin a hlimthlak hle a ni.



A tawp berah chuan Printing & Stationery han sawi ila (Speaker : topic dang kha chu la tawhlo mai ang sentence kha ti tawp la) Printing & Stationery dawrlo Deptt. 14 lai lo la awmte kha a pawl hlein ka hria. Hei hi kan ramin revenue tha a hmuhna tur a niin ka hria a, nichina ka hma a sawitu in a sawi kha private firm neite kha an duhsak kha chu mimal sum siamna mai a ni. Hetiang ang Deptt. in awlsam zawka kan dawr theihna tura siam reng a ni a, heta Pu Liansailova, kan chairman hovin subject committee a hmunah te kan zuk en a, tunhma hun kalta zawng zawnga an bungraw chhe zawng zawngte kha an dahchhuak vek a, tunah chuan an Stationery Supply reng reng kha a tha ber chi vek a ni tawh a ni. Chuvangin, Deptt. zawng zawng hian Govt. Notification awmsa ang hian dawr vek sela chu tahchuan revenue pawh a pung ang a, chuan hma pawh kan sawn ang. Chu chu ka sawi duh a ni, ka lawm e.

**S P E A K E R**

: Pu Saikapthianga kan sawm hma in kan Leader of Opposition zaham takin a rawn tlai tur thu ziakin min rawn hrih a, alo la lang lova. Ani hi Deputy Leader a ni a, minute 10 lo deuh minute 12 hun pe ila a tha ang e.

**PU SAIKAPTHIANGA**

: Pu Speaker, ka lawm e. Hei kan Speaker zahawm tak remruatna avangin ban hma kan tum a ni a. Ka thian tam tak ten an sawive dawn lova a pawl khawp mai a bench hrang hrang atangin. Amaherawhchu, kan zavaia kan remtihna a ni a, chuvang chuan thil lawmawm takah kan ngai mai aniang chu. Pu Speaker, ka hma a member zahawm tak tak ten an sawi ang khan sawi tur a tam a, detail takin eng demand mah hi ka sawi hman dawn lova. Chuvang chuan, kan ngaih pawimawh zual tak takte ka han sawi dawn a ni a, wind up na-ah pawh Pu Speaker, hun an nei rei biklo turah kan ngai a, kan sawite hi min ngaih pawimawh sak sela.

Pu Speaker, Demand No. 16-na Home ah hian kan lut hmasa ber mai ang a. Kan Home Deptt. hnathawh leh ze zia-ah hian he sorkar a lo din tirh atanga tun thleng hian hmin theih reng reng lohna chhan ka nei a. House-ah hian starred question in ka zawt tawh a, chhanna mumal tak a awm thei lova, 'kan ti mek e' tih a ni mai a. Chu chu Suangpuilawn biala

inrukbona hi a ni. Hei hian kan ram hi a ti hmelchhe em em main ka hria a, mipui pawhin hriat nei si, mipui hriattir duh si lovah min ngai a ni. MNF Party mai pawh nilo, a sorkar mai pawh nilo, zoram kristian 100% hi he thilin min tuam hi a pawh ka ti a. Chuvang chuan vawin niah pawh hian engnge ni a kalzel dan kha aw, zawh pahin kan sawi duh a, tih duhloh nei tlat, tih diklo chhui duhlo tlat, hnam leh sorkar neiah hiah min min puh a ni. State hrang hrang a mi politician kan han kawm phak ve te Journalist kan tih ang chi chanchinbu mite leh service hrang hrang a mi te pawhin a hnam anga kan mualphonaah min ngaihsakin ka hria. Chuvang chuan, khatiang ang Mamit bialtu zahawm takin a sawi ang khan Mizorama tuilet hnua la awm ngai reng renglo, MLA Candidate a huhova rukbona chhui theilo sorkar nih leh hnam nih ni mualphothlak ka ti a, Pu Speaker, thuhmaah kan sawi duh a ni.

Pu Speaker, kan police-te hi House zahawm takah hian ka sawi thin a, India ramah hian a tha ber an nih loh pawhin a tha berte zinga mi an ni ka ti thin a ni. Ruling kan nih lai pawhin ka ti a, vawinah pawh hian ka la ti thova. Amaherawhchu, kan enkawldan erawh hi chu a dik ta lo an tih erawh hi chu he House zahawm takah hian ka sawi duh a ni. Home Deptt. a bik takin kan Police-te hi India ram state hrang hrang a te loh central sorkar ah te pawh a pawimawh te em em mai a, India ram mai pawh ni lo, khawvel pumpuih hian police te dan leh tupek kengkawhtute hi an pawimawh em em in ka hria a, state ram takah chuan Chief Secretary ai hian Home Secretary hi an pawimawh ta zawk emaw tih tur a ni. Chutiang bawkin Deptt. Head zawng zawngah police lalte hi ngaih pawimawh an hiawh a ni. Chu chu engvang nge kan tih chuan khawvelah sualna crimes hi nasa takin a pung a, nasa takin ramin harsatna a tawh phah a, chuta thu neitu leh mawhphurtu deptt. an nih vang a ni, an rinawm pawh a ngai a, an hnathawhah pawh hian langtlang mipui rin an nih a ngai a ni. Chuvang chuan vawina kan enkawl tak dan a hi chu zawhna leh chhannaah khan 220 police lak te kha sawi a ni a. Tin, Phuldungsei bialtu zahawm tak khan a rawn sawi tawh a, Khawzawla Rabung tlangval thih thu te, hmanni lawka Serchhip tlangval kut tawh thu te leh thildang tam tak hi mipuiin an hriat si, sorkarin a puanchhuah si loh, mipuiin an puanchhuah chu thu taka pawm si loh hi a tam a ni. Hei, Western Belt ah kan awm a, Bangladesh atanga thil lokal thinte mipuiin an hmu reng a, chutiang chu kan police deptt. te hmachhawn tur niawm tak, hmachhawn si loh hi a tam em em ta mai a ni. State ralmuang ber kan ni kan ti a, a lawmawm. Amaherawhchu, min rawn nektu apiangin an duh anga min nek theih zel a vanga vawin niah hian Mizoram hi ram ralmuang kan ni mai ni hian a hriat tlat a ni. Chuvang chuan kan tih tur hi kan tilo

nasa lutuk tawh a chu chu engvat ngaw? Vawinah hian kan Police force te hi an hniam ta emaw an dawih ta emaw, an tha talo lam a nilo, a enkawltu lam atangin a dik tawh lova, an mamawh reng reng loh vaibelchhe bi man kan lei a, sorkar hmasa NDA kan hrawn lai kha chuan ka hrethiam khawp mai, police modernisation ah te pawh barhluih, helaia kan Home Ministry leh kan Home Minister ngeite pawh anni ang, chungtena an mamawh an tih lemloh te pawh an rawn pe ni hian ka hria a, ka chhut ve danin. Amaherawh chu, UPA Sorkar lo din tawh hnuah chutiang ang awm tawh lova kan hriat hnuah pawh Police Deptt. hlauhawm ber ni a kan ngaihin a kel pal anti emaw ni lei leh teuh mai te hi chu dik ka ti lo a ni. Chuvang chuan, vawin niah hian kan Home Minister zahawm tak pawh hi ka ngen duh chu, kan police te hi India rama police tha ber a siam hi a harsa lova, chumi ti tur chuan tan tlem la sela, thil dik tak hian kaihruai sela kan police te hi India ramah hian police tha berah kan siam ang a, chu chu he hnam leh he ram tan hian thil ropui tak a ni dawn a ni.

Pu Speaker, sawi tur atam kan tih ang deuh khan a hran hran han chuklawr zel ila. Land Revenue Deptt. ah hian tawite chawh tak tak. Hmanni ah khar zawl na ka zawt a, central jail land lease chhangah mimal in hmun pek a awm em? tih ka zawt a, 'awmlo' ti a chhan a ni a. Kha kha chhanna diklo a ni tih Minister zahawm tak hi ka hrilli duh a, an pass number te, hming te nen min rawn pe vek a, mahse helaiah phawrh loh pawhin kan Minister zahawm takin lo en tha leh sela, kha chhanna kha siam that ni sela, a chhan chu duhsak bik, a thei bik hian kan ramah hian kan thei ta lutuka, chutiang ang chiah chuan Khawzawl bialtu zahawm takina a rawn sawi Zonuam pawh kha hei kan ri Zotlang nena inri mai a ni a, kan hrechiang hle a ni. In salo theuh theuh an ni a, in salo theuh theuh kha an cancel sak dawn anih chuan police officer lai tak plot tam tak nei cancel sak lova, helai a rethei te te bik cancel sakte kha a diklo a ni, thei bik leh theilo bik hi kan ramah a inthlah lutuk chuan theilo bik ni a in hriate hian theih bik ve dan an zawng mai ang. Chu chu kan ram hian ala tuar dawn a ni tih hi vawin niah hian alang reng tawh a ni. Thiltitheih leh theilo kan inthlah lutuk chuan pawisate pawh hi hmutheih lutuk bik leh hmu theilo bik lutuk kan awm chuan hmutheilo bik lutuk ho hian hmuh theih dan an zawn ve chuan ram tan hian harsatna a thleng thin a ni. Chuvang chuan zonuam nichina Khawzawl bialtu zahawm takina a rawn sawipui timai ila a rawn sawi kha enthat leh hram ni sela, mi harsa leh mi chhumchhiate an hlim zawk ang a, tin, an duhsak atan pawh khan channa a awm chuanglo, a chan ngai kha a chang tho tho dawn a ni. Chuvang chuan, mihausa leh thiltitheih tena an chan ve theih hrulah hian mi harsa zawk tena an chan ve tur bo lo zawng hian a tih theihna ka hmu a, chu chu kan sawilang leh duh a ni.

Demand No. 19-naah han lut leh ila Local Administration Deptt. chungchangah hian ka vui deuh a, LIC hi Chief Secretary P.S. kan ti nge ni P.A. an tih ten a sawmthum chuang, sawmli dawn an pek theih laia opposition MLA tena 2, 3 te kan han recommend-te ina an han changlo hi chu na ka ti deuh a, House-ah hian kan sawi duh a ni. Chief Secretary P.A. tepawh kan tluk talo anih chuan kan rama politician nih a, ram leh hnam vei hi a buaithlak dawn mange tihte ka ngaihtuah a, a chhan chu hengho hian kan officer lian te, kan minister tepawh aniang, a belbultu ho hian thil an tithei lutuk tawh a, Bawnggek supply te nen lam an thawk tawh a. Chuvang chuan, kan sorkar hian enfiah deuh tur hi chu kan nei, kan duh chin kan va tih hian thildang kan ngaihtuah ta lo reng reng em ni tih mai tur a ni.

Tin, District Council chungchangah tlem sawi ka duh a Pu Speaker, kan District council sawisak dan hi, kan Governor chungchang kan sawi pawh khan ka sawi a, zankhat thil thuah te dan thar te kan siam a, kan sorkar anih chuan kan ngaihsaklo ti mai ila, an duh duh a tal kan phalsak emaw tih mai tur a ni. Niminah Saiha-ah Student Organization chi hrang hrangin District Council in a zirtirtu hna tam tak an lak, hlawh an pek theih si loh, duhloh entirnan agitation an siam a, an CEM leh District Council Sercretay buaina a awm dawn tih an hriat avangin office an kal hma a, zirlaiten nilengin an dang beta tlaiah police in an chhanchhuak hram a, vawiin niah pawh hian an la tizel niawm a ni. Chungte chu helam atanga kan enkawl dikloh vang, kan va duhsak lutuk vang a ni a, tunah pawh District Council an inthlang dawn a, hman a kan va campaign ho ang te, hmana district council kan form dawn ang te a kan tih leh kha chuan a fello ngawt ang. Dan pangngai a awm a, kalphung a awm a, practice timai ila democracy kalphung a awm a, chutiang chuan kan kal hram hram hi a tha ngawt ang tih ka ring a. Chutiangte chu vawii niah hian kan sawi duh a, Village Council chungchangah kan thian ten an rawn sawi tawh a, ka zawhna alo la chhuak lova, Nghalchawm ah khuan V/C pathum, member pathum an awm a, pahnih an ban pawhin V/C kha an thiat duh chuanglo, member awmchhun khan ro a rel ngar ngar mai a, zawhnaah min rawn chhang ang a, kan hriatdan zawng zawng pawh hi a dik veklo ve thei thova, a tam zawk ban chuan thiah tawh mai awm, thenkhatah chuan pakhat a ban pawn kan thiat titih mai zel si a. chuvang chuan kan democracy lungphum hi a nghing nasa em em a democracy lungphum ber a nghin tawh chuan adang zawng zawng hi a nghing vek a ni. Dan leh thupek kenkawhna chungchangte, development kan tih leh kan inenkawlna chungchang hi democracy ramah democracy lungphum a innghat vek a ni a, chumi bera chu a nghin ~~tawh chuan kan ram hian ala tuar dawn a, he hnam hian ala tuar dawn a~~ ni tih hi Pu Speaker, ka sawi duh a.

Fisheries chungchangah point pakhat chiah. Mizo mipui ten theihtawp kan chhuah a, kan thar ve a ni. Chu kan thar ai chuan ramdang atanga Sangha lokal a lai tlat hi a diklo hrim hrim, hei hi chu kan Chief Minister pawhin, kan Fisheries Minister mai ni lovin a ngaihtuah takzet a ngai. Tun atanga reilote-ah hetiang a kal zel anih chuan Mizo Sangha thartute hian phailama Sangha thar dawr a mi hi an la paihdarh ang a, Mizoram a mi hi an la dal ang. Chuvang chuan, a siamfel dan tur emaw, an tana hmun emaw siam hi kan ram leh hnam leh kan hnathawktute tan a pawimawh hle a ni tih kan sawi duh a ni. Pu Speaker, hun min pek avangin ka lawm e. Hun a tawi si a, kan Minister ten an rawn wind up hunah a fiahlo laite tlem tlem zawh min phalsak turah kan ngai baw e, ka lawm e.

**S P E A K E R**

Vawiinah Demand for Grant kan sawi hona chu tawlo chungin tawkrin mai se. Kan Minister-te wind-up turin ilo sawm dawn ila. Banghma tura remruatna kan siam chhan hi an wind-up laiin han hrereng sela. Tunlai chuan fiah si, tawi fel taka thusawi hi thusawi thiam kan tih kha maw. A hmasa berin kan Minister zahawm tak Pu Tawnlulia kan sawiho nate wind-up a, pass rawn dil nghal turin ilo sawm ang.

**PU TAWNLU LIA  
MINISTER**

Pu Speaker, ka lawm e. Vawiinah lungrual takin he House-ah Minister pathum tena Demand kan han pharh, a bikin keima demand Deptt. pathum ten sawi an hlawh hle a, a sawitu zawng zawng hnenah lawmthu kan sawiin, a constructive zawng hlira thusawina kan ngaihthlak avangin lawmawm ka ti a. Pu Speaker, tuntum kan session hi lawmawm ka ti a, keimahni member tinte kan hawiher reng reng hma kan sawn hle in ka hria a, a lawmawm ka ti takzet a ni. He House-ah hian ngaihndan tam tak karah thu kan inchuhna chin a awm a, kan inhnial ni lovin kan debate niin ka hria a, chumi spirit chuan kan kal thin niin ka hria a, lawmawm ka ti takzet zet a. Vawiin tlaia hetiang remruatna fel tak awm pawh hi tha ka ti takzet a, ka sawichhuah ngamloh member ten rawtna in rawn siam a, Speaker-in arrangement an siam a, zaninah inkhawm thei tur ang anga hetiang hun kan nei hi ka lawmthu kan sawi hmasa duh a ni.

Ka Deptt. chan pakhat DP & AR ah khan tawite han sawi ka duh chu - DP & AR ah hian kan hnathawktute khawimaw laia han buk deuh leh khawimaw laia han thawl deuh siamrem ngarte hi chu Financial Year tharah hian hmachhawpah kan nei a ni tih kha tawite in ka chhanna nise.

Tin, Right to Information Rules kha tunah hian kan hlamchhiah hauh lova. Mahse, Central atangin engemaw quideline leh thu lokal tur nghah a ngaih ve thin avangin kan duh angin thil a tih zung zung theih loh a ni tih kha kan sawi leh duh a.

Tin, ATI a training hi kan theih ang tawkin kan uar khawp mai a. Administrative Training Institute hian building kan nei lova, he institute building tur hi Khatla, New Capital Complex-ah sawn crore 8 leh nuai 90 man sak zawh tep a ni a, 5<sup>th</sup> August ah chuan kan zo thei turah kan ngai a. Chumi kan zawh hun chuan training pawh hi tha zawk leh famkim zawkin kan tih theih kan in beisei ve em em a. Deptt. te takte anga lang nimahse kan hnathawktute training tir tu ber an ni a, training hi kum khatah hian a inzawm patin kan nei a, a awl ngai reng renglo a ni. Kuminah pawh hian training course 35, officer 250 leh officer lo 490, mi 740 zet kan training tir ve a ni tih kha kan sawi lawk duh a.

Tin, capacity building tih hi central ah Planning Commission in min ngaih pawimawh pui a, crore 3 kum 2005-2006 atan hian min sanction sak a, chu chuan thui tak min pui theiin kan ring a. Helamah hian hma kan sawn belh theih ngei kan ring a, chumi bakah tunah hian Indian Institute of Public Administration, New Delhi ah khuan kan MCS Officer 32 te training turin min remtih sak a, kan lawm khawp a ni. Indian Public Administration ah chutiang chuan kan zuk training tan thei dawn niin kan hria a, kan lawm khawp mai.

Tin, Disaster Management Cell kan neih hi tihlen a ngaiin kan hria a. Chuvangin, Disaster Management Cell hi full fledged Disaster Management Centre-ah siam puitlin kan tum bawk a ni tih kha kan sawi duh a ni.

Tin, Assured Career Progression Scheme hi kan kengkawh chho a, he scheme hi group hrang hrang B,C & D ah hian beneficiaries hemi chhawrbawktute hi an awm a, ACP tih awmzia chu Promotion-na, appointment an neih tirh atanga promotion hlei thei lova a in hnawhtawt te leh promotion venue nei lo te han siamremna a ni a. He scheme hi kan hmanga, mi 7000 chuvingin an benefit in kan hria a, kan sorkar hnathawkte tan hei hi thil chhenfakawm tak niin kan hre bawk a ni.

Tin, tun kum 4/5 chhunga Recruitment Rules tih puitlin leh a hranpa a kan han siamte hi hetiang hian ka han sawilang duh a, Group 'A'-29, Group 'B'-32, Group 'C'-24, Group 'D'-2, Service Rules-15. Heti zat hi R.R. leh Service Rules tun kum 4/5 chhunga amendment nena kan han siamfette an ni a, hei hian min pui hle in kan hre bawk a ni. DP & AR lam chu kan duhtawk hrih mai ang e.

Tin, Pu Speaker, PHE in tui intur thianghlim pe tura kan hmalakna hrang hrangte hi han sawi vek a chakawm rualin, tuntum kan session-ah hian Governor Address Discussion nikhat leh Finance Minister Speech General Discussion ni hnih kan nei a, nithum kan sawi tawh a, chutah chuan Deptt. hrang hrang pawh kan sawi chipchiar hlawm hle tawha a lan avangin tunah hian thil han sawi chipchiar pawh ngaiin ka hre tawh lova. Mahse, kan member tena an han sawilan pawimawh zual chauh han re-act ila ka ti a ni.

Tin, Member zahawm tak Pu Andrewa'n Serchhipa hmeithai pakhat tunhnaia water metre an vuah ni si, metre angin tui bill an siam a tih kha Deptt. in an lo hriatsual palh a ni a, vawinah S.E. in a han zawt Chiang tawh a, hemi kan vuah thar zing a mi an lo ni a, pahnih emaw, pathum emaw an ni a. Khang kha chu pawisa pek a lo awm tawh anih pawhin a pumpui a hman tan tur kan tih atangin adjustment siam turin kan lo ti e, tih kha kan sawi duh a.

Tin, Phase-II chungchangah khan Contractor-in revise Estimate atan crore 70 chuang zet a estimate a, Deptt. chuan crore 50 zet a ni a. Hetah hian Deptt. lamah Minister tang rawh se tih kha a ni bawk lah tak a, tunah hei hi kan hmabak a ni a, kan hriat theuh angin revised estimate kha crore 113.47 a ni a, chu chu Urban Ministry khan min pawmsak tawh a, DONER in an han lak khan min han ennawn sak leh a. Chulaiah chuan engemaw sawi an ngai ta a, tunah hian DONER in a zirchiang ta viau a, nimin thleng khan DONER Secretary leh kan Secretary te pawh phone in an in bia a, tunah hian R.E crore 113 chiah chiah lo deuh chuan an final theih mai pawh kan ring a, khalai kha a estimate chungchanga ka chhanna ni sela.

Tin, kan Member zahawm takin a han point out Contractor price crore 70 chuang a ni a, Deptt. proposal kha crore 50 a ni a, a difference atam si, helai hi thahnemngaih a ngai takzet zet a. Delhi lamin kan R.E Amount tur min siamfel sak rual rual in helai hi chu la in negotiate tur a ni a. Tunah hian la tihfel loh, la siamrem tur a ni e, tih kha kan sawi duh a ni.

Tin, Water Meter chungchang kha kan sawi duh a. Water Meter hi tunah hian kan vuah kal mek zel tih kha hmannah kan sawi tawh a. Engemaw defective awm thei deuh chu kan en mek zel a, kan sawi ang khan implementation tak tak chu nakinah muangchang deuh hlekin kan ti dawn a. Chumi rual chuan enfiah ngai zawk zawng chu lo enzel turah pawh kan inngai bawh a ni. Tin, Pu Speaker, tuilak chungchangah hian kan sorkarin mizoram mipuite khatin hi angkhat veka en in, ruling/opposition bial zawngte pawhin sawi dawn ta ila PHE Deptt. hi chuan a hrut rual vek a, ruling leh ruling lo zawngin khua hi a en reng renglo ani tih kha kan sawi hmasa duh phawt a. Entirnan - Saitual bial chu kan term hmasa khan khawtin deuhthawah tuilak hi a awmsa pawh kan tihbelh deuh veka, tin, Sihfa khua a tui la thleng ngai reng renglo ah pawh kan la thleng a. Tin, tunah pawh hian Buhban ah scheme kan nei mek a, an thawk mek a ni. Tunah Kawnpui bialah tepawh Greater Kawnpui Water Supply Scheme pawh khu kumin chho-ah hi chuan Pathian zarah kan commission hman loh pawhin trial stage ah chuan kan vawrh chho dawnin kan hria a ni. Tin, Thingthelh te, Serkhan te tunah hian tanky kan siam dawn mek a ni. Chuvangin, he Deptt. hi chuan tupawh inang khat vekin a en a ni tih kha kan sawilang duh a. Kawrthah tan pawh khan tun financial year ral mekah hian nuai 30 kan dah a, kumin April thla atanga pawisa kum lo thar turah pawh hian kan bawhzui ngei ngei turah kan ngai a. Hei, Mamit pawh hi tunah chuan kan thawk mawlh mawlh a, tiang chuan theihtawp kan chhuah a, Lungpho bialah pawh hma kan la nasa a, Khawhai bial lampang khan kan khawhar deuh anti a, khilam khi a har khawp mai a, tlangdung khi a sang lutuk a, tui gravitation a lak tur khi a awm mang lova. Chuvang chuan tunah hian Tlangpui khua-ah pawh khian Tlangpuite ram a mi khi kan pawthla dawn a, tanky te pawh kan siam dawn mek a. Khawhai Dil pawh khi khuah tur angin kan ruahman mek a, khi khi engchen nge a feed theih ang kan hre lova.

Tin, Tuipui pump-te khi khilai tlangdung tan khian kan scheme mek a ni a. Chuvang chuan kan zavai hian he Deptt. hian a bil ang pawh hian han sawi ta ila min huapa, hna a thawk mawlh mawlh tih kha tawite a ka han sawiduh pakhat a ni.

Tin, Pu Speaker, PHE ah hian tuilak chang nilo hi Sanitation invawn thianghlim leh hriselna lamah pawh hma kan la ve hle a, nichina kan ngaihthlak tawh ang khan BPL Family tan Ekin an siamna turin Mamit District leh Saiha, Mara District-ah chuan implement tan ani tawh a. District tinah hian DC hovin Committee siam a ni a, chutah chuan BPL kha cover turin Ekin pek kan tum bawh a ni. Chuvang chuan, tui intur bakah khatiang



zawng pawh khan hma kan la ve a ni. Tin, chubakah chuan Tuiverh kan ti mai a, leiverh a, handpump-a han verh chhuah ang chi hi kan uar hle mai a, hei hi tangkai pawh kan ti a. Khawlte deuh, meter te deuh a han phurh theih pawh kan nei ve tawh a, chu chu thingtlang hmun kilkhawr zawkah pawh theih ang angin kan verh ve zel ani a, khatiang khan theihtawp kan lo chhuah ve zel ani tih kha kan sawi duh a ni.

Tin, chulo lelah chuan PHE-ah hianin Pu Speaker, kan target ber chu India ram pumpuia tehfung a awm a, chu chu mi pakhatin nitin tui 40 litres ang hmuh/dawn a ni a, tiang hian hma kan la a, kan Deptt. chhiarna ang chuan Mizoram-ah hian habitation leh village hi 911 a awm a, chu chu 1993 a Central Rural Development Ministry te leh heta PHE Deptt. te survey-ina an record-na ang a ni a. PHE hi chuan hemi 911 hi kan cover a, Ratu bialtu zahawm takin keini bialah khian village recognized siloh, a taka village awm kan awm a tih kha a dik a ni. Heng 911 ah hian tello deuhthe pawh an awm hman ve tho a ni. Engpawh nise, kan sawi duha chu tunah hian kan dinhmun hnunung berah chuan tui litres 40 mi pakhat hisap a, khatiang nei khua kha 600 zet hi chu awm tawhin kan hria a, churang chuan khaw 300 chuang zet zawt chu chutiang chuan tui la nei phaloah kan ngai a. Amaherawhchu, hei pawh hi kum khatah tuihna a kang thut a, thal alo rei a khatiang avang khan 40 litres nei a kan ngaiha pawh kha alo tlakhniam chang a lo awm thin a ni. Tunah hian keimahni statistics ah chuanin khaw 600 vel hi chuan nikhata 40 litres mi pakhatina dawng ang hian kan achieved tawh a ni e, tih kha kan chhutna ah a awm bawk a, a lawmawm kan ti viau a. Hei hi hma kan lak chhohna tur zelah pawh tan min lak tirtu ropui tak a ni ang tih kan ring chho a ni.

Tin, tuilak hna kan thawh rual rual hian Aizawl khawpuiah hian lind drain tepawh kan siam a. Tunah hian link drain hi LAD lampang, Urban Ministry atanga sum lokal hian NBCC te hmang hian engemaw zat chu an siam a, PHE pawhin kan hma tel hi a awm a, Aizawl khawpuiah hian link drain hi 8 1/2 km a sei (zawm vekin) kan siam ve tawh a, kumin chu central-in pawisa an la rawn released lova, hei ni tlemte chauh a awm tawh a, kan nei hman dawnlo em ni chu aw, kan ti a. Kha kha helai khawpuia kan rilru-in a nghahhlelh em em thil pakhat kan sawifiah leh nisela.

Tin, Khawhai bialtu zahawm tak khanin Champhai Neihdawn kai chungchang kha a rawn sawi a. Hei hi han sawifiah lawk tha in ka hria a. Champhai Water Supply Scheme khi DONER atangin tunah khian thawh chhoh mek a ni a, kan scheme ah, fur-ah khian khimi Tuipui nu bulh bulh khi thlakna turin filter a thlitfim ngailo in. Fal hri atang khian gravitation in tuidawt na kan khawl a hahdam phah bakah, senso tlem zawk leh awlsam zawkin tui thianghlim kan nei thei ang tiin Fal Lui tuilakna tur scheme kan siam a. Chuta tan chuan Central Sponsored Scheme atangin nuai 57 kan nei a, an thawk mawlh mawlh a, tuna Champhai tuilakna tur atana kan dawtna chhaklam a ni tur zawk atan khian a ni a. A tanky pawh khimi hmuna awmtur bawh khi a ni a. Kan Member zahawm takin kan kal atihna a thlanglamah kha chuan a ni awzawnglo, Fal Lui hi chu hei kan Chief Minister pawhin a ramvahna thin a ni a, kan hrechiang ve khawp mai. Chuvang chuan Fur-ah hetah chang nilo Tlawng-ah pawh khuan Reiek lam a mi thlitfim ngai lovin tui tam zawk kan nei thei ang tih hisap in Vaipuanpho lui lak kan tum a, chutiang bawh chuan Champhai-ah hian ruahmanna a awm a ni.

**PU LALRINLIANA SAILO :**

Pu Speaker, ngawi rawh, Neihdawn kai tih khan nuai 57 kha tuna DONER atanga rawn tih ni lovin tihna em ni ? Khalai chiah kha ka chianglo. DONER chuan a hranpa in a bul lawk atangin hma a la ve si a, (DONER chuanin an pawm lova, chuvang chuanin a hranpa in tul kan ti si a, kan zep a ni). Chu chu khawilayah chiah khian nge anih ? Neihdawn kajah khian kan kal a, thla kan la a, a chhan chu hei hi Neihdawn kai a ni bawh si a, chulai chu khawilai chiah nge ? kan kal reng si a, a diklo chu kan zawng zel dawn a nia.

**PU TAWNLUIA  
MINISTER**

Pu Speaker, khilai chu a in hnaivai vek a, a hminglar deuh leh han koh-na remah tihmai a ni. Pu Speaker, hei hi chu Central Sponsored Scheme a ni. Hei hi DONER in an pawm loh avangin CSS lam atangin thawh a ni. Pu Speaker, tikhian kan duhtawk leh phawt ang a.

Home kha kan Member sawitu zawng zawngte khan an rawn sawi a, kan ngai pawimawh hlawm hle a. Kan thanhemngaihna em em 'kan Police-te number one ah i siam ang' tih kha tih kan tum mek tuna kan thawh mawlh mawlhhte min rawn tawiawm hle in ka hria a, a lawmawm ka ti takzet zet a ni. Tunah hian kan police te tih changtlun nan POLNET siam mek a ni a, chu chu India ram pumpuia Police Station tinte inbiakpawhna iti mai ang a tawi zawngin, chu chu tunah hianin kan nei tan a, hemi hi kan Police Station zawng zawnga kan bun fel chuan India ram khawilai nen pawh khan Police Station hi direct in kan in contact thei tawh dawn a, heng hi Home Ministry khuan an ngai pawimawh em em a, hmanni-ah pawh an Joint Secretary pakhat chuan 'khingte khi rawn enfiah pawh kan duh a' tiin an ngaih pawimawh thu kan Chief Secretary hnenah pawh chutiang chuan a rawn sawi a ni.

Tin, State Crime Record Bureau an ti a, India ram pumpuia crime report dan form inang vek a record theihna tur atan khan nasa takin hma lak a ni a chutiang chu tunah hian an din chho mek bawk a ni. Chutiang chu tunhma a kan neih ngai loh a ni a, hma kan sawn tha em em a ni.

Tin, W/T Wireless Communication ah pawh modernisation atang hian tam tak a kind in kan hmu a, chubakah a equipment leh apparatus te leh a set te pawhin lei a ni a. Tunah hianin wireless set chi hrang hrang kan neih hi sangkhat chuang zet zawt chu a ni ang a, chutiang chuan a hlui deuh a chu kan dispose thei ve a, kan lawm khawp a ni.

Tin, Forensic Science kha Kawnpui bialtu zahawm tak khan a rawn ngai pawimawh hle a, a lawmawm ka ti a. Hei hi crime detection atan a pawimawh em em a, churang chuan keini pawhin hmannah Asst. Director post pathum creation phalna kan la tawh a, tunah hian kan ti changtlung chho mek a, tunah hian division li in kan siam tawh a, heng division a cell hrang hrangte hi kan sawi lawk ang a, chungte chu - Chemistry Division, Document Division, Bolistic and Tool mark Division, finger print Division te an ni a. Khangah khan a thawktu an awm thliah thliah a, hei hi tihpuisui chhoh zel kan tum a. Tin, modernization atangin Khatla New Capital Complex tharah sawn a building sakna tur pawh hi min pe a, a sak hna hi kumtharah hi chuan kan tan theih pawh kan in beisei ve a ni.

Tin, Police Deptt. ah tun kum 4/5 chhungin zahnih chuang employment through loh a appointment a awm tih a kha. Ni e, kan chhannaah khan thudik takin kan rawn tarlang mai a, hei hi kan hriatthiam pawh a tha hle in kan hria a, Mizoram Sorkar chuanin pawisa renchem leh harsatna avangte in new recruitment hi a control a, 1994 ah order siam a ni a, 1996 ah ziah leh a ni. Tichuan, keini mipui duhsaknain kan lo sorkar ve a, keini pawhin kha kha chhunzawmin kan tinung chho ve leh a, chumi zulzui chuan kan kal lain Deptt. tamtakah hian recruitment hi chu zawi zawiin tlem tlem chuan kan ti hret hret a, a ruak apiang hnawh khah zung zung loh a ni a. Amaherawhchu, police bikah chuan security a lo ni a, kan hriat theuh angin mamawh dan a nasa zual a, entirman - mi pathum duty-na turah pakhat a awm loh chuan a awl a ni mai a, kan clerk-te chu UDC pathum ni ta sela pahnih awm ta lose, pakhat pawh khan nikhat chu ka lo kep mai, teh ang a tih theih viau a ni. Police duty erawh chu man to man a engkim mai kha tih vek mai a ngaih avangin Vacancy kan neih tam luat chuan an indaihlohna a nasa a, chu chuan efficiency a pawthniam thin a. Chuvang chuan khawimaw laiah hmanhmawh deuh a han tih changte a awm thin a. Hei hi sorkar kalphung pangngaiyah khawi sorkarah pawh tlem tlem hi chuan a kal tih tuma hai rual a ni lova. Chuvang chuan keini pawn khang thil awm a kha kan zep a ni awzawng lova, tulna leh pawimawhna avang zawk erawh chuan khang kha kan lo ti a ni e, tjin House-ah pawh hian ka han sawi duh a ni.

Tin, lehlamah chuan Police Deptt. a Inspector chin hnuailam hi chu DGP or IGP in hemi Assam Police Manual kan hmandan hrang hrang hmang hian a tul zuala appointment tih theihna kha chu thuneihna a awm a ni. Engpawh niselangin, tunah hianin appointment chungchangah chuan kan hun kalta kum 4/5 chhung khan in Police Deptt. ah hian kan tlangval leh nula te mi sangkhat zathum zet chuan appointment an nei a, a lawmawm kan ti a ni.

**PU R. LALZIRLIANA**

Pu Speaker, khawngaihin DGP em pawh thleng lova appointment an lo siam vak thin a kha a nia kan han sawi deuh ber a kha. Khalai kha nangmahni Officer tha tak tak zingah pawh hianin inthikna diklo a chhuak thei a ni.

**PU TAWNLUIA  
MINISTER**

Pu Speaker, keini pawhin kan lo enchiang ang e. Chutiangte chu kan lo enchian tur ngei ngeiah kan ngai e. Tin, Pu Speaker, kan Police te ration money tih te, clothing allowance tih te, an post upgradation chungchang te, TA/DA tih te hi kan ngaihtuah khawp mai a. Tun Financial Year tawp dawn khan kan Police Headquarter pawhin engkim an han chhut a, hun a lo rei tawh a, thil a lo in bukthuah thui hle tawh a. Chuvang chuan kan TA/DA te, kan vehicle repair bill te a lo sang tawh khawp mai a, nuai 600 chumi zawng zawng atan chuan kan mamawh e, tih Police Headquarter pawhin an rawn chhut chhuah dan a ni a. Finance ah pawh hei hi chu min clear sak vat teh u kan ti a. Amaherawhchu, hmanna sorkar hnathawkte DA han pek thar turah khan engemaw zat kha keimahni salary saving tur kan tihah khan a kal a lo ngai leh ta a, chuti chung chuan hmannaiah khan Finance atangin hemi TA/DA atan hian nuai 40 chu min pe a ni.

Tin, motor vehicle bill clearance atan nuai 30 min pe bawh a, hemi hi Chief Minister pawhin a hria a, a ngai pawimawh em em a, tunah chuan hun a bichilh tawh lutuk deuh hlek a. Engpawhnise, kan hnathawktuten an TA an hmulo rei lutuk hi chu a endan pawh kan ngaihtuah a tul ang a ti a. Tunah pawh hian finance ah hian tun thla tawp hma in tihdan hram a la awm em tiin kan bawhzui ve tang tang a. Helai hi kan member tam takte khan in ngaih pawimawh thu in rawn sawi kha a lawmawm ka ti a, keini pawhin khalam kha chu kan lo bawhzui zel ang a.

Tin, Fire Service a hnamdang mi promotion tur pahnih tih kha - Recruitment Rules a awm a, tunhma an mahni khatiang a recruit an nih tirh laia dan kan neih kha hman a ngai that a. Chutah chuan anni kha matric pass lo anni na in a awmchhun a te an lo ni ta a, chutah chuan Deptt. in sorkarah DP & AR ah relaxation kan dil a, rules relaxation pawh kan hmu a. Amaherawhchu, appointment leh thildang kha chu a lokal lova service hi a mak khawpa wawiinah mi senior pui pui pawh awm mahselangin a vacancy year atanga han chhut a khang tel hleih theih mangloh a te kha a lo awm ve fo mai a, chulai thil chu a ni e, tih kha wawiinah kan hirihfiah duh bawh a ni.

Tin, heng Head Constable leh Constable upgradation tih pawh hi vawikhat chu Deptt. in Home atangin DP & AR thlengin kan move tawh a, DP & AR atangin min regret a, amaherawhchu Chief Minister in a thawm a lo hria a, he thu hi min sawipui a, file rawn move leh teh a ti a, kan move leh a, finance ah tunah hian a awm mek a, ni tih kha kan sawi duh a ni.

Tin, Pu Speaker, Police Manual hi tunah hian kan peih tawh a, DP & AR in an enfel tawh a, Law in an vet fel vek tawh a, khatiang khan an coordination a tha em em a, tunah hian a chhah em avangin chhutna hun kha a duh rei khawp a, vawinah hianin han lek va va pawh kan chak tawh khawp a. Mahse, kan la chhu peih hman lova chu chu kan dinhmun a ni a. Hei hi hman thuai thuai kan nghakhlel a. Tin, Law lam te pawh kan hen entir in engmah Assembly a putluh emaw, lay ngai tur chi pawh a ni lova tih kha min advise dan a ni a. Hei hi reiloteah chuan kan chhu zo mai ang a, kan implement theih thuai tawh kan beisei a ni tih kha kan sawi duh a ni.

Awle, Pu Speaker, sawi tur dang tam tak pawh a awm a, kan hotute han sawi tam tak a kha chu kan sawichin khan a cover mai khan ka hria a. Chuvangin, Pu Speaker ka duhtawk dawn tawh ang a, chumi hma in, Home Guard te hlawh iti mai ang, an hlawh tihpun tepawh kha rawtna a awm a, House-ah pawh kan zir ngun hle tawh a, Home Guard te hlawh hi 1999 a kan tihpun kha a ni a, Rs. 1,500 atangin Rs. 3,000 ah thlakhat zel atan kan tipung chho a. Tunah hian engtingge ni ang kan ti a, rawtna a lo kal thin a, Home Guard hotute hnen lam atang pawhin rawtna kan hmu thin a ni.

**PU R. LALZIRLIANA** : Pu Speaker, mi pakua lai pay lo draw thin ni a kan sawite kha i enzui thei dawn em ?

**PU TAWNLUIA MINISTER** Pu Speaker, Mizoram Home Guard hi Commandent General in a bul atangin a lo enkawl chho a, a retire a lo hun ta a, a chhuak ta a. A niin khatia a enkawl kha chuan a fel khawpin kan hretlang theuh a, amah alo chhuah takah khan engemaw thil enfel tur leh anih dan tur phungah pawh tihfel ngai a lo tam viau a. Police lam hian an khai tawh mai em ni ang kan ti a. Chutiang chuan tunah hian mi 3/4 anmahni retire hun tawh te kha extend kan nei a, a chhan chu fill up tur khan Finance leh DP & AR ah khan thil an kal an kal hian duh angin a chak thei lova, thla 3 chhungin zawh ngei kan tum kha kan zo lo leh thin a. Sorkarin chu chu tunah a ngaihtuah chho mek a ni.

Tin, Saitual bialtu sawi kha hming awm si, anmahni awm silo tih a kha chu a ziak neih kan duh khawp mai. (interruption) Armed Branch Havildar hlawh pawh hi proposal a awm a, Police Hqrs. ah a thleng tawh a, a awmia chu hemi Head Constable ho hi MRP ho chu ASI ah an promote a, armed branch a Havildar chu ASI kaitlang lovin SI ah direct in an kal a, chulajah chuan SI a direct a an kal theih chuan engatinge SI hlawh hi Havildar hian kan lak ve loh ang ti zawngin ngahdan a piang a, chumi rawtna chu a ni a. (interruption)

**PU H. ROHLUNA**

: Pu Speaker, Khawzawla Lock up a custodial death awm chungchang a kha. Khawngahin a sawitel theih em ?

**PU TAWNLUIA  
MINISTER**

Pu Speaker, custodial death kha kan ngai pawimawh khawp a, kan lehkha hmuh ni la la in Home Secretariat atang pawhin engkim a

kalchho a. Serchhip leh Khawzawl kha kan bawhzui char char a, a report pawh hei ka kawt teuh mai a, kan Officer-te pawh an tuan a rang khawpin ka hria a, kan bawhzui e.

Suangpuilawn kha tunah hian IO khan report a la rawn pekluh loh avangin kan ngahk hrih a ni e.

Atawp ber atan, nichinah khan kan Law Minister kha a sawi tawh a, Separation of Judiciary kha Deptt. in a enchhohna-ah hian DP & AR in a tul ang chu kan bawhzui dawn a, cabinet decision a awm tawh a, kan sorkarin judiciary hi a hrangin a function tir tawh dawn a ni. Hei hi achievement ropui tak anih avangin House-ah sawi loh theih loh niin ka hria. DPR ina a lo tih chhoh, lo puitling thei ta hi a lawmawm a ni.

Tichuan, Pu Speaker kum 2005-2006 atana ka Demand No. 13-na DP & AR Rs. 3,84,53,000/- Demand No. 16 - Home Rs. 1,20,51,87,000/- Demand No. 25 - PHE Rs. 56,85,65,000/- a yawiin Rs. 1,81,22,05,000 hi House in min pass pui turin ka ngen e. Ka lawm e.

**S P E A K E R** : Awle, Pu Tawnluia'n a Demand No. 13, 16 leh 25 na atan avaiin Rs. 1,81,22,05,000/- pass a rawn dil a, pass remti apiangin 'remti' ti ula. Remtilo kan awm em ? kan awm chuan 'remtilo' ti rawh ule. Kan awm loh chuan Pu Tawnluia, Minister Demand avaiin Rs. 1,81,22,05,000/- chu House-in lungual takin a pass e.

Tunah chuan Minister zahawm tak Pu H. Vanlalaiva a Demand te han wind up a, pass dil nghal turin i sawm ve thung ang.

**PU H. VANLALAUVA** : Pu, Speaker, ka lawm e. Tunlai ka hriselna a that vak loh ayangin ka aw te a chiangkuang vak lova, min lo hriathiam ka beisei a. A hmasa berin lawmthu ka sawi duh a. Kan zavaia remtihna a kan remruatna avangin hun kan nei tawi ta si a, vawinah kan demand te a pumpuiin member 11 in an sawi hman a, ka lo chhinchhiah soal loh chuan chuta 9 ten ka demand an sawi a. Tin, a sawi zawng zawngin engemaw ngaihthlak hrehawm leh rilru diklo pu a sawi awm lovin, thahnemngaihna lawmthu sawina bakah duhthawhna avanga thurawn leh kawngtha in kawhhmuhna hawi zawk vekin an sawi a, hei hi lawmawm ka ti tak meuh meuh a.

Tin, chubakah chuan ka Demand No. 16-na Jail(Prison) ah kan budget estimate hi nikuma kan budget aain cheng vaibelchhe khat leh nuai 64 leh singkhat laiin a pung ve a, la duh khawplo hle mah ila a lawmawm ka ti a, lawmthu ka sawi a. Tin, member zinga Prison han sawite zingah Kawnpui bialtu zahawm tak Pu Sailothanga Sailo khan misual hremna mai ni lova Jail hi misualte siamthat nana hman, an hnathawh turte ruahman theihna hmun zau zawk neih a tulzia a rawn sawilang a. Hei hi a Deptt. pawhin kan rilrua kan nei leh kan hmalak mekna pawh a ni a. A hminga tlinglo tak chung a enkawl mektu hi Central Jail ah rambuai avanga krismas vawi 4 lo zu hmang/tang ve tawh ka ni a. Central jail kan tanna hrang hrang an enkawl dante rilruah ka mitthla ah a cham reng a. Chutianga Kawnpui bialtu in a rawtna ang a heng hi kan tih theih hun a nghahhlehawm hle in ka hria a. Central Jailah hnathawhna eng engemaw chu kan han siam a, a la tawk zo lo hle a ni.



Tin, South-II bialtu Pu R. Khawpui-thanga'n kohhran lam rawngbawlina leh tlawmngai pawite thahnemngaihna, Jail-a misualte siamtha tura rawngbawlina a thahnem a ngaih zia a rawn sawi kha a ropui a, hei hi tunah pawh kan chhonzawm mek zel a. Tunah hian NGO, Kohhran, MHIP, MZI leh Evangelist ten jail hrang hrangah hian rawngbawlina an nei reng thin a. tin, ZEF leh MCGN leh Shalom te phei chuan regular programme an siam a, rawngbawlina tha tak an nei a, misual sorkarin a khungkhawm ni anga sawi nimahsela heng mite taksa leh thlarau tiham rawngbawl hna hi hlawh leh lawmman beisei nei hauh lovin rawngbawl hna an thawk a, khawngaih rawngbawl hna a ngaiin theihtawp an chhuah hi keipawhin ropui ka ti a, vawiinah House-ah lawmthu ka sawi duh bawk a ni.

Tin, Pu K. Lalrinliana'n Pu Sailo-thanga Sailo thusawi a rawn tuihnih bakah jail hmun tha zawkah, ngelnghet zawka kalpui tum dan anih thute a rawn sawichhuak a, hei hi Deptt. hmalak mekna a ni a. Amaherawhchu, hmun hi alo harsa tawh viau mai a, mimal rawm alo ni deuh vek tawh a. Chuvang chuan, sum lamah te harsatna a awm deuh avangin duhangin hmuntha erawhchu kan la nei chiahlo na a, heng hi hmalak zel kan tum ani tih kha kan sawi duh a.

Tin, Member zahawm tak Lunglei South bialtu Pu Lalhmingthang'n tui leh thingtuah lampangte a harsatna an tawh thu a sawi kha a dik a. Tin, tui thuah phei chuan hmanni lawk khan central jail lam atanga helaia court-a lokal ten "Prison Minister bang rawh se, tui min pe theilo" an ti a, an au lauh lauh mai an ti a. Kei phei chuan ka lo hre ve hauh lova, chutiang harsatna chu kan tawk a, a chhan chu Pu Speaker, khulaiah kan central jail chawmtu tui pumpna a chhiat avangin an siam mai thei si lova motorin an han pe thin a, a indaih seng chiah si lova, chutianga harsatna kan tawh chung kha a ni a. Amaherawhchu, tunah chuan kan ziaawm chho tawh turah ngai ila. Tin, thinglamah hi chuan tui lama harsatna kan tawh ang em em kha chu a ni lo deuh a, tan lak erawh a ngai hle a ni tih vawiina memberte sawichhuah atang hian kan hria a, hei hi kan lo enzui ang e.

Tin, Pu Hminga vekin a hnathawktute promotion chungchang enfel a tulzia a sawi kha, hei keimah chauh ni lovin kan officer fel tak takten an lo chhinchhiah vek a, hengte hi uluk taka enzuiin a tul anga hmalak kan rawn tum dawn ani tih kha Pu Speaker, vawiin niah House ka hrilh duh a. Tin, Mizoram hian Jail 6 kan nei a District Jail 5 leh Central Jail 1 an ni a, Aizawl, Lunglei, Saiha, Champhai leh Kolasib-ah te District Jail kan nei a, heng bakah hian District Jail thar 3 tunah hian sak mek a

ni a, chungto chu Memit, Serchhip leh Lawngthliah te an ni a. Henghi chak taka a hna hi kalpui tumin tunah hian tan lak chhoh zel a ni a. Tin, heng bakah hian Tlabung Sub-Jail pawh a building lama chu zawh thawkhat a ni tawh a, tui connection leh electric connection lampangte la inpeih tawh lohna avang leh staff lamah te harsatna a la awm avangin kan la hawng theilo deuh a ni. Vawiin niah hian Pu Speaker, a chipchiar deuh t akin sawilo mai ila tunah hian kan Jail 6 neih capacity chu mi 1004 awmna tura ruahman a ni a, vawiina kan kawl mek chu 1225 anni a, hei hian kan District Jail thar kan sak mekah te pawh tan lak a tulziate min hriat chhuah tir a, leh lampangah kan tlawngai pawl hian ber YMA te, Kohhran hote hmalakna ruihhlo dona avang hian kiam lam turah kan han beisei a. Helaiah hian hlawhtinna tha fak kan neih kan beisei a, kan tawngtai pui bawh a ni.

Tin, Jail a tang mekte zinga lehkhazir duhte pawhin an zir theihna kawng leh, ziak leh chhian thiamlo, Adult Education tih lampangte pawh tunah hian kan uar chhovin hma kan la chho ve a, Library lam te pawh kan han din ve a. Tin, chubakah chuan officer leh staff te thawhhona a that zelna tur leh efficient zawka an thawh theihna turin seminar type in training leh programme chi hrang hrangte kan han siam chho a, theih tawpin tan chu kan la ve a ni. Tin, Jail tinah hian T.V. kan dah sak vek a tangte tan, tin, Aizawl Central Jail leh Aizawl District Jail-ah te phei hi chuan LPS connection kan pe a, chung chu an rilru lo tih hahtam nante pawh a tha in kan hria a ni. Tin, Pu Speaker, Budget Session November thla a kan neihah helaiah member zahawm tak Ratu bialtu Pu Lalduhoma'n Jail ah zute lakluh a niin staff zingah inthlahdah an awm ani tih min hrih a, chu chu bawhzuiin theitawp chhuahin hma kan la a, chuta thudik kan han hmuhchhuah atanga mawhphurtu kan staff pariat te chu tunah hian kan suspend mek a ni. Tin, chubakah chuan report thar eng engemaw kan han dawng leh a, chungah chuan tunah hian mi panga enthlak mek an ni a. Tin, an thiamthu te pawh rawn sawi tira hriattir an ni. Chutiang chuan Member ten min han hrih ang ang ah hian theitawpin hma kan la ve a. Tin, Jail Manual kan buatsaih mek kha kan la peihlo deuh a, reiloteah peih thuai kan in beisei a, vawiinah Pu Speaker, kan sawilan duh erawh chu House-ah hian thawktu kan indaihlo em em mai a, post ruak kan nei thahnem ve ang reng a, lehlamah Police ang kan nihna lai hi a awm a, Police man khawmsa kha kan warden ten an lo chhuah mai kha chuanin a mualphothlak dawn bawh si a, kan administration kha a ti khawlo dawn a, hengah pawh hian beiseina sang tak kan hotute hnenah kan nei ani tih kha vawiinah kan sawilang duh a ni.

Tin, Prison lamah hian thil sawi tur tam tak a awm a, tuna District Jail thar kan han buaipui mek chungchang han sawite pawh a chakawm a, mahse Pu Speaker, kan sakhaw thil pawimawh avanga hun a chep deuh avangin ka sawi thulo mai ang a.

Demand No. 27-na DCA hi kan member zingah pakhat khan a rawn sawilang a, a sawilang tura kan ngaih kan Saiha bialtu leh Lawngtlai leh Chawngte bialtute'n hun an nei tawh si lova, a lawmawm thova.

**PU ANDREW LALHERLIANA :** Pu Speaker, hei kan Chief Minister Speech ah khan LAD ah Composit Loan chhungkaw.....

**PU H. VANLALAUVA MINISTER** : Pu Speaker, LAD a thlen hunah khanin lo khek rih deuh ila a tha ang. Kawrthah bialtu zahawm tak Pu Saikapthianga khan DCA hi a rawn sawilang a, helaiah hian District Council kan enkawlina kawngah kan tling tawklo ang tih ka in ring a, mahse kan theih ang tawk chuan a rama chengte rilru mil leh an zia anga theihtawp chhuah a sawlaih sawn hmasawna kawng zawh tura kalpui sorkarin a tum ani tih hi erawhchu min ringhlo turin ka ngen duh a. Engemaw neuh neuhthe chu awm bawmahse administration thu leh thildangah buaina liantham lutuk a awm lemlo rih niin kan hria a, chu chu lawmawm ka ti a.

Tin, yawiinah House-a lawmthu kan hrilh duh chu kan budget hi nikum aini Rs.6,66,10,000/- zetin a pung a, la duh khawplo hle mahila lawmawm kan ti a, hei hi anihna tur dik takah hlawk tak leh tangkai taka hman tumin council pathum te pawh inbuatsaih an tum ani tih he House hi kan hrilh duh a. Kan District Council pathumte hi Lai Autonomous District Council ah member 27 an awm a, Elected Seat 23 nominated seat pali a ni a. Tin, Mara Autonomous District Council ah member 26 tun atang chuan kan lo nei ve ta a, elected seat 22 leh nominated seat pali a ni a. Tin, CADC ah hian member 17 kan nei a, elected member 13 leh nominated seat pali an ni a, heng hi kan hriat theuh angin Administrative District pahnih Saiha leh Lawngtlai hnuaiah awmin MLA Constituency panga awmna a ni a, Administration thu ah council sorkar leh state sorkar.....a ni a, harsatna eng engemaw tawh a sam hle a, mahse vanneihthlak takin kan council sorkar lam enkawltute leh state sorkar district administration kengtute tha takin thawk hovin in lungualna leh thawhhona tha tak kan nei zel hi a lawmawm kan ti a. Tin, kan hun chung hian District Council inrelbawlina leh kalphungte leh thil engkim a fel zawk theihna turin rules & regulation hi 23 kan siazaw a, buatsaih mek ala awm nual bawka.

Tin, Housing Loan HBA helaiiah sorkar hnathawkin LIC HBA kan lak thin ang hi Council hnathawkten an la ve thei lova, an buai em em thin a kum 2000 atang khan theihtawp chhuahin Mizoram Sorkarin a buaipuia kan Chief Minister thahningaihna leh nawr nasat avangin tunah chuan HUDCO atangin council thawktute hnenah House Building Advance Housing Loan hi pekve alo ni ta a, tunah hian kan council hnathawktu mi 2000 dawnlai hnenah Housing Loan HUDCO atang hian kan pe ve thei ta te hi lawmawm kan ti a. Tin, tunhma a riva pawh kan hriat vak loh council area a la thleng vaklo central sponsored scheme atang hian NLCPR atangte leh NBCC lam atangte in council khawpuite chauh ni lovin ram pum huapin development ah hma lakna alo kal ve ta hi a lawmawm hle in kan hria a. Zawlnoi ten 'chhim lam atangin alo eng dawn e' an tih hi hei a rawn intan dawn ani ang tih te pawh kha rilru ngaihtuahna-ah a awm a, tunah pawh hian Saiha khawpui te, Lawngtlai leh Chawngte khawpui cheina tur leh develop na tur kha MDCC atang ringawt pawh hian tunah a nuai tel tam tak alo kal a ni a, churang chuan lawmawm kan ti tak meuh meuh a. Tichuan, Deptt. hrang hrangte hmalakna bakah tunah hian Central Sponsored Scheme atanga hmalakte nen sawlam pawh eng chak zel turah kan ngai a. Tin, Central pawhin min duhsaka Hotel Management leh thildang dang kan thalai ten eizawna an neih theihna turin training-na tur NEC kaltangin Rs. 51,50,000/- min pe a, tunah hian kan thalai rual lehkhathiam mi 30 zet training in kan kal tir mek a ni a, heng zawnzawng han ngaihtuah hian sawikim sen a ni lova, Saiha bialtu MLA zahawm tak pawh, hi helaiiah duhtawhna avangin an ang ve deuh thin na a rilru chhungril takah chuan a lawm ve in ka ring a. Chuvangin, Pu Speaker, lawmawm kan ti hle a ni tih kha kan sawilang duh a.

Awle, LAD hi sawitu kan thahnem viau a, a lawmawm a. Tin, kan chhangchhia a hetah pawh hian Pu Speaker lawmthu kan sawi hmasak duh chu kan budget hi nikum 2004 - 2005 ai khan 2005 - 2006 ah hian Rs. 1,93,50,000/- in a pung niin ka hria a lawmawm hle in ka hria a ni. Helaiiah member tena an ngaimawh leh an ngaih pawimawh an han sawi kha kan re-act kimlo anih pawhin helaiiah kan chhinchhiah kim a, kan officers lamte pawhin uluk takin an lo chhinchhiah a, heng hi kan rawn enzui vek dawn a ni tih kha Pu Speaker, kan sawi hmasa duh a.

A hmasa berin Governor thusawia kum 2004-2005 HBA leh Normal Housing Loan sem tawh ni anga ziak awm a kha typing mistake a ni. Sem tawh kha chu 2003-2004 a ni a, tunah hian 2004-2005 hi chu a draw in kan officer te an kal mek a, 28<sup>th</sup> March ah hian SBI Aizawl ah a luh hman kan beisei a ni.

PU ANDREW LALHERLIANA : Pu Speaker, helajah hian Loan Board te kha din in tum em ? tih kha ka zawt duh a.

PU H. VANLALAUVA MINISTER : Pu Speaker, Housing Loan Board ah chuan kan rep love, mahse LIC HBA ah erawh hi chuan guideline-in Official vek a dah avangin guideline angin kan kal a, Normal Housing Loan erawh chu recognized party aiawhte dah an ni thin. Tichuan, 2004-2005 atana sanction kan hmuh 28<sup>th</sup> March, 2005 a Mizoram SBI, Aizawl a lo lut tura kan beisei sem tur hian nimin ah LIC HBA dilna hawn a ni leh tawh a, 23<sup>rd</sup> March, 2005 atanga chhuta ni 45 chhung dil theih a ni a. tin, 2004-2005 kan sem atang hi chuan loanee te hna kan loan pek amount pawh hi hetiang hian tih danglam/tihpun tura rel a ni. MIG-I Rs. 1,75,000/- kan pek thin kha Rs. 2,00,000/- pek anni ang a, MIG-II Rs. 1,25,000/- pek thinte kha Rs. 1,50,000/- pek anni ang a, LIG Rs. 1,00,000/- kan pek thin a te kha Rs. 1,25,000/- pek anni tawh dawn a ni. Tuna 2004-2005 sem atang hian a rate tur ani tih House ka hrilh nghal nise.

Tin, Member te sawilan Clean Mizoram leh Sanitation te hmalakna chungchang thuah kan Chief Minister thahnemngaihna a taka hmalakna lo lang atangin Clean Mizoram din a ni tawh a, chu chu society in register a ni a, hei hi Pu Speaker, kan society registration certificate pawh a ni a. Hei hian sorkar hmalakna thlawpin thahnemngai takin hna a thawk dawn a, tunah hian CEO Office te hawngin EO 2 te leh staff dangte nen hna an tan mek a, State Level Clean Mizoram Committee mai ni lovin District Level Clean Mizoram Committee, Town Level Committee, Village tinah Clean Mizoram Committee dinin tunah hian hma lak chhoh tan mek a ni a, chu chuan sorkar hmalakna thlawpin kan V/C te leh tlawmngai pawlte nen zoram mipui hi tangrualin India ram state fai bera siam tumin kan Chief Minister remruatna leh remhriatna leh thahnemngaihna in hmalakna a kal mek a ni. Pu Speaker, ka sawilan tel duh chu nimin maiah pawh khan NCC mi 357 ten he hmalakna tawiawm hian nileng hnatlang an nei a kan Sanitation Officer ten motor lian pe in an flag off a, tichuan nilengin hnatlang an nei a. Tin, tun inrinni ni 26 hi kan CEO Office atangin Aizawl khawpui area zawng zawngah faina ni atana puangin veng tinah hnatlang nei tura ruahman a ni a. Tunah hian veng 30 bawr velin hnatlang an neih theih tur leh motor an mamawh thu kan CEO te hnenah anrawn thlen tawh a, tun inrinni ah pawh hian khawpui ti thianghlim turin hmalak a ni dawn tih kha ka sawi tel duh a, kan member ten an sawilanna atangin.

Tin, Pu Speaker, V/C thiah leh enkawlna chungchang thuah khan member ten an sawi tam a, a lawmawm a. Mahse, kan sawi duh chu V/C te an pawimawh zia kan hre theuh a, thingtlang/zokhua ah chauh ni lovin Aizawl khawpui leh khawpui dang zawng zawngah pawh V/C kan nei vek a, Village Administration kengkawhtu anni a, hemi avang hian an chungchang rorelna thuah pawh hian fimkhur a ngai a, kan ti dik vek lovang tih phei chu ka ring a ni. Mahse, V/C a lo din kum 50-na nikum August thla khan a lo thlang a, Jubilee lawmna November thla ah neiin Jubilee lung te phun a ni. Lunglei, Aizawl leh hmundangah te pawh Jubilee lungte phun a ni, kum 50 mi kan lo ni ve ta a ni a. Mahse, kan la ehlangchhia ani tih erawh chu kan hria in ka ring a. V/C te chungchanga kan rorelna-ah hian a party a thu in emaw, a mi a thu in emaw ni lovin a thu a thu a rorel hi kan tumdan a ni. Chutiang chuan ro pawh relin kan in hria a, mahse kan rorelna inngahna hi a hmun a va enfiatu enquiry report siam atangin rorel thutlukna siam a ni a. Chutah chuan enquiry va la tu, spot verification neitu ten a wrong information min pe anih erawh chuan kan decision a fuh vaklo thei ani tih erawh chu a hria a. Mahse, hengah hian kan vanneihna chu term hmasa kum 5 chhung leh tun term kum khat chhung hian V/C engemaw zat kan dissolve a, High Court ah min khingtu an thahnem hle a, kumin chhung pawh hian 30 zet emaw dissolve a ni leh tawh a, High Court ah an kal thahnem a, kan vanneihna em em chu kum 6 chhung hian Ratu V/C kan dissolve na ah official-a lehkha kan pek tur official a kan lo pek loh avangin V/C ten hmu in hre vek mahsela court-ah min khinna ah a copy min pe lo an ti a. Official khan kan lo pe si lova, chu chu kan hneh ta lova, chu chiah chu thiam loh kan channa a la ni hi a lawmawm kan ti a, chu chuan kan rorelna hi bias lutuk chu a ni lovang tih kha min rin tir a. Tun V/C term ah pawh hian MNF V/C hi 8 vel kan dissolve tel tawh a ni, chu chu kan dinhmun tlangpui a ni a. Pu Speaker, an sawilan tak Pu Lalrinliana Sailo in Lungtan V/C chungchang a sawi kha Lungtan V/C te show cause notice han channa te hi hmu ve sela chuan he House-ah hian a sawi vak ka ring lova, show cause notice an pek a, development fund leh safety reserve an humhalh lo ti a an puhna kha a dik a ni an tih bawh si kha chuanin thiam han chantir vak a harsa ve bawh a, document te pawh a awm a ni a, heng te hi.....

**PU LALRINLIANA SAILO :**

Pu Speaker, VCP chiah a awm a, khati lai khan. Ani ngaihah chuan Esopa thawnthua kan hmuh ang khan min dissolve dawn tho tho ani tih ka hria a, engah mah ka chhang duhlo a ni a ti..... kan Minister zahawm tak sawi kha a lawmawm rualin enquiry a kal C.A. te hi an convince thin a ni. MNF duhdanin a kal thin a ni.

**PU H. VANLALAUVA  
MINISTER**

Pu Speaker, Nghalchawm V/C chungchang Pu Saikapthianga sawi pawh kha report kan hmuhdan hi chuan V/C Member 3 te hi party

hrang theuh anni a, a changing an in pawm a, a changing an in pawm lova, han thiah dawn khan kan ding leh e, an ti bawk si a. Mahse, V/C anga enkawl chhoh dawn khan ka bang e, an lo ti leh a. Mahse, tunah hian an dinhmun dik tak a hriat theih loh a ni. A buaithlak ang reng khawp mai a, chu chu kan dinhmun hi a ni a, kan chhangchhe deuh hlek a.....

**PU SAIKAPTHIANGA**

Pu Speaker, a chang leh Aizawl DLAO in a ko a, a chang leh Mamit DLAO in a ko bawk a, a chang leh MLA in a ko bawk a,

buathlak chu a buaithlak a ni.

**PU LALRINLIANA SAILO**

Pu Speaker, kan chhangchhe deuh hlek a.....

**PU H. VANLALAUVA  
MINISTER**

Pu Speaker, Pu Hminga'n Ngur V/C a rawn sawi pawh kha an dinhmun hi member 5 an ni a, VCP an thawhpui theih loh avangin banna an han theh lut a. Mahse, an VCP thil tihsual enquiry la khan kan CA te kan han tir a thiat mai tur ni a inngaihna an han neih a, an VCP pawh kha a dik lova amah kha hrem thei mai dawna an han rin kha chuan an han in zawmkhawm leh ta rih a. Hei, tunah chuain V/C President atan C. Lalmawia, INC, Treasurer ah C. Lalhmingliana, MNF, member dangte kha C. Lalrinliana, MNF leh C. Lalkulha, INC, chutiang chuan an in remkhawm lehlawi a. Chuvang chuan a buaithlak hle a ni.

**S P E A K E R**

: Khawngaih takin kan tibuai lawk ang che. Kan hun pangngai dar 4 alo ri ta a, ban hma kha kan duh deuh si a, chawlh lailawk nei lovin kan tlang zel rih mai dawn em ni ang ? Tin, ka hriat lain ban tlai leh deuh kha min lo rin saka thingpui in tur kha an lo order tawh a. Eng hunah pawh bang ila thingpui kha min in sak ula, an ti anih chu. Le, chhonzawm leh ang.

**PU H. VANLALAUVA  
MINISTER**

: Pu Speaker, tawite han chhonzawm leh, ka duh a, Member te thusawi pawimawh zualte hi kan sawi, zo law law lawk ang e. D.C. aiawha advisory body din chungchangah chuan kan guideline te enin helaiah hian party dang aiawh, party dang an lohchilh engemaw a awm anih chuan hemi remsiam d an tur kawnga kha helaiah kan lo enzui ang a, thil harsa lutuk nilo turah ngai ila. Tin, thingtlang LAD-in a chhuahsan chungchang thu Kawnpui bialtu leh member dang tena an rawn sawi kha notification kha LAD in a chhuah hauh lova, mahse RD lam atang erawh chuan notification chu a awm niin kan hria a. Hetianga RD in khawpui a chhuahsan vek si kha chuan DRDA ei ho, khawpui tam tak a bikin Mamit, Kolasib, Champhai leh Serchhip te, Aizawl leh Lunglei te chu urban-a min lo pawmsak sa, engemaw fund kan lo neihna a ni a. Amaherawhchu, khang district ho khawpui thar duan-ah khan fund a awm si lova, an mangang an lo tlan nasa a. Chuvang chuanin kumin atan chauh chuan thingtlang ah hian hma la vak rih lovin khawpui ah mangang lutukte tuamhlawm tur hian in concentrate ve phawt mai ang kan ti a ni. Hei hi chu kan House Leader, kan Chief Minister hova sawiin thingtlangah pawh kan hmalak zel dan tur kawng hi ruahmanna rawn siam kan tum a ni e tih kha House kan hrilh ni sela.

Tin, Sakawrdai master plan chungchang kha erawh chu sub-town anih angin master plan kan la siam lova. Amaherawhchu, HPC boruak avang in Sakawrdaia dahkhawm a tul maithei a tiin plan min siam tir a. Mahse, inremna a awm leh tak avangin kha kha bawhzui a ni ta rih lova, mahse sub-town anga project report erawh e hu central lamah pek zui ani ta tho a ni. Tichuan, master plan siam tura ngenna kan han hmuh kha kan lo enzui ang e, tih kha kan in chhanna ni sela.



Tin, tunah hian NBCC hmalakna kan han sawi chungchangah kan MLA zahawm tak Pu Thlenga'n a sawi bakah pawh khan Lunglei khawpui laili takah pawh shopping centre cheng vaibelchhe 15 vela sak tum in tunah hian a hmun tihfel mek a ni tawh a, reiloteah hna tan theih beisei a ni a.

Tin, Chite lamah pawh Sport Complex cheng vaibelchhe 26 hmanga kan thalaite mamawh hi siam tum a hmalak chhoh mek a ni tih kha kan sawi duh a. Amaherawhchu, High mast kan member ten an sawi kha erawh chu keini hi chu kan pawk ang renga kan phur khawp mai a. Mahse, planning leh finance lam hi an kawm riau mai a, an ni lamte hmin theih anih chuan kan siam zel mai ang chu, tih kha kan sawilang duh a ni. Awle, vawinah hmalakna han sawi ve pawh a chakawm khawp mai a, nimin a mite ang khan 56 minutes velte tal chu.....

**PU LALDUHOMA** :

Pu Speaker, thingtlangah te pawh hian khang in building sak ropui tak tak bathlar ang vel lek lek te kha chu min han thehchhuah ve ula chu kan hlimtlang hle tur a ni a. Khami rawtna kha min han re-act sak se mawle.

**S P E A K E R** :

Ratu velah tepawh a tih ve dan a awm lawm ni tihte pawh kha an sawi kha mawle.

**PU H. VANLALAUVA  
MINISTER** :

Awle, Member tena an han ngaih pawimawha te kha helaiah a Deptt. lamte leh NBCC lamte nen pawh Project report siam dan turte kan lo thlir zui ang e, tih kha he House hi kan hrilh nise. Tin, tunah hian NBCC hmalakna tlem kan sawi leh duh a. Mizoram tan a vanneihthlak zia, anni nena kan han inbiak tantirha kan thiante tam takina min tihdan chu 'hetiangah keimahnina a hlawkna kan tel loh tur, anmahni central lam atanga sum lak vek tur hi engahnge maw i tih le' min ti a, min bei a ni. Ka ngaihtuah vena-ah erawh chuan NBCC hmanga kan ram development hna kan thawh hian state sorkarin pawisa hi naia khat pawh kan seng ve lova, a thatna pakhatna a niin ka hria a, leiba a tel velo. Tin, an hotute kan han dawr a, NBCC in Mizo Contractor register an hreh hauh lo mai a. Tichuan, registration ah hawng a, mizo kha contractor ah an register ve a, tichuan tender an kova, an chhang ta vek a, mizo thovin kan thawk a ni, chu chu a tha a. Tin, chubakah chuan Work Deptt. dang zawng zawng leh Deptt. tinin a.....

**PU SAIKAPTHIANGA**

NBCC hnuaiiah khan Mizo Contract chhanga hmu a, thawk hi engzatnge, maw kan neih tawh le ?

**PU H. VANLALAUVA  
MINISTER**

Pu Speaker, a zat chiah chu kan la sawi thei lova, kan ja, hrih dawn che nia. Hei MLA anih hma in Pu Rinte-a pawh hi Register

Contractor a in a, vawin hngeng pawhin anaute hming in an ni. Tunah hian Lunglei ah pawh 10 chuang vellai an awm tawhin ka hria. Tunah pawh hian an hawng thar leh meki zel a ni. Tin, work quality thu-ah an duhtui, register tur pawh in PWD leh Deptt. danga in register ai chuan a har deuh maithei. Vawinah kan Work Deptt. te kan demna ni hauh lovin NBCC work quality hi entawntlakin a tha in ka hria a. chuang chuan, hei hi kan ram tan a hlu hle in ka hria a ni.

Pu Speaker, sawi tur tam hle mahse vawin niah kan sawi vek seng lovang a, lawmthu sawina tur ka ngah em em in ka inhria a, member zawng zawngte hnenah lawmthu kan hrih nawn leh a. Tichuan, Pu Speaker, ka Demand No. 16-na Jail (under Home) Rs. 8,10,80,000/- Demand No. 19-na Local Administration Rs. 54,27,16,000/- Demand No. 27-na District Council Affairs Rs. 64,27,70,000/- a vawin Rs. 1,26,65,66,000/- hi he House zahawm tak hian min pass sak turin ka han dil a ni e. Ka lawm e.

**S P E A K E R**

Awle, Minister zahawm tak Pu H. Vanlalauva'n a Demand te No. 16, 19, 27 a vawin Rs. 1,26,65,66,000/- hi pass a rawn dil a, remti apiangin 'remti' ti rawh ule. Remtilo kan awm em ? remtilo kan awm chuan 'remtilo' ti rawh ule.

Awle, Pu H. Vanlalauva, Minister zahawm takin a Demand No. 16, 19, 27 a vawin Rs. 1,26,65,66,000/- chu House-in lungrual takin a pass a ni. Awle, tunah chuan vawiina a hnuhnung ber atan Pu B. Lalhlenghiana a Demand-te House a rawn pharh a, pass rawn dil nghal turin ilo sawm ang.

**PU B. LALTHLENGLIANA:  
MINISTER**

Pu Speaker, ka lawm e. Hei, waviinah ka demand-te min han sawipui liam liam a, Revenue Deptt. ah mi 8 leh Taxation-ah mi 4, Printing & Stationery ah mi 3, Fisheries ah an sawi tlem ber mai a, an phur yaklo a ni maithei. Min sawipuituten duhthawhna avangin a siamtha zawng leh a improvement zawnga nin sawipuite an awm lain, duhthawhna avanga engemaw han sawi thuk deuh lek lekte an awm a. Antaherawhchu, ka rawn chhang ang a, a fel mai thei turah ka ngai a.

A hmasa berah chuan Demand No. 8 Taxation atangin tan ila. Taxation Deptt. ah hian Pu Speaker, ilo lak tawh hnu a ni a, i hria in ka ring a. Dan 6 awmlai mek hmangin Mizoram Sorkar hian chhiah a la a, mahse 'The Passenger and Goods Taxation Act, 1988' chu Cabinet Meeting hnunung ber khan Transport Deptt. in chang tawh sela, an ti a. Chutianga thu tihluk anih a vangin tunah hian Taxation Deptt. chuan dan dinglai 5 hmangin chhiah kan la a ni.

Tichuan, Taxation-in Sales Tax a lak chhoh tan 2001-2002 atanga waviin thlenga kan hmuhdan sorkarin target min pek a khumna chauh hi sawi ila, hma kan sawn dan a hriat theihna turin 2001-2002 ah target kan khumna chu 114.43 lakh a ni a, 2002-2003 ah 103.73 lakh a ni a, 2003-2004 ah 532.27 lakh in khum a ni a, tun 2004-2005 financial year kal mek 15<sup>th</sup> March thlenga target kan khumna chu 729.22 lakh a ni. Chutiang chuan, he Taxation Deptt. hian mi sawiselna tam tak karah kan duh vang ni lovin dante kan nei a sorkarin ti tura min tih avangin hma kan la chho ve a ni a. A than pawh a thangduang chho viauin kan hria a. Tin, hemi bakah hian kan member te hriat ve hrim hrim atan hian society ho registration hi a tihna tur hrelo tam tak te hi a awm theih a. Firm and Societies hi 1991 atang khan Taxation Deptt. ah dah a ni a. Tichuan, dan pahnih 'The Societies registration Act, 1860 as modified by the Mizoram Act No. 3 of 1977' leh 'The Indian Partnership Act, 1932' te kenkawh a ni a, chuan Commissioner of Taxes hi register a ni nghal a, he farm and societies hnuaiyah hian society registration rawn ti 2813 an awm a, farm 792 in registration an ti bawk a ni. Tunah hian society registration act thlak nen hian 'The Mizoram registration bill' duan mek a ni a, an peih tep tawh a.

Tin, Pu Speaker, Taxation-a rawn sawituten mipui phurrit lo zawnga chhiah hi la lo theilo kan nih pawhin lak hram nise tiin an rawn sawi deuh tiangpui a. Inthlahrung tak chungin he Deptt. hian item thlan chungchang ah leh hemi tan lakna turah hian an thlir uluk viau a, tunah hian Luxury Tax hi

Mizoram Fiscal Reforms Committee-in 2001-a a rawt angin Luxury Tax hi Hotel-ah te Lodging, Housing leh bungraw thenkhat atangin lak a rawn rawt angin Taxation Deptt. in bawhzuiin tunah hian draft bill a buatsaih mek a, Council of Minister pawmpui tura nghah mek a ni a. Hei hi hman theih anih chuan kum khatah 20 lakh vel hmu thei turah kan in ngai a, he bill hi Constitution 7<sup>th</sup> Schedule List-II entry No. 62 tlawhchhana siam chhoh a ni a. Tin, entry tax - hei hi la lak loh a ni a, tunlai hian vai/hnamdang leh mizo ngeite pawhin Bulldozer te, JCB te leh bungraw chi hrang hrang Mizoramah an rawn tawhlhut a, hengah hian chhiah la lak loh a ni a, hengah hian chhiah lakve nise, a ti a. Hemi rawtna hi hman mek a ni a, Mizoram chhunga Tax awl tumna avanga state pawn a mi bungraw leia hralhchhawn tur atan emaw, mahni hman tur atan emaw a rawn laluttute hnen atangin he entry tax hi lak tur a ni a. Hei pawh hi constitution 7<sup>th</sup> schedule list-II entry 25 hmanga thuneihna hi siam a ni a. Tunah hian Taxation Deptt. chuan motor vehicle bik atang hian tih ni phawt sela tiin draft bill a duang mek a, hei hi kan ti hlawhtling thei anih chuan tuna pawisa kan hloh tawh zawng zawng kan han chhut danah chuan kumkhat chhungin 200 lakh hmu thei turah kan in ngai a, chu chu tunah hian kan hmachhawp mek a ni e.

Tin, a thawktute kan indaih loh avangin check post hmun tam taka siam ngai kan tih kan la siam theih loh a awm a. Heng Melbuk te, Tlabung, Lengpui Airport, Bairabi, Kanhmun-ah te hian check gate siam theih ngei tum ila tiin sorkarah hma kan la chho mek a. Hei hi Pu Speaker, checker te leh thawktu dang kan indaih lohna te sorkarin min pe thei anih chuan heng gate kan mamawh wawiina kan sawi te, kan hawn theih hunah chuan 200 lakh vel hmubelh thei turah kan inngai a. Border Trade, Champhai side-ah phei chuan kum engemaw zat kan hotuten uluk takin assessment an la ru reng a, an inchhut danah chuan thlatin cheng nuai 10 vel hloh ang zar zarin an inchhut a, kum khatah nuai 120 vel ang a ni. Lengpui Airport ah pawh hian chutiang bawkin thlawhna liante nitin a lo thleng a, taxable goods te a tam tawh em em in hriat a ni a, Lengpui Airport ah pawh hian kan hloh hi tam tham tak niin kan hria a, heng Tlabung te, Bairabi te, Kanhmunah te pawh hian checket indah thei ila chuan engemaw zat hmuhbelh thei turah kan inngai a ni. Pu Speaker, Taxation-ah chuan hei tuna kan hmabak mek kar leha kan business-a lo tel tur VAT (Value Added Tax) chungchang hi hei Mizoram dung leh vangah hian sawi a hlawh hle mai a, thil tha ni turah ka ngai a. Hemi chungchang hi kan member ten kar leh lama kan sawi tur anih avangin an sawi yaklo ni turah ka ngai a, Value Added Tax hi kan sawifo thin angin "Mizoram sorkar chuanin kan tlin ve lo a ni" tiin kan tang ngar ngar a. Amaherawhchu, Central sorkarin chhiah lakdan tur

kalphung Mizoram bik ni lovin India ram pumpuia lak dan (system) a hi uluk deuhin tunhma kum 10 hmalam atang khan research nen an lo en tawh a, chuta an hmuhchhuah danah c huan khawvel ram 130 chuangah hman a lo ni tawh a, ran ram economic siamthat nanah thil tha tak a ni tih an han tih chhuah atangin India ramah pawh hman ve ngei nise tiin NDA Sorkar atangin uluk takin hman chhoh tuma hmalak a ni a. Tun sorkar a lo din chhoh pawhin tih puitlin ngei tumin chak taka hmalak a ni a. Chutiang chuan keini ramah pawh he Value Added Tax hi la turin kan lo inbuatsaih chho a ni a. Hemi in a kaihnawih tur leh a that zawkna leh a that loh zawkna chu vawinah hian ran sawi vek senglo ang a. Amaherawhchu, mithiam zawkten kum engemaw bei a, thil an tih a tha ngei dawna hria a ti tura tih kan nih avangin a tha ngei turah kan ngai a. Tin, keini a Deptt. pawhin uluk taka kan han tih a, Sales Tax nena kan han khaikhin pawhin a tawp consumer te hnen a thlena bungraw lakna tura kha cheng engemaw zata a tlawm, hlei ni a kan hriat avangin a tha ngei turah kan ngai a ni.

Tin, Pu Speaker, he VAT system hi hman a lo nih chhoh chuan tax khawna hna hi computerized tura hmalak chhoh mek a ni a, tunah hian Central Sorkarin Tata Consultancy Ltd. chu computerization N.East pumpui pe turin a rawn ruat a tunah hian hna an tan mek a, he computer hian office hna pakhat mai ni lovin office leh office te mai ni lovin check gate te nen thlunzawm vek tur a ni a. Hei hian hnathawh a tiawl mai ni lovin Dan zawm leh zawm lo zawnchhuah ah hna nasa takin mi a pui thei dawn a. Tin, state tin thlunzawm tur a ni a, chu chu tax information exchange system a ni a, khami hmang khan state khat atanga state danga bungraw kal pawh a hmuh theih vek dawn a, chu chuanin nasa takin tax khawn chungchangah pawh mi a pui thei turah pawh ngaih a ni a. Chu chu Pu Speaker, Taxation chungchangah chuan ni mai sela han re-act vak tur a awm lemlo hawk a.

Revenue hi han sawikai leh ila Pu Speaker, hmanni deuha kan member zahawm tak Pu Zodintluanga khan MLA zahawm tak Pu Liansailova leh Pu Andrew Lalherliana te zawhna kan chhan danah "Member-te min palzut ani" tihna kha a awm a, kha kha vawinah hian han clarify ka duh a. Kan MLA te hi kan palzut awzawng lova, kan zah em em a, zawhna chhan anih lai pawhin file-a lokal reng rengah tawngkam hawihhawm, mawihnai hmang turin Deptt. te pawh kan inhrilh a. Amaherawhchu, he thilah hian kan Deptt. in kan MLA zahawm takte chungah hawihhawm lohna kan lantirna awmin kan hre lova. Amaherawhchu, anmahni ina he zawhna an zawhna hi an zir chiangio zawk anih kan ring a. Pu H. Liansailova, MLA zahawm tak zawhna (b)-naah khan 'Building Tax

atangin kumin 2004-2005 hian engzatnge hmu tura beisei' ? a ti a, a chhannaah khan 35 lakhs kan rawn ti a, chu chu revenue-a a zawhna a ni a. Tin, Pu Andrew Lalherhiana, MLA zahawm tak hian 'Village Council-te hmanga Mizoram Sorkarin Building Tax chhiah a khawn atang hian 2004-2005 kum chhungin sum engzatnge hmuh a beisei' ? a ti a, Taxation-ah a rawn zawt thung a. Ka rindanin Taxation hianin Revenue lamah file a kaltir a, chu chu an rawn chhang anih ka ring a, tah hian tihsual pakhatmah kan nei lova, a figure in anloh chungchangah hian kan sawifiah ang a, Pu Andrew hian V/C tena an khawn atanga hmuh tur a zawt a, Pu Liansailova hian Building Tax Mizorama kan khawn pumpuia kan hmuh tur a zawt thung a. V/C te hian Champhai, Serohhip, Mamit, Kolasib, Aizawl, Lunglei-ah an khawn a, a bak zawng modified town 70 ah kan deptt. in an khawn a. Chumi Deptt. kan khawnte nena hmuh tura kan beisei kha Pu Liansailova zawhna kan chhanna nuai 35 tih hi a ni a. Pu Andrew zawhna hi chu V/C tena khawpui lian deuh deuh District Hqrs. an khawna a kan hmuh tur a zawhna a ni a, hemi kan chhannaah hian MLA te kan zah lohna awmin kan hre lova, chu chu vawinah, vawina an sawichhuah ni lo mahsela khatianga member te palzutna ang deuha sawi rik an nih takah chuan kan palzuta a ni love tih kha kan chhanna ni sela.

Tin, Pu Duhoma Ratu bialtu zahawm tak khan Building Tax lak chungchangah hian dan thi tawh tan chhanin in la ani tiin a rawn sawi a, vawinah pawh tlem a rawn thailang a, hemi chungchang hi tawite in hrilhiah tum ila, a thain ka hria. Kan Dan neihte hi Deptt.-a kan officer fel tak takte nen uluk takin kan zir ve a, chumi ina ti tura a tih provision a siam angin keini chuan hna kan thawka, dan thi tawh kan base niin kan in hre lova, tuna Revenue Deptt. in chhiah chi hrang hrang a khawn hi 'The Mizoram Revenue Assessment Regulation, 1953 as amended in 1994' anga khawn a ni a. He regulation 1953 hi tha tawklo leh famkim tawk lova hriat anih avangin a thlakna tur dan thar 'The Mizoram Taxes on Land Buildings and Assessment of Revenue Act, 2004' siam a ni a. He Dan thar hi sorkar budget ah ni 17.12.2004 ah khan a chhuak tawh a. Mahse, he dan section 1(3) ina a sawi angin a hman hun tur effective date sorkar Gazettee ah chhuah a ngai a. Hei hi kan la chhuah lova, chu chu kan la chhuah loh chhana chu Rules kan siam a, Law pawhin an vet tawh a, tun budget ah hian kan pharh hman ngei kan in beisei a. Amaherawhchu, kan pharh hman mai loh avangin a rules a kha peihfel phawt ila chuan a hman hun tur chu la modified that leh nise, danin a phut angin kan ti a. Chuvang chuan hemi kumina kan chhiah khawn pawh hi regulation 1953 as amended in 1994 anga khawn a ni a. Chuti chuan 1995 atanga vawin thlang hian he 1994 dan behchhan

hian Building Tax leh Zoram chhiah hi khawn a ni a, chulaiah chuan tihsual kan neih kan hre chuang lova, kumin hian Building Tax leh Zoram chhiah bikte District Hqrs. hrang hrang V/C te sorkarin enchianna atan khawntir ila kan ti a, hemi V/C lam ngenna leh tunlai privatization policy, a taka han hman ve chin hrim hrim duhna avanga tih a ni pakhat a. Anihna takah c huan V/C emaw, mimal emaw, pawl emaw hman tangkat theihna tura kan revenue provision hian a nei lova, tin, khapna dan a nei bawk lova. Chuvang chuan, tunhma a kan Revenue Deptt. in kan Dan lo hman thin Taxation Deptt. a kal ta 'The Mizoram District Profession Trades Calling and Employments Taxation Regulation, 1963' base khan section 6 in state sorkar thuneihna a pek ang khan District Hqrs. ah V/C te.....

**PU ANDREW LALHERLIANA :**

Pu Speaker, assessment leh records engmah awmio, building tax lak hi Sorkar kalphung a nilo a, assessment in siam hmasa lo hi....

**PU B. LALTHLEGLIANA :  
MINISTER**

Pu Speaker, kha kha ka rawn chhang dawn alawm. A va hla deuh ta ve in ti anih chuan kha chu kan Dan neih kha anih rih avangin tikhan kan hmang a, tuna kan Dan siam thar ah chuan 'The Mizoram Taxes on Land, Buildings and assessment of Revenue Act, 2004' winter session a kan pass ah chuan heng pawh hi provision kimchang taka dah a ni a. Pawl hrang hrang pawh a authorized theih a, khang kha dah chhoh a ni a, tunah chu chu a la hman theih loh a.

**PU LALDUHOMA**

Pu Speaker, chhiah lak hi kan sawisel hauh lova, amaherawhchu 1953 Act, as amended in 1994 behchhanin building tax hi lak a ni a, chumi dan tlawhchhanna chhiah lak anih lain a khawntu V/C te authorized nan a dan dang daih 1963 a mi hman leh si hi a dik thei dawn em ni tih kha min clarify sak se ka duh chu a ni.

A dawt leha chuan commercial building ten an pek tur residential building atanga 2% an la hi a dik love tih kha point valid tak a ni bawk a.

A dang lehah chuan ka hriatdan chuan Dan reng rengah hian a effective date, commencement hun tur hi tarlan a ni thin a, hetah pawh hian chiang taka ziak a ni a, phatmar luh talh chi a ni loving a dan vekah hian a inziak thin a, 2004 Act kan pass ah pawh khan Gazettee a notified anih atangin he Dan hi tan tang tih ani mai a, chu dan a intan atang chuan 1994-1963 ka repeal ani nghal ang tih kha a ni a. Tichuan, 27<sup>th</sup> December ah khan Gazettee ah chhuah a ni ta si a, kha dan kan hman tan ni leh dan hlui thih, ni chu ani mai awmah ka ngai a, a hranpa a effective date hi notification hi chhuah thin ani ngai reng reng em ni ? he dan ah hian kan Minister hian dik takin a hriat ang khan min hrih a, min confirm theih chuan ka pawm tho a, thil kan tisuah palh ang tih hlauhna avangin helai hi chiang taka sawi kha ka phut viau ani.

**PU B. LALTHLEGLIANA:  
MINISTER**

Pu Speaker, ka rawn sawizel tur a ni a, ka sawi ang khan effective date tur chu kan Dan Section-I (3)-na in a phut angin ti tura kan ngaih avangin kha kha a rules siam mek, zawh fel loh ani bawk nen, a rules nen ti law law ang kan tih avangin kan la zo lo a, kha kha chhanna nise.

Hemi dan diklo ang deuha khawna kan insawi thin hi surcharge pe tur chuan 2% of annual rateable value tih a ni a, annual rateable value awmzia sawi phawt dawn ila annual rateable value chu agreed rent leh standard rent a tlem zawk zawk kha a ni mai turah kan ngai a, Mizoramah hian mimal inluah tir reng reng hi inbiakremna agreed rent a ni deuh vek a, sorkar depts. luah erawh chuan mizoram urban areas a rent control acts, 1974 hei hi GAD hnuai anih ka ring a, standard rent-a aluah man chhut a ni tlangpui a ni.

Keini pawhin he kan Dan hman a rate kan tih chhohna ah khan Assam-type ah Rs. 20 a ni a, surcharge ah Rs.20/Rs.10 a ni ang. Concrete ah Rs.30 surcharge ah Rs.20 kha kha mimal luah inneitute tan a ni a, commercial center ah emaw, hmundangah in a neih a, kha kha mahni inluah lo in emaw, midang pawh luah tir sela sumdawna ang thil dawr emaw, workshop emaw, kudam emaw, hostel emaw, school emaw, sorkar office emaw ang chi ah chuan attach bakah 2% ten lak a ni ang kan ti a, 2% lak kha a value pumpui atang ni lovin a maintenance cause kan ti a, 10% kan chhut a, a lakluh pumpui 90% atanga 2% laksak tur a ni a. Hemi ah hian



keimahní fel loh tak pawh thil awm thei a ni a, Venghluí Hall ah uluk deuhin District Hqrs. kan ASO-I te, ASO-II te leh V/C te kan kokhawm a, kan in firihfiah viau a, keipawhin sawina ka nei a, thusawi ngaihthlak dan hi kan dawnsawn dan a inanglo nasa mai a, veng khat V/C Member kal theuh theuh pawh an hawng a, V/C Member dang in report an pe kha a inanglo ta nuaih mai a, khalaiia dan a assessment kha a awmkim sa thlap anih avangin Deptt. in a hmunah kalin hetiang hi ni rawh se tiin kan V/C ten an khawn ta a, khami an ngaihdan, an thudawn sawn dan inanglo nasa maia kha an lakdan kha a lo darh ta nuaih mai a, chumi avang chuan a rang thei ang berin V/C te kokhawm leh nise, hei chu a tihthat dan ngaihtuah ang kan ti a, Cooperative Hall ah kan in kokhawm leh a, an hriatsual kha a ni a. Chuvangin, khatianga kan tihsaul, Dana inziak bak khawn a awm chuan hei chu V/C ten mahni area theuh ah refund tur a awm chuan refund mai ta che u, kan ti a, kan inchah dan a ni a. Veng thenkhatah phei chuan Zoram chhiah pawh Rs.2.50 per house a khawn tur kha per head pawha la te an awm niawm tak a ni. Kan chhangchhe viau a, kan vawikhat tihna a ni a, kan V/C pawh an demawmin ka hre lova, kha kha kan tihdan kalphung a ni a, thawm an neih atang khan Budget Session ah kan Opposition chuan sawinuam an ti awm mange ka ti a, sawi nuam in rawn ti ta viau zawkin ka hria a. Kha kha building tax kan lak chungchangah a ni a.

**PU LIANSUAMA**

Pu Speaker, Deptt. Office leh D.C. (collector) ten assessment an siam ang tih a ni a, chumi min siamsak loh vang chuan V/C te kha an talbuar ta niin a lang. Land Revenue ah chuan record fel tak awmin pass neih anga kan chawi tur assessment awmsa kha a ding thlap mai a. Chuvang chuan V/C pawhin C.A pawhin khawn se pek sual theih ani lova, building tax ah khan kei emaw, tupawh khan kan pek tur zat assessment list neih loh vang kha a ni, khami section in palzut loh vang kha ani mai lo maw

**PU B. LALTHLEGLIANA MINISTER**

Pu Speaker, keini pawhin V/C te uluk deuha kan brief ah chuan khatianga khan Dan a in ziak a, figure nen awmsa thlap, Assam Type ah Rs. 20/- a hnuaiiah Rs.10/- zel surcharge in la ang a, kan ti a. A hranpa a assessment tih kha a ngai turah kan ngai lova.

**PU R. LALZIRLIANA :** Pu Speaker, Pucca building kha classification kha chiang deuh a tih a tha ka ti. A chhan chu mi banbul ringawt mai pukka building a pawmsak kha a tax duham thlak em mai.

**PU B. LAATHLENGLIANA:** Pu Speaker, khalai kha chu kei pawhin hmannah helai chu chiang zawk a tihfel a ngai anih hi, kan Dan hi kan ching viau thin a, a taka hian hman dawn chuan a fel hlal lai chu a awm anih hi, engpawh nise zo phawt ila tunah chung chung han thma hun a awm tawh si lova, kan la ennawn leh tur zinga mi a ni e, ka ti a. Kan Officer-tenen pawh kan lo sawiho tawh a.

**PU H. LIANSILOVA** Pu Speaker, kan Dan han pass ah leh tunhma kalphung pawh en in tax khawnah chuan assessment kha a awm hmasa phawt a, chu chu authority, a lo pawm (approve) thei tura sorkarin a tih khan a lo approve phawt a, chumi assessment approve hmang chuanin a khawntuten khawn thin a ni a. Tuna kan dan thar passed pawh khan khalam kha min hawn pui a, chutiang chuan tih leh hunah chuan tih nise a tha in ka ring a, kha kha ka suggest nghal e.

**PU ANDREW LALHERLIANA :** Pu Speaker,.....ka sawisel a ni hran lova. Amaherawhchu, khawn danah hian a diklo a ni tih lai tak kha kan sawisel a ni a. A diklo a ni tih kha in admit ni a ka hriatna chu Electric Veng ah pawh pawisa khawnsa nuai chuang in return leh tlat a ni. Kan lo lawm viau a, mahse in khawndan dik loh avangin in insiamtha ni ah kan ngai a, sorkar chu tha viauah kan lo ngaih laim kha kha a dik vek e, i ti leh zawk nge ni kan lo ti diklo palh a ni i tih kha clarify la ka duh a ni.

**PU B. LALTHLENGLIANA:**  
**MINISTER**

Pu Speaker, khalai kha chu ka sawi tawhah khan a chiangin ka hria a. kan V/C ten an lo dawn danah tih sual an lo nei ve a V/C pakhat atanga member pahnih lokal tepawh an thu hawn a inang lova, chumi avanga tih saul lo awmthei a ni a. Chung chu V/C tin ten tihsual palh in lo nei chu mahni area theuh ah a refund theih ang ang chu lo refund rawh u kan ti tawh a, chuti anih/chuan khalai kha chu a chiang in ka hria, sawibelh vak tur awmin ka hre lova.

Pu Speaker, Pu Duha zawhna bawk - N.Tingmun, E. Phaileng, Pehlawn, New Vervek leh khawdangah te buh tin nga hmun theuh insem tura Revenue Deptt.in a tih hi engnge a awmzia? tih kha a ohhanna chu. N. Tingmun, E.Phaileng, Pehlawn, New Vervek leh khawdangah te buh tin nga hmun theuh pek tur a Revenue Deptt. hmalakna chu kum 2007 Mautam lo thleng tur atana lo in ruahmanna a ni. Ram insem tura tih hi V/C ten lo duh ta lo se Deptt. hian tihlaih hi a tum em ? tih kha i copy ah khan 'tum e' tiin a inziak i ti a, mahse hei keini copy ah chuan 'tum lo' tih a ni.

**PU R. LALZIRLIANA**

Pu Speaker, hei chu a mak mange aw, ka ti a, ka ngaithiam miahlo, a awmdan kha

**PU B. LALTHLENGLIANA:**  
**MINISTER**

Pu Speaker, 'tum lo' tih a ni a.

**S P E A K E R**

A dinhmun kha kan Minister-in a hrechiang turah ngai ila. Lo chhut-sual palh te pawh a awm thei a, a dikna chu han sawi sela.

**PU LALDUHOMA**

Pu Speaker, tihsual palh anih chuan in 'kan tihsual palh a ni' ti maise, a copy leh ka copy in an loh ngawt te chu ka awi bik lem lo.

**PU B. LALTHLENGLIANA:  
MINISTER**

Pu Speaker, khalai kha chu a awih leh awih loh kha chu thu hran nise. typing mistake te pawh thil awm thei a ni a, keini kawlah hetiang anih bawh si chuan 'ka tisual palh a ni' han tih kha ka tingawt thei bik lova.

**S P E A K E R**

: Thil awmdan chu Deptt. in Minister hnena copy an pek kha a awm thei a, an chhanna Minister an pe thei a, chumi rual chuan Assembly ah a lokal thei bawh a. Assembly atanga re-production ah pawh thil tihsual palh a awm thei a, in an loh chu thil awmthei a ni. Thil vang tak erawh chu a ni.

**PU B. LALTHLENGLIANA:  
MINISTER**

Pu Speaker, Pu Tawna hming pawh Pu Tawnluia tih tur kha Tawnlui tih chinah an lo chhu a, khatiang khan deptt. in an tihsual a ni lo. Chuvangin, kan deptt. in kan tih dik, khawimaw laia diklo a lo awm avanga 'ka thiam lo a ni' ti tur chu niin ka in hre lo Pu Speaker, chuvangin khalai kha chu ka in admit thei lo. A dikah chuan huaisen deuh a tan tur a ni.

Pu Speaker, kan member zahawm tak tak ten Zonuam inhmun pek chungchang kha in rawn sawi a. Hei hi ngun takin kan ngaihtuah a, ka hun hma atanga thil lo kal tawh a ni a. Revenue Deptt. hi kan fimkhur viau a khumi plot an siam dawn pawh in notification an chhuah a, hemi ramchhungah hian tute nge pass lo nei a, ram nei rawn in report rawh u, an ti a. An rawn in report a, chung pass lo nei tawhho chu plot an han siam zar zar a, a plot ah khan an mark vek a, hei chu chumi LSC tih an mark vek a, kan han sem dawn khan chung pass lo nei tawhte chu kan regularized sak vek a ni. Vawiina kan MLA zahawm tak tak opposition a mite pawh hi engemaw zat an awm a. Inhmun nei ve lo in report rawh u, tihlaia in report ve lo, lo tifai ringawt a, neitu chan lo inti chang ve ringawt mi sawm vel kha kan pe thei ta lova. Khang dan miah lova valid pass pawh nei lo, engmah nei lova lo tifai a, ta ang a lo cheibawl ringawt kha vawiinah hian he house zahawm takah hian 'an dik a ni' tiin kan tan dawn em ni? kei pawh khangho kha ka lainat lo a ni lo, amaherawhchu, V/C pass tal valid pass lo nei sela chuan ka consider ang.

**PU ANDREW LALHERLIANA**

Pu Speaker, helaiah hian kan Minister te sawichhiatna lamah ngailoila, amaherawhchu he V/C pass petu ngei MNF V/C tunah khuan

MNF V/C a la ni tho a ni. Chumite chuan heng 11 te hi tan in thuchhuah an siam a, tahchuanin he V/C pass a tira pekte ang tho kha mi engemaw zat hnenah regularize sak an ni a. Tin, chung zingah chuan kan officer liante pawh hei John Neihlaia tih ang rengte pawh an tel ve a, plot pali lai a nei a, plot pakhat ah chaun in pakhat luah tlak mang loh a sa e, an ti a. A plot pathumah khan sak loh a ni. Helaia kan hrutruah dan ni zawk a lang chu, in la sa lo te kha kan cancel sak ang zawng khan a kal a ni. Amaherawhchu, insakna kan la nei lova khawngaih min nghak rawh u, an tih kha kan Minister hmuh kan tum a, V/C hova hmuh kan tum pawn min hmu duhlo a ni an ti a ni. Chuvang chuan in nawr tlang ta a, mi 11 insakna la nei ve lote hian an chan ta a ni. Kha kha khawngaih takin min consider leh rawh u, kan ti a ni.

**PU B. LALTHLEGLIANA:  
MINISTER**

Pu Speaker, Zonuan V/C ten hmuh an tum a, 'Minister-in min hmu duhlo' an tih pawh khaw an V/C te hmu duhlo ti a sawitu chu rawn

hruai la, kan in sitting room chung ngei ah mi 7 vel an lokal a, kan indawr a, ka office ah pawh an lokal a, kan lo dawr a, chuti chung a hmu duhlo an ti anih chuan ka hrethiam tawh lo. Tin, Officer an tel ve tih lam kha chu, an tel leh tel loh lam ka hre lova. Amaherawhchu, rawn in report rawh u, kan tih lai a rawn in report ve chu nise an tel em em ang. Rawn in report si lova an tih fai avanga lo ta neih ringawt kha chu dan angin a valid love kan ti mai a, kan regularize lo mai a ni. Chu zawk chu kan pek loh chhan a ni a. Chu chu member ten min lo hriatsak ula tha in ka hria a ni. A plot kha a ruak anih chuan, kan document ah ruaka a lan avangin kan pe tur a lawm. Thanga emaw Liana emaw, a neitu hming kha a lan loh avangin.

Tichuan, Pu Speaker, Kawnpui bialtu zahawm takin Thingdawl khua zauhna tur atana In hmun pek tih kha Rohmingliana, plot pathum, Ranghmingthanga, plot pathum a ni a, Revenue plot chu frontage 60, a depth 100 vel a ni a. Chumi paruk chuanin Thingdawl khawpui zauhna kha chu a dal vak ka ring lem lova, Huana an neih House Pass a convert an dil kan tihsakna a ni a. Chuvang chuan he House zahawm taka thu kan sawi tur a hi chu zokhawpa lo feh lut vui thusawi hi rawn thehluh pui zel loh hi tha in ka hria a. Hei hi dan ang thlapa kan pek, midang kan convert ang thova kan convert sak a ni.

**PU R. LALZIRLIANA**

Pu Speaker, a chhan chu hei hi i hriat lohvin an ti thei a ni, i hming chawi hian. Chuvangin, khulai an VCP in chiang taka min hrilh a ni a, bigha tam tak hmun a ni a, National Highway kam a ni. Chu chu kan pahnihin i zawng dun teh ang, a tha i thndan hi a tha ka ti khawp mai.

**PU B. LALTHLENGLIANA:  
MINISTER**

Pu Speaker, Phaisen kawngah plot 2 ka nei a, chu chu ka siam bawk a, chu chu a ni mai. Pu Speaker, Pu Duhoma, Ratu bialtu MLA zahawm takina Serchhip-a Inhmaun sem tur a hi SAAB kaltlang ngeiin pek ni rawh se, a rawr ti a. Ni e, tunhma thndan phungah chuan niawm tak a ni. Amaherawhchu, ramn hma a sawn a, Deptt. te pawhin hma kan han lak zau zel hian Serchhip-ah te pawh ASO-II te pawh kan han dah ve tawh a, Officer te kan nei ve reng chung a SAAB din hi a tul love kan ti a. Kolasib ah te, Serchhip ah te, Champhai ah te, Lunglei ah te pawh chung kan Officer te thuneihna-ah chuan kan dah ve tawh a. Aizawl ang bawkin District Hqrs. an lo nih ve tawh avangin SAAB hi heng District Hqrs. ah chuan a tul tawh love kan ti a. Order kan chhuah a, chumi ang a hmalakna chu a ni. Thildang inzep a awm hran love.

**S P E A K E R**

Ngawi rawh Pu Andrewa'n min clarify rawh a tih kha.....Khulai khu chu Aizawl Town ah kan ngai ve alawm.

**PU B. LALTHLENGLIANA :  
MINISTER**

Pu Speaker, hei hi a chhanna hi land-rent, rental charge chungchang hi sawi hi a tam lutuk a, keini kan in en thin a, a diklo kan hmu thei si lova, khawimaw laiah tute emaw changve phalo lo lungawi lo, thil kher pawr ho zualkona hi an dawngsawng thin anih ka ring a. Hei hi Pu Speaker, kan MLA zahawm tak khanin lo ngaithla sela kan sawi ang a. Mizoram Sorkar Revenue Deptt. in rental charge cheng nuai 15 sing 9 sangthum zasarih sawmsarih pakhat a sanction chu 1992-1993 a Board of Officer ten Mizoram Sipai ram luah a hmuna an endik hnu a blue print te siama an tehchhuah zat 211.033 acres huamchhung a

**PU SAILOTHANGA SAILO:** Pu Speaker, khati ngawt kha chu a ni lo. Helaiiah a lerah i thui a, awlsam takin (Pu B. Lalthlengliana : A lerah ka thuiilo, hei hi kan document base kan pekna Directorate a kan convey na a ni) engpawh nise, Pu Speaker, a sawi ngawt hi chu a nilo a nia, khulaiiah a hmunah kan zu kal a, kan hmu a (Pu B. Lalthlengliana : Kan sawi ngawt hi i pawmlo anih chuan session zawhah lokal la, kan enho ang a, a diklo a, tihsual kan neih anih chuan kan siamtha leh ang. Chu chu kan ngam, chuvang chuanin helaiiah a drama chan duh vanga thil dik si, diklo anga sawi hi chu tha ka ti lo ) Pu Speaker, tawngkam khat chauh.....

**S P E A K E R** : Khawngaihin kan Minister zahawm takin a sawi kha pek tawh kha a dik a. Tin, kan Member zahawm takin a sawi kha pek tum lai mekte pawh a lo awm a ni ang e, tunlai chhanah lo enchian deuh ni sela, a tha ang e.

**PU SAILOTHANGA SAILO:** Pu Speaker, an pe tawh a, an pass vek a, chu chu tunhma huana lo nei thin ten thlai an chin pawh kha lak phal tawh lovin, lawh phal tawh lovin khatiang khan an ti ve bawh a ni. Khalai kha a sualna lai tak kha i manchhuak ang, kan pahnihin, tichuan, kan sawirem dawn nia.

**PU B. LALTHLENGLIANA:  
MINISTER** Pu Speaker, a valid passed neituin a phallo anih chuanin neive lo tu in a neih talh tum kha chu sorkar danah chuan a theih loh. Chuvang chuan, khangkha chu puih puih loh an tha. Dan anga ro kan rel dawn anih chuan, kha kha Thingdawlah nise.

Pu Zira, kan MLA zahawm tak khanin Vairengte kha a rawn sawi a, kha pawh kha han dap char char teh u ka ti a, an han dap a, mahse, an zawng hmu zo lova, an zawn hmuh bera chu Vairengte atanga helam km 10 Vakultui lui ah khuan keimahnin kuhva hmun zau ang reng tak kan nei a, chu chu singkhat dawnlai ka phun tawh a, kumin hian a par chho tan a, a lian pawl chu. Chu chu pass ka siam a, chulo chu.....

mite chauh pek an ni. Heng blue print area pawnlam a mi reng reng chu army lamin an ramluah ah an pawmlo. Hei vang hian ni 12.4.1998 a Mizoram Sorkar proposal cheng vaibelchhe 19 nuai 81 singhnih sangli zathum sawmnga pasarih pawh Govt. of India, Ministry of Defence ah nawr tlang theih a ni ta lova.

PU ANDREW LALHERLIANA :

Pu Speaker, a rei lovang. Hemi chauh hi kan clear ang e. Keima clear tur a ni lova push through theih a ni love tih a kha

Pu Speaker, khawngaih takin a dang chu ka kal thui vaklo mai ang. Hei hi Defence Ministry-a Officer te Delhi-a an meeting thuchhuak, chumi ngei chu helaia kan Revenue a an rawn convey a ni. Chumiah phuan push through theih a ni love, a tiha kha push through anih chian zia kan chhiar chhuak lawk ang e. A clause a lai chiah chu - chumi meeting ah chuan Ministry of Defence atangin C.A.K. Pathaka, Dy. Secretary te, C.M/V/ Vijayan, Des, Officer te, Army Hqrs. atangin col. Ranjivakapura te, Smt. Anu Shahari tih te, khang kha a awm a ni. Tin, kha bakah khanin Officer senior an awm teuh bawk a, ka chhiar lo mai ang a. Chutah chuan ti tak hian an push through theih loh a tihlai sentence a kan chhiar ang a. 'It was also reported to have been decided, the said meeting that the first instalment of rupees 19 crore, 812 crore would be cleared for the period up to 31<sup>st</sup> December, 1997' a ti a. Tahchuanin hei hi Mizoram a an lo clear tawh joint a an lo clear tawh chungchang thu akha an admit thlap a ni. 'First payment of compensation would be taken up by the Ministry on receipt on the proposal' a ti a, khami pawh khan an accept a, 19 crore a kha an pawm a ni. A buaina tak zawk 5 crore chauh rawn sanction anihna chhan a hi a hmasa berah chuan kan Chief Minister hian dahthawh tak leh anmahni tan thahnem ngai takin an zu nawr thin a, chumi a zu nawr lai velah chuan Defence Ministry-in pawisa an lo in ring tawh lo, an neih loh avangin part payment chauhvin 5 crore kha an rawn sanctio thei a ni. Chuvang chuan 5 crore kha a lokal phawt a ni, 15 crore hi push through a pawm tawh a ni tlat a ni.

Tin, tunah hian anihna dik takah chuan kan Chief Minister nawr zelna te pawh a ni mai thei, a lo la kal leh dawn a ni, a aia tam zawk pawisa hi a lo kal leh dawn a ni. Push through theih a nilo a ni an tih, an push through daih tawh zawka kha khami pawh kha a lo la kal leh dawn a, a lokal leh hian Pu Speaker, kan belh duh chu khawngaih takin Revenue Deptt. hi semtir tawh suh. R.R. in sem rawh se, a chiang mai ang.



**S P E A K E R**

: A fiah e. Zawhna lamah chuan kan Minister-in han chhunzawm sela.

**PU B. LALTHLENGLIANA  
MINISTER**

Pu Speaker, khalai kha chu 1992-1993 a mi anga tih kha a ni a, hei hi chu Pu Andrew-a sawi kha chu 1999 daiha tih thlak kha a ni a.

Sorkar proposal cheng vaibelchhe 19 kha chu. Chuvang chuanin, an sanction a kha chu khami hma daih a mi kha a ni zawk. Pu Speaker, helai chungchang hriatfiah lohna lai lo chhuahna bul chu hemi 5 crore something sem dan chungchanga lungawi lovin hei a hmingte pawh han sawi ila Pu R.Tlana, Zemabawk in Dr.C.V.L. Auva, Advocate hmangin Court-a min khin tumin notice min rawn pe a, 24.8.2004 khan ka office ah khang association te leh heng ukil Dr.C.V.L. Auva te pawh kan officer te nen kan in kokhawm a, Dr.C.V.L. Auva hi rental charge dik tak sem dan hrihlfiah a ni a, thu pawh a dawngsawng thiam viau a, a lo nih tak chu mawle, a ti fai vek a, chuan an va chhuak a ro dang an va nei leh thin a, chulai chu keipawhin a hetiang a thil a diklo anga a awm fo anih chuan kan Secretary te pawh han ennawn leh teh u ka ti a, amaherawhchu dilo keini chuan kan hmu tlat lova, chuan 12<sup>th</sup> April, 1999 a Mizoram Sorkar proposal a hminga lang a, blue print a an hming chuang lo engemaw zat an awm reng a. Heng mite hian a hma a pawisa lo la tawh, an han la leh theilo hi Revenue Deptt. in min dropped a ni an ti thin a. Amaherawhchu, 1992-1993 a siam blue print, Dy. Commissioner, Aizawl Army leh Defence Secretary aiawhten a dik ngei a ni e, tiin hming an signed hnan thlap a, an hming a lan loh vang mai a ni a. Revenue Deptt. in an dropped an ni lova ni tih hrihlfiah an nih hnuah mi engemaw zat chuan thil an hrethiam a ni.

Kum 1999 a Mizoram Sorkar proposal-a langlo blue print a an hming a chuan avanga pawisa pek an awm nual bawk. Heng mite hi Revenue Deptt. in a thun thar a niin sawi a ni bawk thin. Amaherawhchu, 1992-1993 a siam daih tawh blue print ah an hming a chuan avanga pek mai an ni tih hrihlfiah an ni a. Heng thil hi Revenue Deptt. ah engtikah pawh a enfiah theih a ni. Pukpui Area atanga Aizawla pawisa la engemaw zat an awm a, Pukpui Sipai ramluah Association Secretary T.Vanlaltluanga hnenah bank draft in engemaw zat thawn a ni bawk a. Lunglei lampanga pawisa sem anih danah engemaw lungawi lohna complaint vawiin ni thlengin sorkarah sawi a awm lo. Keipawh hemi hnu hian Lungleiah vawi engemaw zat ka kal a, Association in vawi engemaw zat min

rawn hmu a, compensation sem chungchanga a diklo ti a lungawi lohna thu leh complaint pakhatmah ka hnenah an thlen lo. Chuvang chuan helaia thil chawhkawi tum engemaw velina an tih velah hianin thil a thang vel mai mai niin a lang a. Blue print atangin pawisa dawngtute an in hre vek a, sanction zat an in hre vek bawk a, Revenue Deptt. lamin tute hming emaw lo dropped a, lo thun thar theih a ni lo. Pawisa sem anih dawn hian Govt. Notification No. such and such ni 4.7.2001 ah Industry ah Revenue in pawisa la turte an documents te endik in a dik hnuah clearance a pe thin a, hei hi fimkhur avanga sorkar remruatna mai a ni.

Tin, Pukpui B- Rs. 8,41,208 claim tu awmlo sorkarin a kawl that tih bak a dang zawng chu sem fai vek a ni a, rental charge association lam atanga thil fel fai taka tih anih avangin lawmthu ziakin sorkarah kan hriattir nghe nghe a. chuvangin, tun tum rental charge semah hian cheng nuai 80 semah cheng nuai 30 Chiang mang lova sem tih loh cheng nuai 40 bang a tih hi thil awm thei a ni lo. Chief Secretary hova sawikhawmna-ah 26% chauh sem mai nise tih decision vawi khatmah sawi a ni lo. Tun tum rental charge sanction semah hian Champhai lam hi an tel lova, mi 80 zingah mi 2 chauhin an dawng tih hi thil awm theilo phuahchawp mai a ni.

PU ANDREW LALHERLIANA : Pu Speaker, Zero Hour rawn chhanna kha a ni a. Chuvang chuanin a dang zawng zawng tam tak chu ka clarify theilo ang a, hei zaninah point pahnih chiah kan la leh ang a. Pu C.V.L. Auva chungchang thuah khan pakhatmah chuan a awlsam zawngin document phawrh a ngai lova, hei hi tunah hian High Court ah inkhing tura inpeih reng an ni a, amaherawhchu, kan Chief Minister zahawm tak hnenah hian nawr ila a ni hian a tihfel theih kan ring a. Chuvang chuan Chief Minister ah i appeal leh phawt ang tiin keima zero hour hman zawng zawng chungchang thute pawh kha thil telin a dik zia kha an thehlut a, chu chu kan Minister zahawm tak hian a hmu ve turah ka ngai a. Tin, Pu Auva hian tunah hian englaipawhin kha kha chu appeal sak hi a in ready reng a, appeal chu association in an tih hun hun a ni. A ni convince leh convince lohin awmzia a awm lova. Tin, point pakhat leh helai lawkah hian Chief Secretary hova sawikhawmnaah 26% chauh sem mai nise tih decision vawikhatmah siam a ni lo tih hi thu lakkawi a ni a. Ka tawngkam thu lakkawih a ni a, rental 19 crore atanga 5 crore chauh rawn sanction a kha 26% a ni a, chu 26% an rawn sanction 5 crore a kha 26% a ni a, sem mai nise tih decision a awm a ni. Chu chu a ni a, 26% tih hi keiman ka sawina-ah khan 5 crore a hi 26 a ni e, tih ka sawina zawk a ni a.

**S P E A K E R**

Pu Andrew khawngaihin ngawi rawh, i tannaah i tang a, Minister in diklo a awmlo a ti a, khami anih tawh a, la lungawilo kha chu he house pawnlamah hian tihdan dang a awm tho a lawm mawle, kha kha chu i close ang, ka close e. Minister kal zawm rawh.

**PU B. LALTHLEGLIANA:  
MINISTER**

Pu Speaker, englovin ka han ti teh ang. Chutiang taka diklo awm nia an ngai a, an hre ru tlat anih chuan an duh chuan Court ah chuan kal mai rawh se. Kan dik lova, chawi a ngai anih chuan kan chawi mai ang. Chu chu helaiah kalpui kalpui lovin. A chiang mai ang. Khang kha chu kan enchho mek zel a, kan ngaihthah lova. Mahse, Defence lam hian Mizorama kan ramluah zawng zawng hi a zauzawng hi joint verification i nei phawt ang u, an ti a.

**PU LALHMINGTHANGA :**

Pu Speaker, kha kha Home Ministry a ni a, 1<sup>st</sup> April, 1966 atanga 31<sup>st</sup> August, 1987 inkar kha hmaih an awm avangin mi 1694 ta bigha 5223.88 hemi hi additional claim a ni a, fresh claim a ni a, kha kha chu kan enzui a ngai a.

**S P E A K E R**

: Member tam takin sawi an duh a, mahse sawi lo turin in remsiamna kan siam a, khatiang kan tih chhan kha kan tih hlawhtlin loh chuan a dik lo ang e.

**PU B. LALTHLENGLIANA :  
MINISTER**

Pu Speaker, khalai kha chu Deptt. in hma kan la reng a, chak takin. Tin, hei Printing & Stationery te pawh han sawikai a chakawm viau a. Mahse, hun kan hmanhmawh hlawm si a, kan sawi tam vak lo ang a. Tawngkam hnih khat chauha ka han sawi duh chu - Revenue earning deptt. tura siam a ni a, kan member thenkhat ten a chhut tur zawng zawngin hauh vek bik zawngin private farm ah te pawh pek nise, tih kha a dikna lai a awm a, keini hian kan pe lo ang, kan ti hauh lova. Mahse, dan anihna angin Printing & Stationery hi min rawn through sela, kan chhut sen loh thlenga hui kan tum lo, chungho chu private farm ah pek zel kan duh a ni. Chutiang bawh chuan Stationery pawh kha a ni a, keimahni in item kan neih loh pawnlama lei tur tam tak a awm a. Mahse, Printing & Stationery an through tur through si lova an han direct pawp pawp laiah hian corruption thil tam tak awm theia kan hriat avangin helai hi chu a dan a kan neih ang hian Printing hi rawn through sela a tha lawm ni. Entiran - Deptt. thenkhat duplicating paper ream 10 la tur khawinawlai private farm ah ream 5 an la a, ream 5 dang kha chu a pawisa te pawhin an la ni a hriat te a awm a. Khatiang deuh nuaih anih kha chuan kan deptt. ah ngei keinin a leina tur sorkarin min pek khan kan han lei a, an rawn indent a, sum a kha self proceed ah khan kan vawmlut leh a, sorkar tan a tha zawk lawm ni kan tih vang a ni a.

Tin, thil chhut tih pawh khatiang tho kha a ni, tuna Imagecor kan han lei hian tuna Mizoram calendar kan tih ang chi picture tha tak tak quality tha tak tak a chhuak thei ve dawn tawh a, hei hian hmasawna nasa tak kan zoram sorkar pawh a thlen thei dawn a, phailamah thil tha zawng zawng kan chhut tir a, zoram pawisa tam tak phailamah kan lian thlak tir thin a, hei hi a tha lo a ni. Kan ram chhungah ngei hian kan tih theih chin chu tih i tum ve teh ang kan tihna mai a ni a, thil tha Deptt. in a kan ngaihtuah vang mai a ni a. Chungte chu Printing a kan sawichhuah duh ve te chu a ni e.

Tin, Fisheries Deptt. ah hian kan sawi zawr zawr ang a, central lama hotute kal pawhin potential kan neih thatzia ha hipin an sawi a, a dik pawh a dik a, Pu Speaker, i bial leh Pu Tawna bial western belt Kolasib, Mamit, Kawrthah bial zawng zawng hi potential area kan neih an ni a, hnamdang lokalte pawhin an hmuh a chu, hetiang khawpa potential tha si, engatinge Sangha hi in la intodelh loh tih hi min zawhna a ni a. Amaherawhchu, kan Sangha Dil siamdan kalphung a system a hi a la fuh lova, khuah tlin tawp, chawm lova a note dah a tih tawp,

November, December thla vela sah huk policy a sah deuh vek hlawn kha a ni a, hemi hi a system hi engtingge kan tihfel theih ang ka ti a, hei kan sorkarin BAFFACOS ah cheng nuai 100 min rawn pe a, chumi hmang leh FFDA pawisa hmangin tun atang hian tam dona ni pahfawmin kan Sangha thdan a system hi i her rem vek phawt teh ang, tichuan Sangha Dil siamdan pawh mithiamin rawn duang ula, hetiang tak hian tiin a drawing te pawh rawn ti ula chutiang tak chuan BAFFACOS hnuai dil tanpuina kan peka te pawh chu Sangha Dil i siam tir ang, thian thenkhatte tawng dan takin 'eisa mafik' tih tur hi dil awm phawt rawh se. Tichuan, a siam lehzet turte pawhin khatiang tak khan dil siam sela, chutiang chuanin hemi a production kha a lo awm ang a, a production a market a channel han siam dante pawh ruahman lawk ila kan ti a. Tunah hian ZOFISHFED te nen tangrualin Mizorama Sangha tharchhuah reng reng chu tikhanin ZOFISHFED khanin an lo la ta char char a, kg khat hnuailam chu Rs.50/- in an khar sak a, chu chu a dealer hnenah cheng tlemte kg a cheng hnih khat hlep in an han pe ve leh a, an nin tikhan an han pe dar a. Tin, kg 2 chunglam chu kg ah Rs.70/- in an kharsak ta char char a, chutichuan Mizoram dungluanah Saiha, Champai, Kolasib, Mamit heng zawng zawngah hian agent neiin ZOFISHFED tin khan zorama tharchhuah Sangha kha vur nen motor in an rawn tawlhchhuak ta char char a, chutiang chuan hma an la a, tichuan kan hralhchhuah dan chu kar khatah kg 2100 thla khatah chuan kg 28400 a lo ni a, chuan a pumpuia a hralh chu December thla atanga tan kha a ni a, tunah kg singhnih ah sangnga leh zahnih a lo ni ta a, khatianga a market channel a kha a kal dik tawh bawksi chuan a Sangha dil khuapli tawp. November, December thla a sah tawp a, chaw pawh pe lo 'khan kum' tluanin Sangha Dil hi a hman theih a ni tih hi an lo hria in phai lo reife tawh buh thar that theih tawh loh kha miten an let zung zung ang a, chutah c huan quintal 40, 50 Sangha kha a thar hunah chuan thlakhatah nuai li, nuai nga kha a lo income dawn a, chutiang zawng chuan tunah hian Fisheries Deptt. Sangha dil kalphunga hi tih chhoh kan han tum a, hun a tlem si avangin kalzung zung mai ila. Khatianga kan han tih chhoh chuan reiloteah Fisheries Deptt. hi potential tha tak anihna angin, Mizoram kut hnathawk a eizawngtute dinchhuahna atan thil tha tak a ni turah kan ngai a ni.

Tin, heng cold storage, Ice plant kan han neihte kan siambelh zel turte hi chu hun a tawi a, sawibelh tawh lo mai ila. Tin, chumi bak member zahawm tak takte hnena kan sawibelh duh a chu hemi Central Institute of Fishery-ina Fresh water Fish Culture an rawn tihchhuah hi Mizoram ah pawh introduce tumin hma kan han la a, kan hmalakna chinah chuan

hlawhtling viau dawnin kan hria a, hemi a mithiamten an duh danah chuan May - November hi a khawi hunchhung tura tha ber niin an hria a. Hemi thla chung hian chawmthat 6 inch. Atanga 9 inch thla 4 a chanve chhungin a ni thei a, a seizawng kha 35 - 50 a ni thei bawk a. Tichuan, CIFT guideline ang chuan culture chung hi thla sarh tal nise an ti a, thla sarhah chuan gram 80 - 100 a ting thei a, a flangpuiin a ram a lum chuan thla 5 - 6 ah a puitling thei a chhut a ni a, chu chu tunah hian Champai-ah Pu Speaker, I bial chhungah kan han enchhin a, Sangha Dil te reuhte a zau zawng 0.2 hectre ah kg 64 a tharchhuak thei a, Lengpui ah 0.05 hectre ah kg 12 a thar thei a. Tuna an han thar chinah chuan kezungpui aia lian lian 6inch, 5inch dawn dawna sei te a ni a, hei hi Mizoramah Sangha bakah a tih chi dawn riau in kan hria a, chung kawnga tui mite mizoram mipui ah kan awm zel anih pheichuan chung chu kan sawi zawr zawr theih nise.

Pu Speaker, tichuan ka Demand No. 6 - Land Revenue & Reforms Rs. 8,79,09,000/- Demand No. 8 - Taxation Rs. 2,92,70,000/- Demand No. 18 - Printing & Stationery Rs. 5,21,82,000/- Demand No. 35 - Fisheries Rs. 3,90,70,000/- a vaiin Rs. 20,84,31,000/- hi he House in min pass pui turin ka ngen e.

**S P E A K E R** : Kan Minister zahawm tak Pu Thlenga'n a Demand No. 6, 8, 18, 35 a vaiin Rs. 20,84,31,000/- chu pass sak a rawn dil a, pass remti ten 'remti' ti ula, remtilo kan awm em ? remtilo kan awm chuan remtilo kan awm lova, House chuan Pu Thlenga Demand No. 6, 8, 18, 35 chu lungrual takin kan passed anih chu.

**PU B. LALTHLEGLIANA:** Pu Speaker, ka lawm e.

**S P E A K E R** : Awle, naktuk hi Good Friday anih avangin kan chawl dawn a, vawiina kan business chu pawtchhe deuh rum chungin kan zo ta a. In zavaiin Good Friday leh Easter Sunday hlawhtling tak leh hlim taka hmang turin duhsakna ka hlan che u a ni.

Vawiina kan thutkhawmna chu kan lo zo ta a, kar leh Thawhtanni 28<sup>th</sup> March zing dar 10 : 30 ah kan thukhawm leh dawn nia.

Sitting Adjourned at 5 : 20 pm.